



38684

Manuscript

P



Teol. 6594.

1883, I. 74.



30

1 Rubl

Ztr 1. Nr. 18.



Ex gratia Rōmā Indi Patris Constantin
Iudymski S. P. D. Patris Iurisdic. v. t. a.
Conventus Lesnaniensis. 1720.



38684
11

Handwritten text in a cursive script, likely a library or archival stamp, located at the bottom of the page. The text is faint and partially obscured by a large water stain.

REVERENDISSIMO PATRI

NICOLA O
STASEWSKI

Religionis S. Pauli Primi Eremitæ
Priori Generali Dignissimo.

JO: DOMINICUS VERUSIUS F. P.



*Deò misera mortalium
est conditio, ut Divino
attestante eloquio, sensus, & cogitatio hu-
mani cordis in malum prona sint ab ado-*

a ij

le/cen-

lescentia sua: hinc necesse est leges hominibus ponere, ut secundum legem vivant: nam si absque his viverent, ut inquit Plato, nihilo à feris atrocissimis discreparent. Quod quidem potiori jure in illustriori Republica exigitur, quo enim splendidior, & pulchrior, eò majori ratione leges ad sui conservationem, & decorem exoptulat. Quapropter rationi semper consentaneum, imò necessarium apud rerum publicarum Rectores fuit, ut commissam sibi universitatem variis institutis, legibus ac præceptis fulcirent, ac veluti munitioni valarent.

Quo spiritu ducti vestri antiqui Patres, hoc in primis labore, Religioni vestræ consulendum esse putarunt, ut quas Leges, seu Constitutiones ipsi proficuas ac necessarias crederent eas unico volumine per partes, capitaque distinctas toti Ordini observandas proponerent. Verum cum à Paternitate Tua Reverendissima animadversum fuerit in prædictis Constitutionibus nonnulla

repe-

reperiri subobscura omittique alia, quæ pro
præsenti statu congruentiora videbantur,
meritò ad Sanctam Sedem recurrendum
esse duxit, ut Constitutiones prædictæ, no-
vâ limâ, novaque normâ restitutæ Apo-
stolicæ Sedis robore firmarentur, Typisque
ut facilius ad omnium Religiosorum manus
devenire possent, mandarentur. Quod cum
summa cura, & diligentia ad optatum
exitum, de benignitate Apostolicæ Sedis,
deductum sit, Constitutiones has emendatas,
correctas, & approbatas, typisque elegan-
tioribus excusas, Reverendissimæ Paterni-
tati Tuæ ea quâ decet reverentia dedico,
& offero, Deumque Optimum Maximum
rogo, ut ad observantiam earundem cor-
tuum, ac omnium Religiosorum tuorum
dirigere dignetur, ut angustam Cælorum
portam, arctamque Domini viam, ipso
duce ingredienti, in Sancta Dei Ecclesia
fructus uberes proferatis, & non solum
militantis, sed & triumphantis Ecclesiæ
inter cives electos numerari valeatis, ad

bono-

*honorem Dei, & Deiparæ Virginis Mariæ,
Sancti Pauli primi Eremitæ, cui ex insti-
tuto vestræ sacræ professionis famulantes
in præsentis sæculo militatis.*

URBANUS

PAPA VIII.

Ad futuram rei memoriam.



XPONI Nobis nuper fecerunt Dilecti Filii Modernus Prior Generalis, & Fratres Religionis Sancti Pauli primi Eremitæ, quod aliàs pro dictæ Religionis reformatione nonnullæ Constitutiones editæ fuerunt, quæ postea à triginta tribus Congregationibus particularibus deputatis à Nobis emendatæ, & correctæ fuerunt. Cum autem sicut eadem expositio subjungebat, exponentes prædicti, quo Constitutiones prædictæ firmiores subsistant, & exactiùs ab omnibus observentur, illas Apostolicæ nostræ Confirmationis robore communiri summopere desiderent.

Nos igitur illos specialibus favoribus, & gratiis prosequi volentes, & eorum singulares personas à quibuscvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet in-

innodatae existunt ad effectum praesentium dumtaxat consequendum harum serie absolventes, & absolutas fore censentes. De Venerabilium Fratrum nostrorum S. R. E. Cardinalium negotiis Congregationis de Propaganda Fide Praepositorum Consilio. Constitutiones praedictas, dummodo tamen licitae sint, & honestae, Sacrisque Canonibus, ac Concilii Tridentini Decretis, & Constitutionibus Apostolicis, dictaeque Religionis Regularibus institutis non adversentur, Apostolica auctoritate tenore praesentium approbamus, & confirmamus, illisque inviolabilis Apostolicae firmitatis robur adjicimus, ac omnes, & singulos tam juris, quam facti defectus, si qui desuper quomodolibet inter-
venerint supplemus. Decernentes illas, nec non praesentes litteras semper, & perpetuo validas, firmas, & efficaces existere, & fore, suosque plenarios, & integros effectus sortiri, & obtinere, ac ab omnibus, & singulis, ad quos spectat, & in futurum quomodolibet spectabit inviolabiliter observari, sicque per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus

nibus Apostolicis , ac dictæ Religionis etiam juramento, confirmatione Apostolica , vel alia quavis firmitate roboratis statutis, & consuetudinibus cæterisque contrariis quibuscumque. Volumus autem, quòd præsentium transumptis etiam impressis manu alicujus Notarii publici subscriptis, & Sigillo dicti Prioris Generalis munitis eadem prorsus fides adhibeatur, quæ ipsis præsentibus adhiberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die VII. Augusti M. DC. XLIII. Pontificatus Nostri Anno vigesimo primo.

M. A. Maraldus .

*Eminentissimi, & Reverendissimi Domini,
Domini Cardinales, Prælati, & Viri
Religiosi, à S. D. N. URBANO VIII.
in Sacra Congregatione de Propaganda
Fide Deputati pro revisione, & emendatione harum Constitutionum.*

Eminentissimus, & Reverendissimus D. Laudivius
Zachias Card. S. Sixti.

Eminentissimus, & Reverendissimus D. Joannes
b Ba-

Baptista Pallotta Card. S. Silvestri in Campo Martio.

R. D. Antonius Marullus, nunc Archiepiscopus Sypontinus.

R. D. Horatius Justinianus, nunc Episcopus Montis Alti.

R. D. Abbas Papirius Silvestrius, nunc Episcopus Maceratensis.

R. D. Franciscus Ingolus Secretarius Sac. Congregationis de Propaganda Fide.

R. P. Hilarion Abbas Ord. Cisterciensis.

R. P. Augustinus Malosius Abbas S. Gregorii de Urbe.

R. P. Paulus Simon à Jesu Maria Carm. Discalceatorum Generalis.


R. P. Lucas Wadingius Ord. Minorum S. Francisci Strictioris Observantiæ.

R. P. Antonius Naldus Theatinus.

R. P. Franciscus Nerii Procurator Generalis Capucinatorum.

DECRETUM

Sacræ Congregationis Generalis
de Propaganda Fide habitæ
die 12. Martii 1725.



EFERENTE Eminentissimo, & Reverendissimo Domino, Domino Cardinali Alexandro Albano preces Patris Andreæ Musar Procuratoris Generalis Ordinis Sancti Pauli primi Eremitæ humiliter supplicantis nomine suæ Religionis, sibi concedi facultatem reimprimendi Constitutiones ejusdem Ordinis, aliàs à San. mem. Urbano Papa VIII. de consilio hujus Sacræ Congregationis anno 1643. approbatas, & confirmatas, ac de anno 1644. typis in Urbe editas, ac item de anno 1646. Viennæ in Austria denuò impressas: ita tamen, ut in tertia hac editione plures orthographici, typographicique errores corrigantur; & clariores, politioresque voces, quæ tamen substantialia non immutent, in locum aliarum, quæ subobscuræ erant, subrogentur; ac demùm aliqua ad melius Religionis regimen necessaria superaddantur; Sacra Congregatio hujusmodi correctionum, nec non additionum examen Eminentissimis, & Reverendissimis D. D. Cardinalibus Buffio, S. Agnetis, & præfato Albano Ponenti remisit; quorum deinde auditis votis, Oratoris supplicationibus benignè annuendum censuit: eâ tamen lege, ut antedictæ correctiones, & additiones omninò fiant, juxta ea,

quæ à memoratis Eminentissimis Patribus præscripta sunt,
prout in foliis, quæ habentur in Positione asservanda in
Archivio ejusdem Sacræ Congregationis: injuncto insuper
onere præfato Oratori, ut exemplaria ejusmodi tertiæ edi-
tionis minimè publicentur, nisi postquam per R. P. D. Se-
cretarium revisa, cum præfatis foliis collata, & ipsius Sacræ
Congregationis nomine approbata fuerint.

Datum Romæ die 27. Aprilis 1725.

Joseph Cardinalis Sacripantes
Præfectus.

L. S.

Bartholomæus Ruspulus Secretarius.

AD

AD LECTOREM RELIGIOSUM.



A est humanæ voluntatis ad malum facilitas, atque ad bonum tarditas, ut necesse omninò sit, eam certis vitæ legibus alligare, ne vel ad illicita effræni cupidine abripiatur, vel noxio torpore ab amore honesti retardetur. Quod probè olim exploratum habuere SS. Patres nostri, cùm enim Divino complurium Stellarum in unum coeuntium ostento admoniti, vitam Eremiticam Canobiticâ commutassent, continuò novam ejusmodi vivendi formam, novis quoque vallare legibus sunt aggressi; in quibus sanctè servandis cum aliquamdiu sese eximiè probassent, magno studio à B. Patre Eusebio Romæ laboratum est, ut iisdem legibus opportunum stabilimentum adderet, ac pro recens à se intra septa monastica coadunatâ familiâ, certam aliquam Regulam à Sancta Sede Apostolicâ obtineret, in quo negotio insignem Divi Thomæ Aquinatis operam expertus fuit. Post hæc optimi Patris non degeneres Filii, cum in celeberrimo quondam Divi Laurentii propè Budam Monasterio in Hungaria, comitia generalia celebrarent, Anno nimirum 1309. feriâ 6. post Festum Pentecostes, iisdem legibus, non ex novo editis, aut inventis, sed ex diversis particulariter relictis, magno animorum consensu, nec minore zelo colla submisere, easque communibus studiis per se ac posteros suos æternum inviolabiliter observandas recepere; quæ res postmodum complurium Summorum Pontificum autoritate firmata fuit. Et verò, quàm exactè ad memoratarum Sacrarum legum normam, mores suos vitamque composuerint, S. Joannes Capistr-

pistranus testis locupletissimus ostendit, qui nostros Patres, dum adhuc corporeâ mole circumdati inter mortales degerent, illustri testimonio Sanctos nominare non dubitavit; Sanctus etiam Antoninus quasi laudum compendio vitam illorum descripturus, eos regulariter vixisse, hominesque in vita, & post mortem in sui amorem traxisse commemorat. Quin & ipsi Romani Pontifices, suavitatem odoris, quem electa myrrha austerae illorum vitae diffundebat, attracti, singularibus eos Privilegiis, & spiritualibus gratiis cumularunt, ut ipsorum Bullæ super his editæ luculenter testantur. Cæterum uti nihil fermè intactum finit edax temporum diuturnitas, ita nec huic sancto rigori ex toto pepercit, sed modò hanc, modò illam rigidiorē constitutionem substringere, & languescētibz sensim hominum animis diminuerē cæpit, ut tandem Sacra Paulinorum familia, à primævo illo vivendi instituto non parùm remiserit. Verùm se ipsam accuratiùs dispiciens, zelo divini honoris inflammata, nec non sublimioris profectûs desiderio (sicut & plerisque alios Religiosorum cætus videmus, magnis nisibus ad majorem perfectionem contendere) cælitùs impulsâ, mox adjecit animum, arcum nonnihil remissum denuò intendendi, & pristinas suas leges ac sanctiones pro viribus resūmendi, nec non aliquas, temporum statu, atque animorum bono sic suadente, veteribus adjungendi. Quas tandem sedulo filiorum suorum labore ac operâ in meliorem formam redactas, Urbanus VIII. Pont. Max. diligentissimè revisas approbavit, & Anno 1643. Apostolicæ autoritatis robore firmavit. Quapropter nos Majorum nostrorum vestigiis insistentes, cum Anno 1644. in Capitulo Generali legitimè essemus congregati in Monasterio Sanctissimæ Dei

Genitrici, & Divo Wolffgango dicato, propè Sopronium in Hungaria, die Dominicâ, post ejusdem Deiparæ Natallem, imploratâ Divini Numinis gratiâ, præfatas Constitutiones sic approbatas, ac Romæ typo editas, communibus votis acceptavimus, easque Deiparæ Virginis, singularis Ordinis Protectricis, & Advocatæ, nec non S. Pauli Patris nostri confisi patrocínio, simulque erecti spe boni zeli præsentium, & subsequen- tium Fratrum nostrorum, perpetuò inviolabiliter observandas commendavimus. Proinde omnes in Domino hortamur, ut in earum sedulam ac indefessam observationem totis viribus incumbant, sic enim fiet, ut Deo, Angelis, & hominibus futuri simus amabili- ores, prout de antiquis nostris Patribus traditum accepimus, eos nempe propter vitæ cum Sanctis eorum legibus conformitatem, Summis Pontificibus, Regibus, Principibus, & Ecclesiæ Catholicæ Prælati- bus, magnæ fuisse venerationi. Quod si quid austerius, aut rigidi- us in iis occurrerit, id totum à Sanctis nostris Patribus traxisse originem sciendum est, quorum sensui, in earundem revisione, Sacra Romana Sedes unicè voluit insistere. Aderit nobis Divina bonitas per suam auxiliatricem gratiam, ut cunctas obviaturas difficultates fortiter vincamus, & in viros secundum Cor Dei evadamus. Et sanè Sancti Patres nostri, vel ideò audivêre, & fuêre Sancti, quia sibi præfixas ad sanctè vivendum leges, vitâ ac moribus tenuerunt. Neminem viæ asperitas terreat; ea namque ad patriam nos deducet; monitum Domini est: *Arcta est via, quæ ducit ad vitam*: & ut dixit non nemo: *per angusta ad angusta*. Intueamur Authorem familiæ nostræ DIVUM PAULUM, qui vivens ac moriens mirabilis austeritatis nobis exempla proposuit, id ipsum fecêre ejus-

dem

dem Filii, (ut Annalium nostrorum produnt monumenta)
à quibus & nos non decet esse degeneres. Porro totum vo-
lumen trifariam partimur. Prima ejus Pars Religiosum
Tyronem instruit. Secunda, docet modum vitam in com-
mune instituendi. In postrema, Officiorum norma descri-
bitur. Qui Ordo sanè perquàm ordinatissimus censeri de-
bet, siquidem nemo facile rectè præerit aliis, qui non fuerit
priùs tyro humilis, ac subditus probatus.



*Ad R. R. Patres, & Fratres Ordinis
S. Pauli primi Eremitæ.*



ERTIO prælo Constitutiones Ordinis nostri oraculo Sacræ Congregationis de Propaganda Fide in publicum permissas, ante oculos mentis vestræ repono Dilectissimi. Vitam illæ cunctis qualis esse debeat præsentant; non tam obscurè sicut in primæva vitæ Eremiticæ sequela, autoritate ordinariorum probatæ præferebant; sed congregatis ad lumen cælicum in cænobio suprema autoritate illustratæ, & approbatæ clarè viam Religiosam quâ ad astra eundem est monstrant. Profectò recta, & Magistra hæc via est, quam Sacrorum Canonum specialiter Sacrosancti Concilii Tridentini passim sparsa firmant decreta, ita ut recto tramite gradiendum, nec ab eis ullatenus declinandum sit; adest & desiderata in hac editione tertia exactior Capitum coordinatio, politiorum terminorum suppositio, errorum orthographicorum, & typographicorum correctio, ut undequaque securi promptè ad omnium introcontentorum observantiam currere valeatis; nec terreamini renovatis, verius reimpressis, nihil enim de antiqua earundem substantia deperditum, nihil immutatum, eandem sed melius adaptatam, imò veluti conditam, atque gustui vestro accomodam exhibent vitæ Religiosæ portionem, adcòque ferventi animo sumite, & viam mandatorum Regulari motu decurrite. Tandem verbis vos exhortor Apostoli 1. ad Thessal. cap. 4. *De cetero ergo Fratres, rogamus.*

vos & obsecramus in Domino Jesu; ut quemadmodum
accepistis à nobis, quomodo oporteat vos ambulare, &
placere Deo, sic & ambuletis, ut abundetis magis.

Devoveo.


Vester infimus in Christo Servus
Fr. Chrysostomus Kozbialowicz
Prior Generalis indignus.



REIMPRIMATUR,

Si videbitur Reverendissimo Patri Magistro Sacri Palatii
Apostolici.

N. Baccarius Episcopus Bojanen. Vicesgerens.



REIMPRIMATUR,

Fr. Gregorius Selleri Ordinis Prædicatorum, Sacri Palatii
Apostolici Magister.

INDEX

INDEX CAPITUM

Harum Constitutionum.

PARTIS PRIMÆ.

C AP. I. De Institutione Vitæ Regularis .	Pag. 1
CAP. II. De Monasteriis ubi Novitii sunt educan- di .	2
CAP. III. De Fratrum Laicorum Receptione, & Educatio- ne .	4
CAP. IV. De Novitiorum Examine Receptioni præmitten- do .	6
CAP. V. De Modo, quo Novitii Ordinis Nostri habitum suscipiunt .	9
CAP. VI. De Novitiorum Educatione .	14
CAP. VII. De Novitiorum Approbatione .	15
CAP. VIII. De Modo Professionis faciendæ, tam à Fratribus Choristis, quàm Conversis .	17
CAP. IX. De Forma Professionis emittendæ, & de Professo- rum spirituali profectu .	21
CAP. X. De Monasteriis Studiorum .	23
CAP. XI. De Litterarum Exercitiis, quæ in Monasteriis Studiorum fieri debent .	24
CAP. XII. De Conferentiis Casuum Conscientiæ .	25
CAP. XIII. De Meditatione .	26
CAP. XIV. De Modo persolvendi exercitia spiritualia .	27
CAP. XV. De Divino Officio .	30
CAP. XVI. De Festivitatibus Ordinis .	33

CAP. XVII. De Libris habendis ad usum Chori.	Pag. 34
CAP. XVIII. De Missæ Sacrificio, & Predicatione Verbi Divini.	35
CAP. XIX. De Sacramentorum administratione, & Processionibus.	37
CAP. XX. De Voto Obedientiæ.	38
CAP. XXI. De Voto Castitatis.	39
CAP. XXII. De Voto Paupertatis.	41
CAP. XXIII. De non alienandis bonis mobilibus, aut immobilibus.	43
CAP. XXIV. De Renovatione Votorum.	46
CAP. XXV. De Vitanda Divagatione, & de iis, quæ concernunt Obedientiam.	50
CAP. XXVI. De Disciplina, Jeuniis, & Clausura.	51
CAP. XXVII. De Parsimonia ad Mensam.	53
CAP. XXVIII. De Clausura, & Cellarum abusu tollendo.	Pag. 55
CAP. XXIX. De Vestitura Fratrum, & quæ concernunt Paupertatem.	56
CAP. XXX. De Silentio.	58
CAP. XXXI. De Obligationibus Ordinis sub peccato mortali.	60
CAP. XXXII. De Moribus, & Ceremoniis nostrorum Regularium.	61
CAP. XXXIII. De Mortificationibus extraordinariis.	64

PARTIS SECUNDÆ.

C AP. I. De Capitulo Generali.	65
CAP. II. De Electione Patris Generalis.	68
CAP.	

CAP. III. De Capitulo Provinciali :	Pag. 69.
CAP. IV. De Electione Provincialis , Definitorum , & Discreti Provinciae , ac aliorum Officialium .	70
CAP. V. De Electione Discretorum Conventualium .	72
CAP. VI. De Discessu Priorum ad Capitulum .	74
CAP. VII. De Examine Discretorum .	75
CAP. VIII. De Examine Patris Generalis , aut Provincialis .	78
CAP. IX. De Modo Electionis Generalis , aut Provincialis .	80
CAP. X. De Electione Vice Generalis , Vice Provincialis , Definitorum , & Collegæ , seu Secretarii .	86
CAP. XI. De Agendis in Definitorio Generali , vel Provinciali .	87
CAP. XII. De Conclusionem Capituli Generalis , vel Provincialis .	91
CAP. XIII. De Capitulo Hebdomadali .	95

P A R T I S T E R T I Æ.

C AP. I. De Communi Regula Superiorum .	97
CAP. II. De Auctoritate Prioris Generalis :	99
CAP. III. De Officio Prioris Generalis .	101
CAP. IV. De Officio Vicarii Generalis , vel Provincialis .	104
Pag.	104
CAP. V. De Præeminentia , & Officio Provincialium .	107
Pag.	107
CAP. VI. De Officio Definitorum .	108
CAP. VII. De Officio Procuratoris Generalis in Urbe residentis .	110

CAP. VIII. De Officio Socii, seu Secretarii Prioris Generalis, vel Provincialis.	Pag. 111
CAP. IX. De Officio Priorum.	113
CAP. X. De Officio Magistri Novitiorum.	115
CAP. XI. De Officio Discretorum.	116
CAP. XII. De Officio Supprioris.	118
CAP. XIII. De Officio Prædicatorum.	119
CAP. XIV. De Confessariis.	121
CAP. XV. De Officio Sacristæ.	125
CAP. XVI. De Officio Rectoris Chori.	128
CAP. XVII. De Officio Minoris Collegæ destinati ad obse- quium Patris Generalis, vel Provincialis.	129
CAP. XVIII. De Hebdomadario.	130
CAP. XIX. De Lectore Chori, & Mensæ.	131
CAP. XX. De Officio Procuratoris Conventûs.	132
CAP. XXI. De Infirmaria, Infirmary, & Infirmis.	134
CAP. XXII. De Fratibus Agonizantibus.	136
Absolutio Generalis pro Agonizantibus.	137
Alia Absolutio communis.	138
CAP. XXIII. De Receptione Hospitum.	140
CAP. XXIV. De Officio Bibliothecarii.	143
CAP. XXV. De Janitore.	144
CAP. XXVI. De Archivis Ordinis, Provinciarum, & Con- ventuum.	145
CAP. XXVII. De Sigillo Ordinis, Provinciarum, ac Con- ventuum.	146
CAP. XXVIII. De Deposito Ordinis, Provinciarum, & Conventuum.	147
CAP. XXIX. De Visitatione.	148
CAP. XXX. De Processu Judiciali.	155
CAP.	

CAP. XXXI. <i>De Correptione Culparum.</i>	Pag. 157
§. I. <i>De Levi Culpa.</i>	158
§. II. <i>De Gravi Culpa.</i>	160
§. III. <i>De Graviori Culpa.</i>	161
§. IV. <i>De Gravissima Culpa.</i>	162
§. V. <i>Observanda circa penas injungendas.</i>	163
CAP. XXXII. <i>De Quibusdam Excessivis.</i>	164
§. I. <i>De Percussoribus.</i>	Ibid.
§. II. <i>De Apostatis.</i>	165
§. III. <i>Pæna Proprietariorum.</i>	167
§. IV. <i>De Pæna Excommunicationis.</i>	168
<i>Forma servanda in Excommunicationis Sententia ferenda.</i>	169
§. V. <i>De Privatione Vocis, Loci, & Coronæ.</i>	170
§. VI. <i>De Loco Pœnitentiæ.</i>	171
§. VII. <i>De Pæna Ejectionis.</i>	172
CAP. XXXIII. <i>De Monitis Generalibus pro Observatione Constitutionum.</i>	173







PARS PRIMA.

CAPUT PRIMUM.

De Institutione Vitæ Regularis.

1.



UAMVIS in omnibus Monasteriis nostris eadem Instituti sit ratio, aliquod tamen in eis oportet esse discrimen, & Religiosorum profectui consentaneum, ac proximorum utilitati accommodatum.

2. Monasteria igitur nostra in tres ordines, seu classes distinguenda esse decernimus, quorum alia Novitiorum educationi, alia Studiis litterarum, quædam denique Professorum progressui, ac Sæcularium utilitati, & saluti destinentur.

3. In prædictis autem Monasteriis Religiosos, Novitiis, Professis, Choristis, & non Choristis computatis, non pauciores duodecim, neque plures, quàm quot annui Monasteriorum redditus commodè alere possint, commorari præcipimus.

4. Et quia in novis Monasteriorum erectionibus compertum est; regularem disciplinam plurimum detrimenti capere, ac mirum in modum, sive ob rerum penuriam, sive ob locorum in-

A

com-


commoditates tepescere, ac laxari; ideo districtè prohibemus, ne Religiosi ad dicta loca se transferant permansuri, quousque Ecclesia, & domus habitationi, & regularibus Instituti nostri functionibus accommodata fuerint ædificata, nisi aliter Capitulo Generali in aliquo casu visum fuerit expedire.

5. Loca autem pro fundandis Monasteriis non recipiantur, nisi à Priore Generali pro tempore existenti, aut ab eo Provinciali, intra cujus Provinciæ fines reperientur visitata, ac maturius considerata, ab eodem fuerint approbata.

6. Ecclesiarum, & Monasteriorum fabricæ ita ædificentur, ut religiosam modestiam, & decentiam instituto nostro conformem præferant.

CAPUT II.

De Monasteriis ubi Novitii sunt educandi.

1. OVITIUM Monasteria ab iis omnibus, quæ mentem illorum à rerum divinarum contemplatione distrahere, ac animi tranquillitatem perturbare possunt, oportet esse segregata.

2. Propterea Novitiatus deputentur in majoribus Monasteriis dissitis aliquantulum ab oppidis, nisi aliter Capitulo Generali ex rationabili causa visum fuerit expedire. In iis vero Generalem, ejusve Vicarium, & Provinciales commorari, studia litterarum exerceri, & hospites frequenter admitti prohibemus.

3. Curent Generalis, & Provinciales, ut Prior Monasterii pro Novitiatu deputati, eligatur ex iis, qui Novitiorum Magistri in Religione laudabiliter fuerint, ejusque electio in Capitulo Provinciali, ante aliorum Priorum electionem fiat. Noverit autem in eo munere constitutus de bona Monachorum educatione sollicitum se esse debere, quod planè præstabit, si ob-

observantiæ regularis veluti exemplar sese omnibus præbeat ; communibus eorum actibus intersit , singulos visitet , ac soleatur , & publicis , ac privatis exhortationibus , prout opus fuerit , eos in religiosa vocatione confirmet .

4. Novitiorum Magister ætate convenienti , ac religione , pietate , ac prudentiâ singulari præditus , in Capitulo Provinciali instituitur , ejusque officium usque ad Capitulum proximè futurum perduret , & Monasterii Novitiatus Supprior existat ; Et si Novitiorum numerus ita augeatur , ut solus dicto muneri satisfacere nequeat , illi socius ætate ac moribus similis , qui eum fideliter , ac diligenter adjuvet , in eodem Capitulo adjungatur .

5. Ne reverentia Magistro Novitiorum debita minuat in Novitiis , sed ejus existimatio , & auctoritas apud illos conservetur , caveat Prior Monasterii , ne ipsum coram Novitiis aliquando corripiat , aut corrigat ; Sed si quid reprehensione , aut correctione dignum commiserit , eum secretò admoneat , & corripiat , si opus fuerit .


6. Nihil prætereà circa Novitios Prior disponat , nisi re prius cum eorum Magistro communicatâ , quo cum amanter admodum sese gerere debeat .

7. Professi quicumque ibidem commoraturi , singulari virtutum exemplo , ac regulari observantiâ ita præstent , ut ipsorum vita sit institutio Novitiorum . Ex Fratribus verò laicis , ii tantum ibi degant , qui domesticis exercitiis erunt necessarii , & insuper idonei , humilesque , ac laboris amatores . Novitii etiam postremis præsertim anni probationis mensibus , in humilibus ministeriis , & officiis domûs exerceantur , ut eorum ingenium , ac virtus probetur .

8. Si Novitiorum Magister obierit , aut amotus fuerit , Provincialis in illius locum sufficiat , quem magis idoneum , re diligenter perpensâ , judicaverit ; isque ejusdem Provincialis , aut successoris illius arbitrio sit amovibilis .

CAPUT III.

*De Fratrum Laicorum Receptione,
& Educatione.*

I.  AICI Fratres de Generalis, aut Provincialis licentia, & Presbyterorum in Monasterio commorantium assensu admittantur; præmisso tamen eorum vitæ, ac morum per aliquot dies examine, & antequam ad habitum recipiantur, domi maneant per quatuor menses, ut probentur; nisi Pater Generalis, vel Provincialis cum aliquo dispensaverit, quod raro, & non nisi ex rationabili causa fieri debet.

2. Ii verò firmâ valetudine, ac viribus, & decenti corporis habitudine recipiantur, nec plures quàm Religioni videbuntur necessarii.

3. Si Monasterium, ubi Novitii educantur, eos receperit; Prior tempus opportunum illis assignet, quo cum Novitiis ad eorum exercitia convenient; neque permittantur è Monasterio exire per annum, ut eo tempore in regulari disciplina proficiant.

4. VI. XII. XV. & XXIV. Mense post ingressum proponantur Capitulo Monasterii, eorumque vita, ac mores diligenter examinentur, qui si fideles, devoti, simplices, ac laboris patientes, & amatores, prout oportet, reperti fuerint, & digni qui ad professionem admittantur; cum expleto biennio sub eadem verborum forma, quâ Fratres Choristæ emittant, quam habes infrâ cap. 9. num. 1.

5. Diebus Festivis plures audiant Missas, nec quisquam sine rationabili causa se absentet à sermone vulgari: in diebus laborum sufficiet eis unam audire Missam. Suas Orationes possunt perficere sub matutino Patrum, cui interesse (nisi gravioribus laboribus in die retineantur) debebunt: præsentibus similiter aderunt, dum ante Completorium fit communis Confessio,
nec

nec recedant, nisi factâ aspersione. Res aliorum, quæ communis labores impediunt, sine licentia Superioris nullo modo fuscipiant; non tamen sint faciles ad excusandum, quod possunt commodè præstare Fratribus; pauca loquantur inter Presbyteros, aut Seniores, quin potius inter se ament silentium.

6. Ubique reveantur dignitatem Sacerdotalem in quacunque persona, si Regulari, si Sæculari; caveant ne exhibeant aliquid insolitum sine scitu Superioris: Diebus festis discant spiritualia, præsertim Catechismum, modum meditando, aliasque devotiones Clericis in communi præscriptas. Ipsorum est advertere, ad familiæ modestiam, cui exemplo præire debent, errataque ostendere Superiori.

7. Inter laborandum meminerint præsentiae Dei, cum pio ad eum affectu; laboresque suos ita dirigant, ac si soli Christo laborarent, cui defacto in persona Fratrum, vel in persona Religionis inserviunt: undè labores suos fideliter sine intermissione usque ad mortem exerceant, attendentes in omnibus devotionem, & gravitatem morum. Reliqua eis applicentur ex norma provisoris.


8. Nullus Superiorum, etiamsi Generalis existat, alicui Converso coronam Clericalem dare possit, juxta Clementis VIII. decreta.

9. Iisdem Professis assignetur à Provinciali, vel Priore, Sacerdos, qui eorum confessiones audiat, & singulis hebdomadis publicam exhortationem ad eos habeat, ut in regulari disciplina juxta Constitutiones nostras dirigantur, & proficiant.



C A P U T I V.

*De Novitiorum Examine Receptioni
præmittendo.*

1.  UI alterius Religionis Novitius, aut habitu Monastico usus, vel Eremita fuerit, in nostram Religionem non admittatur, neque qui regularibus oneribus ferendis ineptus extiterit, vel membro aliquo, aut ejus usu caruerit, vel morbo obscuro, aut aliqua corporis deformitate, aut infamia ex ejus, aut parentum gestis laboraverit, aut cujus parentes sunt adeo pauperes, ut absque illius auxilio seipsos verisimiliter alere non possint; super his tamen defectibus Capitulum Generale, vel Provinciale, si ei in Domino videbitur, poterit dispensare.

2. Hæreticos quoque, schismaticos, & infideles, seu de hæresi, schismate, aut infidelitate suspectos, illegitimos, conjugatos, alterius religionis professos, criminosos, de aliquo delicto inquisitos, aut suspectos, infirmitate incurabili, aut habituali laborantes, ære alieno gravatos, aut rationibus reddendis obnoxios, irregularitate indispensabili, aut non sine difficultate dispensabili irretitos, in nostram Religionem recipi prohibemus; nisi Capitulum Generale habitum prius à Sede Apostolica super aliquo prædictorum defectuum, si opus fuerit dispensatione eos admiserit.

3. Si quis tacito aliquo ex defectibus proximè recensitis malitiosè Professus fuerit, Professio illius nulla sit.

4. Amentes etiam si dilucida habeant intervalla, morbo comitiali laborantes, & servos ad habitum, & professionem recipi prohibemus, declarantes intensionem Religionis esse, eos nullo modo admittere; nec admissioni consensum præbere: quod ingressuris, & professuris significari præcipimus, & significatum esse volumus coram testibus; eosdemque moneri non habituros

votum, seu vocem in Capitulo nisi post susceptum Sacerdotium, ac post lapsum triennii à professione computandi, nec in nostra Religione per quemvis actum Professis solitum, aut temporis lapsum tacitam induci professionem.

5. Quicumque ad habitum nostræ Religionis erunt recipiendi, ante omnia examinentur, quâ mente, quove spiritu hujusmodi vitæ institutum elegerint; an scilicet, ut Deo commodius inserviant, an potius aliquo alio humano affectu?

6. Præterea, qui inter Choristas erunt adscribendi, non admittantur ad habitum, nisi per examen constiterit, eos in linguæ latînæ studio ita profecisse, ut statim post annum probationis superioribus scientiis operam dare possint; si tamen ob perspicax eorum ingenium super hoc defectu dispensatione digni visi fuerint, Generalis instante Conventu, ubi recipiendi erunt, illam concedere poterit.

7. Considerent examinatores recipiendorum ingenium, ac voluntatem, an sint faciles, mites, compositi, ad virtutes propensi? an potius difficiles, melancholici, propriæ sententiæ, vel inconstantes, aut mala consuetudine, aut habituali vitio præditi, & sine spe emendationis?

8. Ætatem quoque attendant, nam minores annis XVIII. & majores XL. inter Choristas recipi prohibemus nisi Generalis, vel Provincialis justa de causâ cum aliquo eorum dispensandum esse censuerit, cum eo verò, qui annum XV. nondum expleverit, Capitulum Generale, vel Provinciale tantum dispensare poterit. Laicos verò sicut ante XXI. ætatis annum admitti nolumus, ita post XXXIV. inhabiles judicamus.

9. Quicumque ergo Religionis nostræ habitum petierit, examinetur ante omnia à Priore loci circa vocationem, quam, si à Deo esse existimaverit, ac petentem idoneum judicaverit, cum uni ex Patribus tradet examinandum, nunquam verò aliquis recipiatur, nisi Provinciali, aut alteri ab eo deputato se præsentaverit, ab eoque post diligentem perquisitionem fuerit approbatus. Deinde antequam in Monasterium admittatur, examinetur super corporis valetudine, scientiâ, & aliis omnibus quorum cognitio haberi poterit ante probationem in Novitiatu

futu-

futuram. Informationes præterea juxta Constitutiones Apostolicas, & Nostras supra relatas fiant, quæ unâ cum recipiendo proponantur Monasterii Novitiatus Capitulo, ab illis Patribus approbandæ. Quod si habitum suscepturus ab aliquo Monasterio ad Monasterium Novitiatus mittendus fuerit, prædicta omnia in illo Monasterio fiant, & de singulis certiores reddantur Patres Monasterii Novitiatus, & aliter non admittatur.

10. His ita peractis assignetur ei Cella in Monasterio, in qua per dies aliquot commoretur, & Constitutiones Religionis diligenter perlegat, & perpendat; ut & habitum suscepturus illius onera coram perspicere, & religio ipsa illius virtutem, ac vocationem experiri possit; & ne de illarum dispositione præsertim quoad effectum validitatis ignorantiam allegare valeat.

11. Tandem Capitulo iterum proponatur, à quo si per secreta suffragia majoris partis Capituli, ut opus est, approbatus fuerit, ad habitum admittatur, eoque de Generalis, aut Provincialis licentia induatur. Novitiorum verò vestes, libri, & quidquid ad ipsos pertinet etiam pecuniæ, seorsum in loco tuto ponantur, & usque ad Professionis tempus asserventur, ita ut nemo de illis, aut aliqua earum parte disponere possit, exceptis quæ ab iisdem ante habitus receptionem donata fuerint, & omnia in libro Novitiorum cum expressione anni, mensis, diei, & horæ annotentur.

12. Novitius ubi semel expulsus fuerit nunquam in posterum recipiatur, nisi apertè constiterit, causas ejectionis cessasse; quod etiam servari volumus in reprobatis à Capitulo, quamdiù Generalis, & Provincialis arbitrio declaratum fuerit causas reprobationis desiisse. Qui verò spontè recesserit, perpetuò sit exclusus, nisi ipsius conversio certa futuræ perseverantiæ argumenta præferret, ac de consensu Prioris, & Capituli illius Monasterii, unde recessit: si tamen ibi iidem Patres adhuc permanserint, alioquin iis immutatis non recipiatur, nisi præmissis diligenti illius veræ conversionis examine. Expulsus denique ob culpas, in quas frequenter labi consueverat, omni spe dispensationis perpetuò careat.

CAPUT V.

*De modo, quo Novitii Ordinis Nostri
habitum suscipiunt.*



UM Novitius debet indui, præmissis omnibus, & suo ordine observatis, quæ supra Cap. 4. & alibi de Novitiorum examine, & receptione præscribuntur; prius radatur in eadem veste sæculari; tempore verò designato facto signo campanæ, Fratres conveniant, & Superior accipiat Stolam, & benedicat habitum isto modo:
Ps. Adjutorium nostrum in nomine Domini.
R. Qui fecit cælum, & terram.
Ps. Dominus vobiscum.
R. Et cum spiritu tuo.

Oremus.

Domine Jesu Christe, qui tegmen mortalitatis induere dignatus es: obsecramus immensam tuæ largitatis abundantiam; ut hoc genus vestimenti, quod Sancti Patres ad innocentiae, & humilitatis indicium abrenunciantibus sæculo ferre sanxerunt, tu ita bene ☩ dicere digneris, ut hic famulus tuus N. qui hoc usus fuerit vestimento, te induere mereatur. Qui vivis & regnas cum Deo Patre &c.
R. Amen.

Tunc Superior aspergat vestes aquâ benedictâ; & faciat exuere vestimenta Novitii, dicens:
Exuat te Dominus veterem hominem cum actibus suis.

Cum verò induitur habitu Ordinis, dicatur:
Induat te Dominus novum hominem, qui secundum Deum creatus est, in sanctitate & justitia veritatis.

B

Tunc

Tunc prosternat se Novitius, & incipiatur Hymnus.

Veni Sancte Spiritus, & emitte cælitus lucis tuæ radium.
Veni Pater pauperum, veni Dator munerum, veni lumen
cordium.

Consolator optime, dulcis Hospes animæ, dulce refrigerium.

In labore requies, in æstu temperies, in fletu solatium.

O lux beatissima! reple cordis intima tuorum fidelium.

Sine tuo Numine, nihil est in homine, nihil est innoxium.

Lava quod est sordidum, riga, quod est aridum, sana quod est sa-
cium.

Fleete, quod est rigidum, fove, quod est frigidum, rege quod est
devium.

Da tuis fidelibus, in te confidentibus, Sacrum Septenarium.

Da virtutis meritum, da salutis exitum, da perenne gaudium.
Amen.

Finito Hymno dicantur Litanie de omnibus Sanctis.

Kyrie eleison.

Kyrie eleison.

Christe eleison.

Christe eleison.

Kyrie eleison.

Kyrie eleison.

Christe audi nos.

Christe exaudi nos.

Pater de cælis Deus. Miserere
nobis.

Fili Redemptor mundi Deus.
Miserere nobis.

Spiritus Sancte Deus. Misere-
re nobis.

Sancta Trinitas unus Deus. Mi-
serere nobis.

Sancta Maria. Ora pro nobis.

Sancta Dei Genitrix. Ora.

Sancta Virgo Virginum. Ora.

Sancte Michael. Ora.

Sancte Gabriel. Ora.

Sancte Raphael. Ora.

Omnes Sancti Angeli & Ar-
changeli. Orate pro nobis.

Omnes Sancti Beatorum Spiri-
tuum Ordines. Orate.

Sancte Joannes Baptista. Ora.

Omnes Sancti Patriarchæ &
Prophetæ. Orate pro nobis.

Sancte Petre. Ora.

Sancte Paule. Ora.

Sancte Andrea. Ora.

Sancte Jacobe. Ora.

Sancte Joannes. Ora.

Sancte Thoma. Ora.

Sancte Jacobe. Ora.

Sancte Philippe. Ora.

Sancte Bartholomæ. Ora.

Sancte Matthæ. Ora.

Sancte Simon. Ora.

San-

CAPUT V.

II

Sancte Thaddæ.	Ora.	Sancte Dominice.	Ora.
Sancte Mathia.	Ora.	Sancte Francisce.	Ora.
Sancte Barnaba.	Ora.	Omnes Sancti Sacerdotes & Le-	
Sancte Luca.	Ora.	vitæ.	Orate.
Sancte Marce.	Ora.	Omnes Sancti Monachi & Ere-	
Omnes Sancti Apostoli & Evan-		mitæ.	Orate.
gelistæ.	Orate.	Sancta Maria Magdalena.	Ora.
Omnes Sancti Discipuli Domi-		Sancta Agatha.	Ora.
ni.	Orate.	Sancta Lucia.	Ora.
Omnes Sancti Innocentes.	O-	Sancta Agnes.	Ora.
rate pro nobis.		Sancta Cæcilia.	Ora.
Sancte Stephane.	Ora.	Sancta Catharina.	Ora.
Sancte Laurenti.	Ora.	Sancta Anastasia.	Ora.
Sancte Vincenti.	Ora.	Omnes Sanctæ Virgines & Vi-	
Sancti Fabiane & Sebastiane.		duæ.	Orate.
Orate.		Omnes Sancti & Sanctæ Dei. In-	
Sancti Joannes & Paule.	Orate.	tercedite pro nobis.	
Sancti Cosma & Damiane.	Ora-	Propitius esto. Parce nobis Do-	
te pro nobis.		mine.	
Sancti Gervasi & Protasi.	Orate.	Propitius esto. Exaudi nos Do-	
Omnes Sancti Martyres.	Orate.	mine.	
Sancte Silvester.	Ora.	Ab omni malo. Libera nos Do-	
Sancte Gregori.	Ora.	mine.	
Sancte Ambrosi.	Ora.	Ab omni peccato.	Libera.
Sancte Augustine.	Ora.	Ab ira tua.	Libera.
Sancte Hieronymus.	Ora.	A subitanea, & improvise mor-	
Sancte Martine.	Ora.	te.	Libera.
Sancte Nicolae.	Ora.	Ab insidiis diaboli.	Libera.
Omnes Sancti Pontifices, &		Ab ira, & odio, & omni mala	
Confessores.	Orate.	voluntate.	Libera.
Omnes Sancti Doctores.	Orate.	A spiritu fornicationis.	Libera.
Sancte Paule prime Eremitæ.	Ora.	A fulgure, & tempestate.	Libera.
Sancte Antoni.	Ora.	A morte perpetua.	Libera.
Sancte Benedicte.	Ora.	Per mysterium Sanctæ Incarna-	
Sancte Bernarde.	Ora.	tionis tuæ.	Libera.
		Per Adventum tuum.	Libera.
		B ij	Per

Per Nativitatem tuam. Libera.	Ut nosmetipsos in tuo sancto
Per Baptismum, & Sanctum je-	servitio confortare & conser-
junium tuum. Libera.	vare digneris. Te rogamus.
Per Crucem, & Passionem	Ut mentes nostras ad cælestia
tuam. Libera.	desideria erigas. Te rogam.
Per mortem, & sepulturam	Ut omnibus Benefactoribus no-
tuam. Libera.	stris sempiterna bona retri-
Per Sanctam Resurrectionem	buas. Te rogamus.
tuam. Libera.	Ut animas nostras, Fratrum,
Per admirabilem Ascensionem	propinquorum, & Benefa-
tuam. Libera.	ctorum nostrorum ab æterna
Per Adventum Spiritûs Sancti	damnatione eripias. Te rog.
Paracliti. Libera.	Ut fructus terræ dare, & conser-
In die Judicii. Libera.	vare digneris. Te rogam.
Peccatores. Te rogamus audi	Ut præsentem Fratrem visitare,
nos.	& consolari digneris. Te rog.
Ut nobis parcas. Te rogamus.	Ut spatium pœnitentiæ, & emen-
Ut nobis indulgeas. Te rogam.	dationem vitæ ei dones. Te
Ut ad veram pœnitentiam nos	rogamus.
perducere digneris. Te rog.	Ut mentem ejus ad cælestia de-
Ut Ecclesiam tuam Sanctam re-	sideria erigas. Te rogamus.
gere & conservare digneris.	Ut omnibus fidelibus defunctis
Te rogamus.	requiem æternam donare di-
Ut Domnum Apostolicum &	gneris. Te rogamus.
omnes Ecclesiasticos Ordines	Ut nos exaudire digneris. Te
in Sancta Religione conser-	rogamus.
vare digneris. Te rogamus.	Fili Dei. Te rogamus.
Ut inimicos Sanctæ Ecclesiæ hu-	Agnus Dei qui tollis peccata
miliare digneris. Te rogamus.	Mundi. Parce nobis Domine.
Ut Regibus & Principibus Chri-	Agnus Dei qui tollis peccata
stianis, pacem & veram con-	Mundi. Exaudi nos Domine.
cordiam donare digneris.	Agnus Dei qui tollis peccata
Te rogamus.	Mundi. Miserere nobis.
Ut cuncto populo Christiano	Christe audi nos. Christe ex-
pacem, & unitatem largiri	audi nos. Kyrie eleison.
digneris. Te rogamus.	Christe eleison. Kyrie eleison.

Pater.

Pater noster Vc.

*Ps. Et ne nos inducas in tentationem.
R. Sed libera nos à malo.
Ps. Saluum fac seruum tuum.
R. Deus meus sperantem in te.
Ps. Mitte ei auxilium de Sancto.
R. Et de Sion tuere eum.
Ps. Nihil proficiat inimicus in eo.
R. Et filius iniquitatis non noceat ei.
Ps. Esto ei Domine turris fortitudinis.
R. A facie inimici.
Ps. Domine exaudi orationem meam.
R. Et clamor meus ad te veniat.
Ps. Dominus vobiscum.
R. Et cum spiritu tuo.*

Oremus.

Deus indulgentiarum Pater, qui severitatem discriptionis temperans indulxisti, ne filius portaret iniquitatem Patris; *Et mirà dispositione etiam malis bene utens, tuæ dignationis gratiam per eos frequenter operaris: quæsumus clementiam tuam, ut huic famulo tuo N. non obsistat, quod habitum Religionis per nos, tantâ ac tali re indignos acceperit; sed ministerium, quod per nos exterius exhibetur, tu interius per donum Sancti Spiritûs exequaris. Per Dominum nostrum Vc. R. Amen.*

Oremus.


Domine Jesu Christe, qui es via, sine qua nemo venit ad Patrem: quæsumus clementiam tuam, ut hunc famulum tuum N. a carnalibus desideriis abstractum, per iter Regularis disciplinæ deducas, *Et qui peccatores vocare dignatus es, dicens: Venite ad me omnes, qui laboratis, Et onerati estis, Et ego reficiam vos: præsta, ut hæc vox invitationis tuæ, ita in eo convalescat, quatenus peccatorum onera deponens, Et quàm dulcis es gustans, tuâ refectiōe sustentari mereatur: Et sicut attestari de tuis ovibus dignatus es, agnosce eum inter oves tuas, Et ipse te agnoscat, ut alienum non sequatur, sed te; neque audiat vocem alienorum, sed tuam, quâ dicis: qui mihi ministrat, me sequatur. Qui cum eodem Patre, Et Spi-
ritu*

*ritu Sancto vivis Æ regnas Deus, per omnia secula seculorum.
R. Amen.*

Tunc surgat Novitius, & aspergatur aquâ Benedictâ, & recipiat eum Prior ad osculum pacis, deinde omnes Fratres, & locetur in Choro in novissimo loco, similiter & in mensa.

CAPUT VI.

De Novitiorum Educatione.

1.  LURIMUM refert, Fratres Novitios perfectè instrui, propterea Magistri Novitiorum conscientiam onerantes præcipimus, ut eos exactè doceat, omnia, quæ ad rerum spiritualium notitiam, virtutum acquisitionem, vitiorum fugam, passionum mortificationem, monasticæ vitæ perfectionem, Sacramentorum frequentiam, votorum, & regulæ (quam memoriæ mandent) Constitutionum observantiam, Congregationis mores, & cæremonias pertinent, ad quem finem quotidie ad illos sermonem habeat, & privatis etiam admonitionibus frequenter erudiat.

2. Attentè etiam consideret, quem quisque Novitiorum referat fructum ex frequentia confessionis, & communionis, ex sacra lectione, atque oratione, eosque ad conscientiam suam, animique propensiones, ac motus sive bonos, sive malos, candidè aperiendos inducat, ut cognitis cujusque affectibus, faciliùs, ac meliùs ad finem instituti Religionis eos dirigere, ac perducere valeat; quod certiùs consequetur, si actiones, & exercitia quæcumque tam spiritualia, quàm corporalia singulis distribuat, & tempus ad ea præstanda opportunum præscribat.


3. Confessiones illorum in Choro, seu in Oratorio frequenter excipiat, & Venerabilis Eucharistiæ sumptionem, prout illis magis expedire judicaverit, permittat. Præter Magistrum Novitiorum, Prior alium iis Confessarium à Provinciâ approbandum assignet, illisque interdum rarò tamen, & non sine speciali

ciali Prioris licentia singulis vicibus obtinenda concedat, ut ad aliquem ex Confessariis Monasterii accedere possint.

4. Novitios exerceri prohibemus in officiis, quæ commercium cum Sæcularibus requirunt, sed ipsemet Magister eos in domesticis occupet exercitiis; Prior verò non permittat, ut aliquis alius præter Magistrum prædictum, & alium, qui culpas audit, cum Novitiis familiariter conversetur, eosve reprehendat.

CAPUT VII.

De Novitiorum Approbatione.

1.  BI Novitiorum aliquis ad professionem erit admittendus, Patres Dei gloriam in primis, & deinde commune Religionis bonum præ oculis habentes, diligenter advertant, quantum ille in sui abnegatione, obedientiâ, humilitate, rerum spiritualium, cæterarumque virtutum studio profecerit, qui si inquietus, aut inconstans, aut duræ cervicis, infirmus, religioni inutilis, aliisque hujusmodi defectibus reperiatur obnoxius, rejiciatur.

2. Novitii Choristæ ter in anno proponantur Capitulo, videlicet 8. & 10. mense; ubi verò ad id convenerint Prior, Magister, & cæteri Patres suffragaturi, quid de illis sentiant, prius dicant, & deinde suffragia ferant.

3. Novitii ubi 1. 2. & 3. vice à majori parte Capituli fuerint approbati, domi remaneant debito tempore professuri; nisi aliquid postea in iis fortè detectum fuerit, quò professione indigni judicentur. Quod si verò è converso à majori parte Capituli reprobatum fuerint; etiam si id primâ vice contigerit, statim ejiciantur.

4. Si tamen primâ vice suffragia æqualia sint, domi remaneant usque ad secundæ probationis tempus, si fortè proficiant, si verò secundâ, vel tertiâ vice suffragia sint æqualia, mox expellantur.

5. Si

5. Si Novitiorum aliquis in eas inciderit culpas, quæ scandalum aliis, & occasionem præbeant delinquendi, statim non expectato tempore, quo proponendus esset Capitulo, expellatur: imò si aliàs eidem propositus, ab eoque approbatus hujusmodi culpas deinde commiserit, coacto itatim Capitulo iterum proponatur, & veluti nunquam approbatus, rejiciatur. Si vero Novitius aliquis expellendus sit ob culpas, quæ sine infamiae nota exponi nequeant Capitulo, Prior habitâ prius de re hujusmodi cum Magistro, ejusque socio consultatione, ex communi eorum sententia negotium ad Provinciale, si adsit, deferat, sin absit, per litteras moneat, & de illius consensu Novitius expellatur.

6. Verùm in rejiciendis Novitiis aliquâ ægritudine non habituali laborantibus maturè procedatur, ubi de vitæ eorum integritate, atque ad Religionem aptitudine constiterit; de consensu Prioris, ac Novitiorum Magistri, obtentâ prius à Generali, seu à Provinciali licentiâ, termini ad proponendos Capitulo Novitios, ac ad professionem per eos emittendam præstituti, prorogari poterunt, ne Novitius alioquin Religioni idoneus, ac utilis dimittatur.

7. Professionem tacitam neque temporis lapsu, neque ex habitûs delatione, neque aliquorum actuum professis peculiarium exercitio, neque aliâ ratione, induci volumus, sed solam expressam admittimus, propterea si quis eam non emisit, & liberum illi erit, si maluerit Monasterium deferere, & Patribus illum dimittere.

8. Nemo Novitiis, aut cuiquam alteri præsertim extraneo, quid in Capitulo dictum, aut decretum de illis fuerit, referat, sub pæna arbitrio Superioris imponenda; at Magister Novitiorum ubi decimo mense propositi, & approbati fuerint, approbationem ipsam illis significet, moneatque, ut rebus quisque suis dispositis ad professionem, cum tempus venerit, emittendam se præparent.


9. Ubi decretum fuerit, ut Novitius aliquis dimittatur, statim è communi aliorum dormitorio segregetur, & alicui ex Patribus committatur, qui illi quid de eo decretum fuerit, significet,

cer, eumque si opus fuerit, soletur, prudenterque rem agat, ne ille, eiusque consanguinei notam aliquam contrahant, aut minus erga Religionem afficiantur, & ut etiam apud nostros Fratres benè audiat, culpæ, ob quas expellitur, nisi publicæ fuerint, fileantur.

10. Si anno Novitiatus expleto, Generalis, aut Provincialis de consensu Prioris, & Magistri Novitiorum, aut alterius senioris illius Monasterii, absolutè alicui Novitio licentiam ex causis supra num. 5. expensis profitendi negaverit, statim dimittatur, etiamsi à Capitulo fuerit approbatus.

CAPUT VIII.

De modo Professionis faciendæ, tam à Fratribus Choristis, quàm Conversis.

I.  UM Novitius ad Professionem admittitur, omnibus præmissis, quæ immediatè supra descripta sunt, suo modo observatis, Prior Generalis, vel Provincialis, aut Prior loci, signo facto campanæ Fratribus suis capitulariter congregatis, dictum Novitium requirat: si ex animo devoto & spe perseverantiæ, optatæque salutis affectu petat ipsam Professionem? quò affirmante stet à Cornu Altaris in conspectu Fratrum, & dicat flexis genibus versum in Latino: *Suscipe me Domine secundum eloquium tuum, & vivam, & non confundas me ab expectatione mea*. Si verò est Laicus, prædictus versiculus exponatur sibi in vulgari, & sic dicat, ut supra. Tunc dicant Fratres versum: *Suscepimus Deus misericordiam tuam in mediotempli tui. Gloria Patri, & Filio &c. Sicut erat &c.* Tunc Novitius legat chartam Professionis suæ, secundum formam sequenti Capite præscribendam. Post formam Professionis à Novitio prolata cantent, vel dicant Fratres

tres versum: *Confirma hoc Deus, quod operatus es in nobis: à templo Sancto tuo, quod est in Jerusalem. Gloria Patri, & Filio &c. Sicut erat &c.*

Tunc recitentur sequentes Psalmi.

M *Agnus Dominus, & laudabilis nimis: * in civitate Dei nostri, in monte sancto eius.*

*Lunaatur exultatione universæ terræ mons Sion; * latera Aquilonis, civitas Regis magni.*

*Deus in domibus ejus cognoscetur: * cum suscipiet eam.*

*Quoniam ecce Reges terræ congregati sunt: * convenerunt in unum.*

*Ipsi videntes sic admirati sunt, conturbati sunt, commoti sunt: * tremor apprehendit eos.*

*Ibi dolores, ut parturientis; * in spiritu vehementi conteres naves Tharsis.*

*Sicut audivimus, sic vidimus in civitate Domini virtutum, in civitate Dei nostri: * Deus fundavit eam in æternum.*

*Suscepimus Deus misericordiam tuam: * in medio templi tui.*

*Secundum nomen tuum Deus, sic & laus tua in fines terræ: * justitia plena est dextera tua.*

*Letetur mons Sion, & exultent filia Judæ; * propter judicia tua Domine.*

*Circumdate Sion, & complectimini eam: * narrate in turribus ejus.*

*Ponite corda vestra in virtute ejus: * & distribuite domos ejus, ut enarretis in progenie altera.*

*Quoniam hic est Deus, Deus noster in æternum: & in sæculum sæculi: * ipse reget nos in sæcula.*

Gloria Patri, & Filio &c. Sicut erat in principio &c.

M *Isere me Deus, * secundum magnam misericordiam tuam. Et secundum multitudinem miserationum tuarum: * dele iniquitatem meam.*

*Amplius lava me ab iniquitate mea: * & à peccato meo munda me.*

*Quoniam iniquitatem meam ego cognosco: * & peccatum meum contra me est semper.*

*Tibi soli peccavi, & malum coram te feci: * ut justificeris in sermonibus tuis, & vincas cum judicaris.*

Ecce

*Ecce enim in iniquitatibus conceptus sum: * Et in peccatis concepit me mater mea.*

*Ecce enim veritatem dilexisti: * incerta, Et occulta sapientia tua manifestasti mihi.*

*Asperges me hyssopo, Et mundabor: * lavabis me, Et super nivem dealbabor.*

*Auditui meo dabis gaudium, Et letitiam: * Et exultabunt ossa humiliata.*

*Averte faciem tuam à peccatis meis: * Et omnes iniquitates meas dele. Cor mundum crea in me Deus: * Et spiritum rectum innova in visceribus meis.*

*Ne projicias me à facie tua: * Et Spiritum Sanctum tuum ne auferas à me.*

*Redde mihi letitiam salutaris tui: * Et spiritu principali confirma me.*

*Docebo iniquos vias tuas: * Et impii ad te convertentur.*

*Libera me de sanguinibus Deus, Deus salutis meae: * Et exultabit lingua mea iustitiam tuam.*

*Domine labia mea aperies: * Et os meum annuntiabit laudem tuam.*

*Quoniam si voluisses sacrificium, dedissem utique: * holocaustis non delectaberis.*

*Sacrificium Deo spiritus contribulatus: * cor contritum, Et humilatum Deus non despicies.*

*Benigne fac Domine in bona voluntate tua Sion: * ut ædificentur muri Jerusalem.*

*Tunc acceptabis sacrificium iustitiæ, oblationes, Et holocausta: * tunc imponent super altare tuum vitulos.*

Gloria Patri, Et Filio Ec. Sicut erat in principio Ec.

E*cce quàm bonum, Et quàm iucundum: * habitare fratres in unum.*

*Sicut unguentum in Capite: * quod descendit in barbam, barbam Aaron.*

*Quod descendit in oram vestimenti ejus: * sicut ros Hermon, qui descendit in montem Sion.*

*Quoniam illic mandavit Dominus benedictionem: * Et vitam usque in sæculum.*

Gloria Patri, Et Filio Ec. Sicut erat in principio Ec.

Quibus finitis dicat Prælatus.

- 1) Kyrie eleison. R. Christe eleison. Kyrie eleison. Pater noster &c.
 V. Et ne nos inducas in tentationem.
 R. Sed libera nos à malo.
 V. Salvum fac servum tuum.
 R. Deus meus sperantem in te.
 V. Mitte ei auxilium de Sancto.
 R. Et de Sion tuere eum.
 V. Nihil proficiat inimicus in eo.
 R. Et filius iniquitatis non apponat nocere ei.
 V. Esto ei Domine turris fortitudinis.
 R. A facie inimici.
 V. Domine exaudi orationem meam.
 R. Et clamor meus ad te veniat.
 V. Dominus vobiscum.
 R. Et cum spiritu tuo.

Oremus.

Deus, qui per coeternum tibi Filium cuncta creasti, quique mundum peccatis inveteratum per Mysterium Incarnationis ejus renovare dignatus es: te suppliciter exoramus; ut super hunc famulum tuum N. abrenunciationem sæculi profitentem, ejusdem Domini nostri Jesu Christi gratiam diffundere digneris, per quam in spiritu suæ mentis renatus, veterem hominem cum actibus suis exuat, & novum, qui secundum Deum creatus est, induere mereatur. Per eundem Christum Dominum nostrum. R. Amen.

Oremus.

Deus, qui renunciantibus sæculo, mansiones paras in Cælo; dilata congregationis hujus temporale habitaculum cælestibus donis: & præsta, ut fraternæ teneantur compagine Charitatis, unanimis continentiae præcepta custodiant; sobrii, simplices sint, & quieti; gratis sibi datam Professionis gratiam fuisse cognoscant; concordet vita illorum cum nomine, & Professio sentiatur in opere. Per Dominum nostrum &c. R. Amen.

Deinde dicatur:

V. Benedicite. R. Deus.

V. Benedictum sit Nomen Domini nostri Jesu Christi in æternum;
 & ul-

Ultrà:

R. Amen.


Et post Benedicatur Professus.

Et Benedictio Dei Patris Omnipotentis, & Filii, & Spiritus Sancti descendat super te, & maneat semper. R. Amen.

Quibus finitis admittatur ad osculum pacis per ordinem ad singulos Fratres.

CAPUT IX.

De forma Professionis emittendæ, & de Professorum spiri- tuali profectu.

r.  Ovitii postquam transacto probationis tempore ad professionem se disposuerint, eam solemniter emittant, vovendo Obedientiam, paupertatem, & castitatem in hæc verba, videlicet: In Nomine Domini nostri Jesu Christi. Amen. Anno Nativitatis ejusdem millesimo, &c. *tali die, talis mensis.* Ego Frater. N. N. *de S. N.* filius N. N. *talis loci, & talis Parochiæ,* facio professionem, & promitto obedientiam Deo Omnipotenti, & B. Mariæ semper Virgini; & B. Patri Paulo primo Eremitæ, & tibi Rev. Patri *de tali N. nomine,* & vice Reverendiss. Patris nostri N. Generalis Ordinis Fratrum Eremitarum Sancti Pauli primi Eremitæ, & Successorum ejus canonicè intrantium, & vivere sine proprio, & in Castitate secundum Regulam S. P. Augustini, & Constitutiones Ordinis usque ad mortem. Si in manibus Generalis sit facienda professio, dicat absolutè, & tibi Reverendissimo Patri Generali, &c. tuisque Successoribus. &c.

2. Professionum liber in arca tribus clavibus munita asserve-
tur, in eoque Novitiorum ætas, patria, nomina si ea mutantur,
quibus in sæculo vocabantur, unà cum propriis Parentum nomi-
nibus, & hora Professionis annotentur. Singulorum autem profes-
sionibus Prior Monasterii, Magister Novitiorum, & Professor
ipse

ipse subscribat, & Professionis exemplar ab iisdem subscriptum transmittatur ad Archivium Provinciæ.

3. Ne spiritus devotionis, ac Religionis in Novitiatu conceptus, emissâ professione tepescat, volumus in unaquaque Provincia unam, seu plures domus, in quibus regularis observantia vigeat, Professorum educationi destinari, in eisque Professos omnes etiam Sacerdotes expleto Novitiatu collocari, ibidem quousque studiorum tempus advenerit, vel aliter de iis à Provinciali dispositum fuerit, permanfuros. Ne verò eorum humilitas, obedientia, passionum mortificatio, ceteræque virtutes in Novitiatu acquisitæ detrimentum, ac diminutionem patiantur, imò verò in dies augeantur, in dormitorio clauso sub regimine, ac directione Magistri, à Provinciali pro tempore eligendi detineantur, ibique in spiritualibus exercitiis instruantur. Præterea mandamus, ut Fratres Professi, quamdiù sacerdotali characterè insigniti non fuerint, si in Monasterio Novitiatus manserint, in omnibus Novitiorum ministeriis se exerceant, & Magistro Novitiorum per omnia obediant; si verò in aliis Monasteriis collocati fuerint, Suppriorum Monasterii, Professorum Magistrum agnoscant. Is autem singulis hebdomadis unâ saltem vice exhortationem ad eos in unum coactos habeat, eorumque confessiones excipiat, corripiat, & instruat, de interioribus, atque exterioribus eorum exercitiis rationem exigat, detque operam, ut ad virtutum omnium culmen contendentes, singulas vicissim sibi quisque proponat, quarum actibus peculiari studio, ac frequentia repetitis, earum habitus acquirat, efficiatque, ut à Novitiorum fervore quoad fieri poterit, non deficiant.

4. Fratres Professi ad Sacros Ordines non promoveantur, nisi triennio post eorum professionem elapso, tunc verò ante omnia quoad mores à Patribus Monasterii, & quoad scientiam ab examineribus erunt approbandi, & de singulis certior fiat Provincialis, qui nunquam, nisi ex causis valde urgentibus permittat aliquem ante id tempus promoveri.


5. Idem Professi quousque Sacerdotes non fuerint, suffragium in Capitulo non ferant, qui verò ante susceptum Religionis habitum Sacerdotes facti, vel ante triennium à professione

ela-

e'apsum ad Sacerdotium promoti fuerint, ante triennium à professione expletum suffragia non conferant.

CAPUT X.

De Monasteriis Studiorum.

1.  Uo Monasteria studiis, Philosophiæ unum, Theologiæ alterum, in unaquaque Provincia assignentur; hoc autem fieri volumus, ut nostri, & regulari observantiâ, quam inter studendum retineri mandamus, & litterarum scientiâ, proximis ad salutem exemplo pariter, ac doctrinâ prodesse valeant.


2. Curandum, ut prædictorum Monasteriorum Priores tales eligantur, qui doctrinâ præstanti, Monasticoque regimini idonei sint, & lectionibus, scholasticisque exercitiis modum præscribere sciant.

3. Priorem, ejusque Suppriorem, aliosque Patres in iisdem Monasteriis collocandos Provincialis eligere studeat virtute præstantiores, qui, & conciones habere, & Sæcularium confessiones excipere valeant; Studentes enim in hujusmodi exercitiis, ubi commodè fieri poterit, distrahi prohibemus.

4. Qui verò studiorum causa eò mittendi fuerint, ingenio, ac virtute præditi eligantur, & anno, ab emissâ eorum professione transacto, nisi Generalis, aut Provincialis, quo ad hoc, cum aliquo dispensaverit. Adveniente porrò studiorum tempore, ex Provincialis, aut Definitorum consensu, & prævio examine de vita, moribus, & scientiâ, illuc transmittantur omnes. Quod si redditus Monasterii omnibus ibidem alendis non sufficiant, cætera Monasteria, quæ necessaria fuerint contribuant arbitrio Generalis, vel Provincialis cum consilio Definitorum; studiis verò incæptis nemo, nisi de licentia Provincialis, & unius saltem ex Definitoribus, prævio etiam examine illuc accedat,

CAPUT XI.

De Litterarum Exercitiis, quæ in Monasteriis studiorum fieri debent.

1.  Uo saltem Professores Theologiæ, Philosophiæ unus seu plures, à Capitulo Provinciali deputentur, ita tamen ut in mortis, aut infirmitatis alicujus eorum casu, Provincialis alium in ejus locum sufficere possit, quo usque Definitorium Provinciale celebretur; horum autem non modò ingenium, ac doctrina spectetur; sed etiam pietas, & virtutes, quibus cæteros ad salutem possint erudire.
2. Professores, alique omnes Ordinis nostri, quicumque ii fuerint, opiniones minùs communes, & novitatem præferentes relinquunt. Doctrinam verò Ecclesiæ Doctõris Sancti Thomæ Aquinatis, ejusque inconcussa tutissimæque dogmata, tam in Theologicis, quàm in Philosophicis sequantur.
3. Sacræ Scripturæ Professores textus Sacros breviter interpretentur, & quæ sese offerunt difficultates breviter quoque solvant, nec Sancti alicujus Patris expositionem, nisi opposita alterius Sancti Patris interpretatione rejiciant.
4. Casuum conscientiæ, ac Theologiæ moralis Professores tam in Monasteriis studiorum, quàm in omnibus aliis dubia breviter solvant, & sententiis minùs probabilibus relictis, tutiores, ac probabiliores sequantur.
5. Nemo ex nostris librum, aliudve opus quovis modo inscriptum typis mandare possit, nisi servatâ Constitutionum Apostolicarum formâ, & de Generalis licentia, in scriptis priùs obtinenda; Generalis verò opus in primis per se legat, aut alteri è nostris legendum committat. Qui secùs aliquid imprimendum curaverit, voce activâ, & passivâ ipso factò privatus existat.
6. Studium Philosophiæ duorum, Theologiæ verò quatuor
anno-

annorum spatio perficiatur; Sacrae Scripturae, ac morali Theologiae unus, & fidei controversiis alter annus attribuatur; & in huiusmodi temporibus, seu terminis, à quoquam, praeterquam à Definitorio Generali, seu Provinciali in uno anno Theologiae, idque in casu necessitatis dispensari prohibemus: sed Studentes per dictum annorum curriculum studiis assiduam operam dare, eaque dicto tempore perficere iubemus.


7. Prior, & Professores in fine cursûs studiorum cujuslibet anni, Fratres studentes examinent de iis, quae illo anno didicerint, & unumquemque eorum per secreta suffragia quoad mores, & deinde quoad scientiam separatim, si idoneum reperrerint, approbent, sin minus rejiciant.

8. In omnibus Monasteriis, non tamen ubi Novitiatus existit, resolutio casuum, cui Fratres omnes interesse debent, ab iis, quos Provincialis decrevit, habeatur.

9. Litteraria exercitia, aliosque studiorum actus, distributionem temporis, horam matutini recitandi, & alia huiusmodi prout in instructione peculiari praescripta sunt, servari mandamus.

CAPUT XII.

De Conferentiis Casuum Conscientiae.

1.  Ecisor Casuum Conscientiae, Dubium unum, aut alterum, de quo sunt futurae conferentiae, in loco per Superiorem designato in charta sequenti die post ultimas conferentias publicè affiget cum nomine illius, qui dubium debet resolvere. Porro ipse Praesidens conferentiarum postquam omnes convenerint, in primis difficultates dubii propositi indecisas proponet. Tum designatus Pater quid sibi de proposito dubio visum fuerit dilucidè solvat adductis in confirmationem Auctoribus probatis, & rationibus magis nervosis, post alii Patres ordine suo, quae sibi supra propositam doctrinam occurrant non tam impugnando, quam dubi-


dubitando illi proponant resolvenda, qui doctrinam propositam tractavit, ad quæ dubia si minùs idoneè responderit, ipse Præsidentis responsiones fundamentales dabit cum decisione difficultatum à se in principio propositarum.

2. Materiæ autem parùm pudicæ, verbis abstractis, & honestioribus tractentur; contentiones autem, aut quæ ad rem non pertinent omninò Patres devitent, ad quæ tollenda Superior ipse conferentiis semper adesse curabit. Porro prædicta omnia graviter, & ordinatè fiant omni confusione procul ablegatâ, ita ut nullus dubia alterius, vel dictiones impediatur, irrideatur, aut parvipendatur.

3. Materia autem nulla sine sufficienti discussione sui, aut suarum circumstantiarum, rerumque se consequentium dimittatur.

CAPUT XIII.

De Meditatione.

1.  Sacram meditationem, & contemplationem olim Ordinem nostrum floruisse ex antiquis Patrum nostrorum traditionibus, & scriptis liquidò constat, qui exemplo Sancti Pauli Proto-Eremitæ, tanquam soli cum solo Deo agentes ad illumque propius accedentes, magis magisque ab ipso illuminabantur, radiosque variarum virtutum in alios mittentes, non tantum sibi, sed etiam proximorum saluti multum proficui extiterunt. Proinde quilibet Frater, totum tempus, quod sibi supererit ab occupationibus claustralibus huic sancto exercitio impendat, & tanquam solus cum solo Deo à Sæcularibus abstractus, reverenter, & amabiliter conversari studeat.

2. Post matutinum omnes Religiosi simul in Choro per mediam horam orationi mentali incumbant, & per aliam mediam horam immediatè post completorium. Qui verò legitime impediti interesse nequeunt communi orationi, teneantur privatim
idem

idem facere unà cum examine conscientiae: Fructum verò meditationis, & profectum in vita spiritusli Superior à suis Religiosis aliquoties requirat.

3. Diebus jejuniorum post Vesperas conferentiae de vitiis extirpandis, ac virtutibus inferendis, de gradibus perfectionis, ac mediis illius acquirendae, Patre spirituali per Superiorem, deputando illis materiam assignante, ac praesidente fiant, eo modo, quo paulò ante praescribitur de conferentiis Casuum conscientiae.

4. Exercitia spiritualia quilibet Frater nullo excepto, incipiendo ab ipso Superiore, saltem semel in anno, idque in Adventu, vel Quadragesima, aut vacationibus, qui studiis sunt impediti per decem dies in loco ad id apto facere tenebitur, modo praescripto Capite sequenti. Superior hujus rei negligens, utpotè contemptor vitae spiritualis, gravius in Visitatione, aut Capitulo redarguatur: subditus verò ad locum paenitentiae per mensem detrudatur.

CAPUT XIV.

De modo persolvendi exercitia spiritualia.



D exercitium meditationum, pro quibus Priori Capite decem continui dies assignantur, Superior Ducem spirituales unum ex Patribus prudentiorem, meditantibus assignabit, ejus officii partes erunt.

1. Admoneat meditantem, ut invocato auxilio Divino, Sanctae Matris, Sanctorumque, omnes cogitationes excludat perinde ac si nullum aliud negotium haberet praeter hoc, quod aggreditur pro jaciendo fundamento spiritualis profectus.

2. In loco meditationis fortiter apprehendat praesentiam Dei, ut in conspectu illius res suas peragat, ac itidem cor suum coram Deo effundat.

3. Et per quatuor, aut quinque dies exerceat se in via purgativa

tiva circa detestationem peccatorum, vitiorum, passionum inordinatarum, amoris proprii, meditando de gravitate peccati, de damnis consequentibus vitia, de brevitate vitæ, vanitate mundi, morte, judicio, inferno, & inde colligat affectus doloris, confusionis, odii peccatorum, ac proprii amoris, timoris Dei &c. Tres autem dies assumet ad viam illuminativam, cogitando de virtutibus Christi in vita, & passione. Item de excellentia, ac præmio virtutum, de mysteriis Fidei, excitando in se affectus desiderii, spei, amoris, &c. Reliquum tempus tribuat viæ unitivæ, recolendo excellentiam Dei, ac beneficia illius tam universalis, quàm particularia sibi collata, promatque affectus laudis, gratiarum actionis, dilectionis, oblationis sui penes merita Christi, Deo Patri in obsequium sempiternum, auxiliaque petat per bonitatem, per clementiam, per merita Christi, per merita precesque Virginis, & Sanctorum Dei; ipsos autem dies Dux spiritualis pro viis prædictis plures, vel pauciores meditati assignabit pro dispositione meditantis. Propter tædium verò meditans habeat libros spirituales, accingat se ad orationes vocales, jaculatorias, disciplinas, aliasque mortificationes, humiliaiones, & prostrationes in terra &c.

4. Lento passu procedat in meditando, & si aliquem affectum notabiliter sentiat, diutius immoretur in eo, non procedendo ad alia puncta meditationis; si ariditas aliqua, vel desolatio superveniat, verbigratia, quod careat illuminationibus, devotis affectionibus, non idèò desperet, sed se magis humiliet, ac mortificet, & gratiam à Deo patienter expectet.

5. Meditans Instructorem spirituales tanquam instrumentum Dei cum reverentia, ac confidentia excipiat, tanquam parvulus (etiam si sibi videatur doctus) lac spirituale appetens, sincerèque edicat, quas consolationes, illuminationes, desideria, desolationes, proposita habuerit, quæ etiam in scriptis sibi notabit profuturis tentationibus, neque alias meditationes, aut pænitentias assumat, præterquàm à Duce spirituali assignatas. Porro duas horas quolibet die in sola meditatione consummet, quod si est debiliore complexionis, illæ possunt in partes dividi. Poterit autem ex consilio Superioris Choro tam nocturno, quàm diurno adesse,

Sa-

Sacrum autem nunquam omitat, vel audire, vel absolvere; ac cum nullo, nisi tempore recreationis, idque ex consilio Patris spiritualis quamdiu exercetur, colloquatur, propter collectionem spiritus conservandam.

6. Confessionem Sacramentalem, vel Generalem totius vitæ, aut anni, sive simplicem ex consilio Directoris spiritualis faciet, ac Communionem Sacram, vel Sacrificium Missæ prout in Bulla Pauli V. injungitur, persolvat.

7. Finem proponat in illo sancto exercitio non sola solatia spiritus, sed profectum animi, ut peccata non tantum mortalia, sed etiam venialia super omnia mala, quatenus Dei sunt offensa, maxime detestetur, vitia extirpet, maxime sibi familiariora, edomet passiones, amorem proprium, propriam voluntatem, ac iudicium prorsus deserat, robur contra tentationes acquirat, virtutes solidas comparet, Deo se uniat, & ex amore Dei exerceat opera heroica virtutum erga Deum, proximum, ac seipsum; denique ut se totaliter Deo resignet ad faciendam illa, quæ Deo placere perspexerit, & toleranda adversa ob honorem Dei sine ulla determinatione, aut limitatione propriæ voluntatis; ad quæ omnia meditationes idoneæ, ac lectiones sunt meditati exhibendæ cum suis dogmatibus: Intelligat autem ex meditante, quæ via, aut virtus ipsi sit maxime necessaria, ad quam comparandam illum adjuvet.

8. Quæret Dux spiritualis ex meditante, quæ puncta meditationis expenderit, quos affectus, & proposita elicuerit, an aliqua desolatio sibi subsecuta, & quæ causâ illius, quas inspirationes Divinas habuerit? An fuerit memor præsentia Divinæ cum pio, & crebro affectu ad Deum?

An aliquis amor proprius, vel affectus alicujus rei creata à totali resignatione Divina retrahat, habeatque in promptu media ad impedimenta tollenda, & pietatem promovendam? Porro meditantem primis tribus, aut quinque diebus sufficiet semel in die visitare, nisi necessitas aliud suaserit.


9. Meditans cum proposito firmo, ac sincero cordis affectu offerat se Deo ad beneplacita ipsius constanter explenda, exoret, aut obsecret per merita Christi, (ut supra) vires ad executionem

pio-

piorum propositorum, gratias agat pro illuminationibus in præfenti sibi concessis, de defectibus admissis doleat cum proposito emendationis. Denique in majori diligentia, aut vigilantia vitam tranfigat fervidè proposita aggrediendo; in progressu actionum suarum priùs consideret cogitationes, verba, & opera: An Deo placeant, vel displiceant, antequam illa aggrediatur, quæque Deo grata viderit, seridè amplectatur, & è contra vim naturæ corruptæ inferat, se arguat, humiliet, memoriam præsentiae Divinæ in se excitet, labentemque animum sæpius renovare, ac lapsas virtutes restaurare semper conetur.

CAPUT XV.

De Divino Officio.

1. ivinum officium juxta ritum Sanctæ Romanæ Ecclesiæ à Religiosis nostris, qui ad illud tenentur, perpetuò peragatur in Ecclesiis nostris, singulis diebus etiam ferialibus Horæ Canonice tam Diurnæ, quàm Nocturnæ, clarè, distinctè ac punctatim stando quidem, non sedendo præter debiles, aut senes, aut valetudinarios, uniformiter persolvantur, ita videlicet, ut in medio versuum fiat pausa, & in fine similiter, nec priùs altera pars Chori versum suum incipiat, donec alia finiat; in Choro mulieres nullo modo permittantur.

2. Prima ferialibus diebus horâ mediâ septimâ, Tertia ante Missam, Sexta post Missam Conventualem, Nona verò post prandium; sed in diebus jejuniorum sexta ante Missam Conventualem, & Nona ante prandium persolvantur: Vesperæ horâ tertiâ pomeridianâ pridie festi, & in ipso festo, ferialibus horâ mediâ quartâ pomeridianâ, exceptis diebus quadragesimæ, in quibus ante prandium præter dies Dominicos; Matutinum verò mediâ nocte, exceptis tribus diebus majoris hebdomadæ, in quibus horâ vespertinâ juxta Rubricas Breviarii Romani; Completorium autem horâ sextâ cum dimidia incipiatur; post quod

im-

immediatè omnes simul in Choro incumbent orationi mentali per mediam horam, ut suo loco habetur, deinde recitentur Litanix Lauretanæ, & postea fiat examen conscientix, communisque aspersio per Superiorem, cum Antiphona: *Asperges me Domine hyssopo, & mundabor, lavabis me, & super nivem dealabor.* Psal. *Miserere mei Deus secundum magnum misericordiam tuam.* Gloria Patri, &c. Sicut erat &c. Et repetitur. *Asperges me &c.*

Vel tempore Paschali dicatur:

Vidi aquam egredientem de templo, à latere dextro alleluia, & omnes ad quos pervenit aqua ista, salvi facti sunt, Et dicent: alleluia, alleluia. Psal. *Constitemini Domino quoniam bonus: quoniam in sæculum misericordia ejus.* Gloria Patri &c. Sicut erat &c. Et repetitur. *Vidi aquam.*

Ps. *Domine, quoniam apud te est fons vitæ.*

R. *Et in lumine tuo videbimus lumen.*

Oremus.

Sancti Spiritus tui Domine corda nostra mundet infuso, & sui roris intimâ aspersione fecundet. Per Christum Dominum nostrum. R. Amen.

Ps. *In unitate ejusdem Sancti Spiritus benedicat nos Pater, & Filius.* R. Amen. Ps. *Benedicite.* R. Deus.

Ps. *Dominus sit semper nobiscum.* R. Amen.

His finitis fiat pulsus pro salutatione Angelica: (nisi consuetudo locorum sit alia) & statim post illum pulsus ter detur signum minori campanâ pro defunctis, quo tempore dicatur.

Oratio.

Fidelium Deus omnium Conditor, & Redemptor, animabus famulorum famularumque tuarum, remissionem cunctorum tribue peccatorum; ut indulgentiam, quam semper optaverunt, piis supplicationibus consequantur. Qui vivis, & regnas in sæcula sæculorum. R. Amen.

Ps. *Requiem æternam dona eis Domine.*

R. *Et lux perpetua luceat eis.*

Ps. *Requiescant in pace.* R. Amen.

Horâ octavâ omnes omninò ad cellas sibi assignatas se recipiant

piant, & ad dormiendum se componant, & si aliquis in cella tunc habere lumen sine licentia speciali Superioris præsumpserit, gravius corripatur.

3. Benedictionem in Prima, & Completorio, ipse debet dare Superior; Antiphona post Vesperas Beatæ Mariæ Virginis de more dicenda cantetur etiam si ipsæ Vesperæ legantur.

4. Beatæ Virginis Officium, juxta Rubricas Breviarii Romani quotidie pro incremento Ordinis nostri cum Missa post Primam cantari, vel legi solita, secundum Religionis nostræ consuetudinem recitetur.

5. Diebus festivis Vesperæ, ac Missa Conventualis in cantu peragi debent, ubi sunt ad minus septem Fratres; ubi verò plures, foundationi, ac devotioni populi serviendum, ut saltem duplicibus quibusvis cantentur.

6. Non nimis altè, nec nimis demissè cantabunt, & in fine versuum longas caudas non faciant. Ad cantus exercitium Fratres juniores sub finem primæ horæ post prandium, saltem uno quadrante applicentur.

7. Cæremonias ad Altare, & Chorum præscriptas in Rubricis Missalis, ac Breviarii Romani sæpius legant, & ad unguem observent.

8. Fratres Conversi locò horarum Canoniarum pro matutino, & laudibus, dicant triginta Pater Noster, & Ave Maria, & unum Credo, pro vespers quindecim, pro aliis horis septem, in fine Credo; pro Defunctis verò, ut suo loco.

9. Mentali orationi iidem Fratres Conversi singulis quibusque diebus saltem per mediam horam tempore illis à Superiore assignato omnino vacabunt, quod supererit temporis, laboribus eis à Superiore præscribendis, sincerè, & sollicitè impendant. Qui nesciunt legere, litteras nullo modo discere præsumant, & Frater illos docens graviori culpâ cum discente puniatur.

CAPUT XVI.

De Festivitatibus Ordinis.

Præter communia Ecclesiæ Festa.

Festa Ordinis hæc sunt.

1.



ANCTI Pauli primi Eremitæ Patris nostri die decimâ Januarii cum Octava juxta Breviarium Romanum, sermo tamen ad Populum, die decimâ quintâ ejusdem Mensis, vel certè Dominicâ infra Octavam habeatur.

Ejusdem Sancti Translatio decimâ quartâ Novembris. Item ejusdem Festum Dominicâ tertiâ post Pentecosten à nobis solemniter etiam ad Populum colitur ex Indulto Felicis Recordationis Sanctissimi Domini nostri Urbani VIII.

Demùm ejusdem Sancti commemoratio ritu semiduplici die primâ cujuslibet Mensis non impedita, ex indulto ejusdem Sanctissimi Domini nostri Urbani Octavi celebranda à nostris per omnes Conventus.

2. Festum S. Antonii Abbatis decima septima Januarii.
3. Sanctæ Agnetis vigesima prima Januarii.
4. Sancti Casimiri Confessoris, quondam Confratris Ordinis nostri, quarta Martii.
5. Sancti Thomæ de Aquino Promotoris in confirmatione Religionis, septima Martii.
6. Sancti Josephi sponsi Beatissimæ Virginis Mariæ decima nona Martii.
7. Sancti Benedicti Abbatis vigesima prima Martii.
8. Sancti Joannis ante Portam Latinam sexta Maii.
9. Apparitio Sancti Michaelis Archangeli octava Maii.
10. Sanctorum Andreae, & Benedicti Eremitarum Martyrum, decima septima Julii.
11. S. Annæ Matris B. Mariæ Virginis vigesima sexta Julii.

E

12. Fe-

12. Festum Sancti Augustini cum Octava, vigesima octava Augusti.

13. Ejusdem Translatio undecima Octobris.

14. Festum S. Angeli Custodis juxta Directoria Diocesana.

15. Sancti Gerardi Episcopi & Martyris, vigesima quarta Septembris.

16. Sancti Hieronymi Chronologi vitæ Sancti Patris nostri, trigesima Septembris.


In festis prædictis fratres devotioni studiosius incumbant, confitendo, & communicando, ac Sacrum Conventuale solemniter cantando cum utrisque Vesperis.

Alii dies Festi, qui ex constitutione Sanctæ memoriæ Urbani Papæ VIII. quæ incipit: *Universa per Orbem*. Colendi sunt, à nostris Fratribus omnino observentur.

17. In vigilia Nativitatis Domini, dum ex Martyrologio proferuntur verba: *Iesus Christus Filius Dei in Bethlehém Judæ nascitur*, Fratres universi ad Chorum per signum campanæ congregati se prosternant; simili modo faciant prostrationem in vigilia Annuntiationis, dum pronuncietur ex Martyrologio verba illa: *Annuntiatio Beatissimæ Virginis Genitricis Dei*: In die Paschatis seu Resurrectionis Domini, Presbyter Martyrologium cantabit, sicut in vigilia Nativitatis Domini solemniter ipse Superior.

CAPUT XVII.

De Libris habendis ad usum Chori.

1.  N quolibet Conventu Prior procuret, ut pro Missa Conventuali adminus sit unum decenter aptatum Missale, & pro Missis privatis quot fuerint necessaria, & duo bona Antiphonalia, unum diurnum, aliud nocturnum, & Hymnarium cum notis Choralibus; item Psalteria cum Breviariis Choro deputatis, cum lucernis sufficientibus.


2. Sit

2. Sit etiam Martyrologium pro Prima, Rituale Romanum, Processionalia, Passionale, & Graduale correcta omnia, etiam accommodata cum notis musicis, ac accentibus Prosodiarum. Ipsi libri sint benè compacti, lacerati verò tempestivè reparentur.

3. His attendant seriò in visitatione sua Patres Generales, vel Provinciales, aut eorum Visitatores Commissarii, ac negligentes prædictorum etiam per successores puniantur acriter.

CAPUT XVIII.

De Missæ Sacrificio, & Prædicatione Verbi Divini.

1. ualibet die præter Missam Conventualem, quæ ad intentionem Ecclesiæ, vel Conventus, vel ut Superior in Capitulo hebdomadali determinaverit debet offerri, fiant Sacra in Conventibus nostris (non festinanter) juxta obligationes Fundatorum, ad dispositionem Superiorum, pro necessitatibus publicis, vel privatis Ordinis, ac Benefactoribus nostris, ita ut quilibet Presbyter quatuor Missas per hebdomadam absolvat, ex quibus, si quam neglexisse per Sacristam, & principaliter per Superiorem deprehensus fuerit, aliquo ferculo privetur, ac negligentiam supplere teneatur: si quis autem frequentius, & multò magis, quasi ex consuetudine in hoc defecerit, gravius Superioris arbitrio puniatur.

2. Fratres Clerici, & Conversi quotidie teneantur interesse Missæ, illi præsertim, quæ summo manè, vel tempore Primæ in Ecclesiis nostris quotidie propter populum debet celebrari. Omnes autem Patres pro Missis cantandis, vel legendis è Sacristia egredientes; itemque Diaconi, & Subdiaconi, capite cooperto quadratis decenter incedant.

3. Omnes tam Superiores, quàm subditi legitimè non impediti Prædicationi verbi Dei interesse teneantur, & ut magis at-

rentè assistant, parati sint Superiori interroganti respondere, quem fructum inde reportaverint.

4. Anniversarium pro expiandis negligentis celebretur in Mense Majo, ita ut quilibet Presbyter dicat Missam pro peccatis: Frater Clericus septem Psalmos Pœnitentiales, Frater laicus 22. Pater, & Ave Maria.

5. In virtute sanctæ obedientiæ præcipitur, ut Anniversaria mox declaranda, ubilibet fuerint Patres nostri persolvant cum Missa pro defunctis, & Officio novem lectionum.

Et primò quidem die decimâ octavâ Julii, pro Fratribus nostri Ordinis defunctis. Secundò die undecimâ Septembris pro Ludovico Primo Hungariæ Rege, Parentibus ejus, & liberis. Tertiò die decimâ octavâ Septembris pro Benefactoribus, & familiaribus Ordinis, & demùm die vigesimâ Octobris pro Parentibus Fratrum nostrorum, dummodò prædicti dies non sint impediti, aliàs primâ quaque die non impeditâ. In cujus Missæ supplementum, quilibet Clericus septem Psalmos Pœnitentiales, & Graduales, Conversi verò quinquaginta Pater noster, & Ave Maria persolvant. Alias Missas vide inferius parte secunda Cap. 12. num. 7.


6. Fratres Clerici, & Conversi singulis octo diebus confiteantur, ac communicent, & quoties solemnitates Salvatoris, Dominae nostræ, Apostolorum, Patronorum Provinciæ, Ecclesiarum nostrarum, ac Festivitatum Ordinis veniant; Communio autem ipsorum ordinariè fiet in Sacro post Primam immediatè celebrando, vel in Missa solemnè.

7. Errantes in cæremoniis priventur ordinariâ recreatione, ac jubeantur illas attentè legere, ac in illis se exercere.

Superior si ipse non poterit, constituat aliquem ex Patribus discretiorem, qui notet defectus in Concione, Missa, aliisque Cæremoniis Ecclesiasticis omissis, ad corrigendum.

CAPUT XIX.

*De Sacramentorum administratione,
& Processionibus.*

1.  Ullus Sæcularium Confessiones audeat excipere, nisi prius à loci Ordinario fuerit approbatus, & à Superiore ad audiendum missus. Confessionalia sint tali formâ disposita, ut circumstantes verba pœnitentis audire nequeant. Pro Fratribus autem in Sacristia, vel in Choro constituentur. Ibidem quoque Sacerdotum Sæcularium Confessiones audiantur.

2. Administrare Sacramentum extremæ Unctionis, aut Eucharistiæ pro viatico, sive quando est ex præcepto Paschatis contra voluntatem Parochi, vel absolvere à quibuscumque censuris reservatis, nemo audeat, sub pœna excommunicationis ipso facto incurrenda: neque solemnizare matrimonia, sub pœnis à jure statutis.

3. Neque alia officia Parochorum, etiam in suis Ecclesiis obire præsumat; in quibus autem Ecclesiis cura animarum penes nostros residet, non nisi deputati à Superiore Sacramenta administrent. Ac in posterum nostri Religiosi Parochias sub pœna carcerum, ac nullitatis actûs non suscipiant. Item prohibemus ne fiant Compatres sive in Baptismo, seu Confirmatione, sub pœna Superioris arbitrio.

4. Processiones fiant diebus solitis, & statutis ab Ordinario Romano. Aliis verò temporibus secundum temporum necessitates, & Superioris dispositionem.

C A P U T X X.

De Voto Obedientiæ.

1.



X vi Voti Obedientiæ, quod Religiosi nostri emittunt, tenentur obedire in his, quæ concernunt Regularem vitam, non solum Prælati Religionis, sed etiam specialiter, & maximè Romano Pontifici, non solum quatenus est Caput Ecclesiæ, quo titulo etiam omnes sæculares obedire debent, sed peculiariter etiam ratione voti emissi obedientiæ in professione uti supremo omnium Superiori, & vi ejusdem voti obedientiam etiam præstare tenentur Sacræ Congregationi Regularium.

2. Quilibet ex Fratribus nostri Ordinis, qui voluntatem propriam pro voluntate Superioris propter Christum dederunt, mandatum Prioris sui, tanquam præceptum Dei, absque omni disceptatione cum omni festinatione humiliter perficiat, sicut velle noverit imperantem. In Capitulis quoque seu Congregationibus, ubi de Generalis, aut Provincialium electionibus non agitur, sive aliàs, licet aliqua injuncta graviora sibi videantur, faciles se suis Superioribus exhibeant Fratres, non attendentes pondus laboris, mutationis, aut itineris, sed supremæ mercedis retributionem.

3. Si quodpiam mandatum Frater rationabiliter credat vires suas excedere, ne durus, vel rebellis Obedientiæ Sanctæ videatur, illud statim suscipiat, deinde imperanti cum omni humilitate impossibilitatem exequendi aperiat, & si quod proponit, obtinere meruerit, cui Superior misericorditer condescendere debet. Tunc agat gratias Deo, & in posterum humilior fiat, sin autem secus contingat, sciat sic animæ suæ saluti expedire, & speret se, cum Dei adjutorio posse jubentis implere mandatum, dicens cum Apostolo: *Omnia possum in eo, qui me confortat.*


4. Fra-

4. Fratres, qui ut citius injuncta sibi officia absolvant, illa malè exequuntur, vel se abscondunt, ne mandatum ad eos veniat, vel ita se gerunt, ne eis Superior quid demandare audeat, vel cum murmuratione & tristitia, & tarditate imperata exequuntur, pænâ inobedientiæ sunt puniendi, arbitrio Superioris.

5. Ad primum porrò sonum campanæ, aut ad vocem, vel ad nutum Superioris statim se ad id, ad quod vocantur, conferant.

CAPUT XXI.

De Voto Castitatis.

1.  Uæ de Voto Castitatis in Regula Divi Patris Augustini, ac aliàs præscribuntur, sollicitè Fratres etiam in summa tranquillitate animi in praxim deducere conentur.

2. Si quis Fratrum Subditorum Ordinis nostri, (quod Deus avertat,) lapsum carnis perpetrasse, convictus fuerit, Prælatus ejus, pænâ gravioris culpæ ipsum peragere compellat, in qua peragenda carceri mancipatum usque ad deliberationem Patris Generalis, aut Provincialis, ac Definitorum detinere debeat, omnibus secundis, quartis, ac sextis feriis pane, & aquâ dumtaxat semel in die confovendum.

3. Insuper firmiter statuimus, ut si quis Superior in vitium carnis inciderit, id Fratres sui Monasterii clam, & occultè, ipsoque inscio, servato tamen ordine charitatis, si Priori Generali, vel Provinciali propter longam distantiam loci notificare non possent, tunc Plenipotentiarario, qui deputari debebit in singulis Provinciis ad capiendas informationes super his usque ad carcerationem inclusivè, & ad sententiam exclusivè, hoc teneantur intimare, pænas graviores pro negligentia subituri; qui omni depulsâ tarditate, ipsum adeat Conventum, ubi debitâ Inquisitione præmissâ, factique compertâ veritate, præ-

præsentis nostræ Constitutionis auctoritate, totam super eum exercere valeat, & teneatur jurisdictionem, (carceri mancipando,) quam Prior Generalis, vel Provincialis, si tunc adesset, exerceret, præscriptorum dierum jejuniis ipsum affligendo ad ulteriorem deliberationem. Talis per decennium voce activâ, & passivâ privetur, & si gravius quid commiserit privatus sit perpetuò, & graviores ex Sacrorum Canonum jure pœnas luat.

4. Si quis carnale crimen commiserit, Frater qui cum illo est, teneatur sub pœna carcerum per unum mensem, Prælato excessum illius corrigendum quantò citius intimare; correctus verò ad locum, in quo tale malum commisit, ulterius non redeat, nisi ita religiosè conversatus fuerit, ut postmodum per Prælatum illuc reversurus judicetur; Si verò hujusmodi peccatum occultum est, inquisitione secretâ secundum personam, & tempus, condignam agat pœnitentiam.

5. Si quis autem de mala familiaritate notabiliter suspectus fuerit, & post admonitionem coram Fratribus factam, se non correxerit, Patri Generali, vel Provinciali significetur, ut provideat de ordinis honestate, Fratrisque periculum impediât.

6. Mulieres quantumvis provectæ ætatis, cujuscvis nobilitatis, aut magnificentiæ, neque solæ, neque cum maritis, neque cum aliis quibuscumque intra clausuram Monasteriorum nostrorum, nisi de speciali Sedis Apostolicæ concessione admittantur, sub pœna excommunicationis ipso facto incurrenda, & aliis pœnis in Constitutionibus S. Pii V. & Gregorii XIII. contentis.

7. Fratres cujuscumque qualitatis, & conditionis, sub eadem pœna gravioris culpæ, occasione seu prætextu cujuscumque infirmitatis nullatenus sese mulieribus extra clausuram exponant curandos, sine expressa licentia Superioris, quam concedere non debeat, nisi ex urgente causa, & cum assistentia Religiosi gravis, & probati.


8. Fratribus verò, qui ex necessitate alloqui debent mulieres, juxta doctrinam S. Patris Augustini, sermo sit brevis, asper, & rigidus, solam salutem animæ spectans.

9. Ne-

9. Neque Pueri intra clausuram Monasterii sub quovis prætextu ullo modo pernoctare permittantur, sub pœna gravis culpæ irremissibiliter infligenda, nisi de expressa licentia Superioris, quam non nisi ex gravi, & rationabili causa concedere præsumat, sub pœna arbitrio Superiorum majorum.

CAPUT XXII.

De Voto Paupertatis.

1. UAMVIS Religiosi Ordinis nostri habeant dominium bonorum temporalium in communi, in particulari tamen aliquid possidere, seu ut proprio uti quempiam, etiam ex Superioribus, repugnat voto paupertatis.

2. Bona omnia ingredientis Monasterium, de quibus ante non disposuit, professione factâ, ipso jure redduntur Monasterii propria; uti & alia omnia, quæcumque justo modo obvenientia regulari nostro Monasterio acquiruntur à Superiore, tanquam legitimo Dispensatore Conventui incorporanda, & in communi redigenda.

3. Nullus Superior cum subdito suo valeat dispensare pro retinenda pecunia penes se, vel penes aliquem alium quovis colore, aut titulo, nisi pro occurrenti præsentanea aliqua necessitate prius à Superiore approbanda.

4. Quilibet Frater pecuniam, quæ illi à Consanguineis, Benefactoribus, Amicis, vel alio quovis licito modo obvenit intra viginti quatuor horas, si fuerit in Claustro, vel statim ac pervenerit ad Monasterium, Superiori suo præsentet, & illic in communi capsâ Monasterii reponatur, & conservetur pro Religiosis necessitatibus, ejusdem Fratris per Superiorem applicanda; ubi ob paupertatem Domûs, vita communis, quoad omnia strictè servari non potest, & quod supererit, in communes Monasterii usus convertatur.

5. Dum ob aliquam publicam, aut privatam necessitatem

B

pecu-

pecunia, aut alia res cuiquam Fratri conceditur à suo Superiore, illam non nisi pro eo usu, quem Superior determinaverit, convertat, nec quis rem aliquam sibi concessam, ut propriam possideat, vel ut propriâ utatur.


6. Alimentis, & vestimentis, quæ secundum possibilitatem Domûs habentur, Fratres contenti maneant; nec ullus eorum pro victu, aut vestimentis, aliave re murmuret, quin abjecta magis amplectantur, quàm pretiosa, aliàs frustra Christi pauperes vocabuntur, dum paupertatis incommoda sentire recusabunt.

7. Frater contra formam harum Constitutionum aliquid retinens, dans mutuo, vel commodato, donans, aliquo modo expendens, absumens, etiam ex rebus Conventûs contra voluntatem sui Superioris, vel ex concessis sibi, sive à Superiore, sive ab extraneo, domi vel foris abscondens, destruens, vel in alium usum, quàm Superior destinaverit, convertens, vel ut nomine suo aliquid donetur, procurans; vel qui paratum se non præstiterit habita resignare ad nutum Superioris, vel demùm ne sibi res aliqua, vel ejus usus, aut administratio auferatur, proterve impediens, execrabile vitium proprietatis committit; neque liceat alicui Fratri pecuniam ad effectum illam liberè distribuendi pauperibus, quibus ipse Frater voluerit sine approbatione Superioris accipere, vel apud se, aut alium retinere, quod si secùs fecerit, pænâ etiam gravioris culpæ arbitrio Superioris puniatur.

8. Item Superior, qui extra communem capsam penes se, vel alium pecuniam ad sui dispositionem retinuerit, vel indebitè in suos, vel suorum usus converterit, eandem culpam proprietarii incurrat: prætereà Superior, qui pecunias Monasterii, vel quæ aliàs quomodolibet obvenerint, vel bona Monasterii malè disposuerit, aut cum detrimento disponi culpabiliter permiserit, pænâ proprietarii puniatur. Qui verò ad prohibitum, aut incertum usum aliquid Fratri concesserit, tam Superior, quàm Frater, qui hujusmodi concessione usus fuerit, gravi pænâ mulctetur.

CAPUT XXIII.

*De non alienandis bonis mobilibus ,
aut immobilibus .*

1.  ULLUS omninò Superior cuiquam etiam parenti , aut consanguineo , affini , vel amico suo de bonis Ecclesiæ , seu Monasterii alicujus momenti dare præsumat sub pœna depositionis , inhabilitatis ad officia , infamiæ , ac ignominia perpetuæ . Permittitur tamen Superiori ordinaria eleemosynarum largitio juxta modum à Capitulo cujuslibet Conventus pro reddituum quantitate præscribendum ; si verò ob aliquam justam causam modum præscriptum excedere necesse fuerit , id Superior sine speciali Capituli Conventus consensu facere non audeat , alioquin sciat easdem pœnas se subiturum , si præsentì Constitutioni contravenerit .

2. Nulli Superiores locorum bona mobilia pretiosa , nec etiam libros Conventuum sine speciali licentia Prioris Generalis vendere , permutare , aut quoquo modo alienare possint .

3. Nullus etiam Prior Generalis , bona domorum nostrarum immobilia , sine consensu Sedis Apostolicæ , aliquo modo alienet sub pœna excommunicationis ipso facto incurrenda .

4. Inventaria in libris benè compactis bonorum tam mobilium , quàm immobilium in omnibus Monasteriis nostris fideliter conscripta , in Archiviis suis asserventur , & unum exemplar illorum penes Patrem Generalem , aut Provincialem , aliud penes Conventum maneat .

5. Nulli Superiorum bona Ordinis liceat externis arrendare , absque licentia Patris Generalis , vel Provincialis , cum consensu Definitorum , & id quidem triennium non excedat .

6. Pro communi necessitate Ordinis in qualibet Provincia constituatur communis corbona , seu arca , in qua asserventur

pecuniæ, quæ à Conventibus solventur secundum determinationem factam pro Conventibus per Definidores, & in quolibet Generali, vel Provinciali Capitulo, aut convocatione deferantur, & sub custodia Patrum Definitorum, aut saltem trium Patrum sub diversis clavibus in loco tuto asserventur.

7. Nullus Superior pecuniam unius Domûs, vel aliquam rem, aliò, etiamsi domus sit nostræ Religionis transferre audeat sub pœna proprietariorum, & sub eadem pœna nullus debita graviora contrahat absque consensu sui Capituli, quem si Fratres proterve in aliqua necessitate negaverint, recurratur ad Provincialem, vel ad Generalem.

8. Legata Ecclesiæ in nullos alios usus, quàm Ecclesiæ, atque aliàs juxta præscriptum Legantis, sub eadem pœna converti præcipimus.

9. Fratres, qui ex aliqua beneficentia exterorum, Superiore concedente, libros pro usu suo comparatos habuerint, ipsos illi Conventui inscribant, & postea ad eundem Conventum, in quo comparati sunt, revocato per Superiorem, aut cessante usu restituantur.

10. Superiores omnes etiam Generalis, qui redditus, aut præstationes peculiares, ratione officiorum habent, eorum accepta, & expensâ in libro distincto fideliter, & diligenter adnotari curent, neque in alios usus, quàm ratione officii sui necessarios, quidquam expendant. Cum verò contigerit ipsis in aliquo Conventu commorari, eam pecuniæ quantitatem in commune conferant, ex qua sibi, & iis, qui secum erunt, victus, & alia necessaria ad præscriptum Regulæ, & Constitutionum suppeditentur.

11. Nullus ex Superioribus locorum, ubi id commodè fieri poterit, administrationem bonorum, aut aliarum rerum, dispensationemque pecuniarum, & reddituum sui Conventus, etiam nomine Conventus per seipsum habere sive exercere possit. Sed universum id onus tribus Fratribus ejusdem Conventus, à Generali, vel Provinciali ita demandetur, ut unus rerum, & bonorum, reddituumque colligendorum, ac exigendorum curam habeat, alter tanquam Depositarius, pecunias,
ac

ac cætera ab illo collecta, & exacta fideliter asservet, alius de pecuniis, & rebus à Depositario acceptis, Priori, & Fratribus, ac Conventui universo, de necessariis, mandante tamen ipso Priore, non secundum proprium affectum, sed juxta charitatis regulam veluti bonus dispensator provideat, officiorum hujusmodi confusione penitus interdicta.

12. Cæterum hi tres, tam impensi, quam accepti, singulis mensibus Superiori locali, adhibitis etiam duobus, vel tribus Fratribus ejusdem Conventus probatoribus, rerumque usu peritis, rationem reddant, & regista Superior, & saltem duo ex Fratribus adhibitis subscribant, ac sigillo Conventus communient ad exhibendum Visitatori, & Capitulo.


13. Ipsemet Generalis, vel Provincialis tenebitur rationem reddere in quolibet Capitulo coram Vicario, & Definitoribus suis, tam publicæ, quam privatæ administrationis suæ, quæ in acta Capituli inseratur.

14. In unoquoque Conventu, is tantum numerus Fratrum habeatur, qui ex redditibus illius propriis, vel ex communibus consuetis, aut aliis obventionibus in commune conferendis, commodè possit sustentari, habito respectu, non tantum ad ipsum victum, & amictum Fratrum; sed etiam fabricam, libros, medicinas, aliaque necessaria Conventui ipsi, & Fratribus. Redditus verò, & supradicta omnia in communi loco, ac tuto diligenter conserventur.

15. Cæterum, quæ hîc non sunt expressa, rejicimus ad Clementinas Constitutiones de largitione munerum juxta declarationem factam à Sacra Congregatione Visitationis Apostolicæ, confirmatam à Sanctissimo Domino nostro felicitis recordationis Urbano Octavo die 16. Octobris 1640. ut diligenter omnia observentur, ac si essent de verbo ad verbum conscripta.

CAPUT XXIV.

De Renovatione Votorum.

1.  D firmitus retinendam Monasticam disciplinam, Religiosi nostri, die Festo Sancti Pauli primi Eremitæ Patris nostri in Januario vota solemnia quotannis renovent modo, qui sequitur.

2. In Capitulo Hebdomadali Superior prænunciet futuram votorum renovationem, ut quisque se præparet ad Confessionem Generalem, vel annualem in pervigilio Festi, vel ipso die faciendam: ubi Communione Fratrum, ac Missis absolutis, exclusisque Sæcularibus fiet ad Fratres exhortatio de renovatione votorum mox futura, tum cantetur, vel legatur Hymnus: *Veni Sancte Spiritus*, ut supra Cap. 5. Finito Hymno dicantur versiculi eodem Cap. 5. post Litanias appositæ, incipiendo à versiculo: *Saluum fac* &c. qui, uti & reliqui cum suis Responsionibus dicantur in plurali. Deinde addatur.

Oratio.

D Eus, qui corda fidelium Sancti Spiritus illustratione docuisti, da nobis in eodem Spiritu recta sapere, & de ejus semper consolatione gaudere. Per Christum Dominum nostrum.

R. Amen.

Post ipsemet Superior flexis genibus coram Altari legat clarâ voce sequentia verba.

E Go N. N. renovo meam Professionem, & promitto Deo, Beatissimæ Virgini Mariæ, Sancto Patri nostro Paulo primo Eremitæ, & Superiori meo Reverendissimo Patri Generali N. N. obedientiam, paupertatem, ac castitatem, juxta Regulam, & Constitutiones nostras, ut alacrius serviam Domino, in sanctitate, & justitia, cumque toto vitæ meæ tempore glorificem: insuper propono illius honorem, ac proximorum salutem promoveri, juxta quod
Su-

*Superior mihi injunxerit . Adjutor meus esto Domine , ne derelin-
quas me , neque despicias me , Deus salutaris meus .* Inde rece-
dens privatum vitium sibi familiare assumat per virtutem con-
trariam omninò eradicandum , ac in dies proficiendum : pro
quo suffragia Divæ Virginis , ac Sancti Pauli , aliorumque Pa-
tronorum invocet .

3. Absolutâ Superioris votorum renovatione , ipsemet Su-
perior ad locum Evangelii sedeat ; tum alii Patres , ac Fratres
juxta antiquitatem eorum in professione eandem formam reno-
vationis ex chartula præparata in manibus Superioris existente
genuflexi ante ipsum Superiorem ex animo proferant : Novitii
autem hæc verba pronuncient .

E Go Frater N. N. propono observare obedientiam , pauperta-
tem , castitatem , ac suo tempore emitte professionem ad lau-
dem Omnipotentis Dei , Beatissimæ Virginis Mariæ , Sancti Pau-
li primi Eremitæ , ac totius Curie Cælestis .

Quibus finitis Superior surgens , dicat voce mediocri .

ψ. Dominus vobiscum .

℞. Et cum Spiritu tuo .

Oremus .

S Empiterne Deus , & Omnipotens Pater , qui humanæ fragili-
tatis infirmitatem agnoscis , respice quæsumus super hos famu-
los tuos , & largâ tuæ benedictionis abundantia infirmitatem no-
stram corroborare digneris , ut promissa vota , quæ præveniando aspi-
rasti , per auxilium gratiæ tuæ , sanctè , piè , ac religiosè viven-
do valeamus vigilanter observare , & observando , vitam promere-
ri sempiternam . Per Christum Dominum nostrum .

℞. Amen .

Deinde incipit canere , vel legere , *Tē Deum laudamus .*
Quem Conventus alternatim prosequitur dicendo .

Tē Dominum confitemur .

Tē æternum Patrem : omnis terra veneratur .

Tibi omnes Angeli : tibi cæli , & universæ potestates .

Tibi Cherubim , & Seraphim : incessabili voce proclamant .

San-

Sanctus, Sanctus, Sanctus: Dominus Deus Sabaoth.

Pleni sunt caeli, & terra: Majestatis gloriae tuae.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum, Sancta confitetur Ecclesia.

Patrem immensa Majestatis.

Venerandum tuum verum, & unicum Filium.

Sanctum quoque Paraclitum Spiritum.

Tu Rex gloriae Christe.

Tu Patris sempiternus es Filius.

Tu ad liberandum suscepturus hominem: non horruisti Virginis Uterum.

Tu devicto mortis aculeo: aperuisti credentibus regna caelorum.

Tu ad dexteram Dei sedes: in gloria Patris.

Judex crederis esse venturus.

Te ergo quaesumus, tuis famulis subveni: quos pretioso Sanguine redemisti.

Aeterna fac cum Sanctis tuis: in gloria numerari.

Salvum fac populum tuum Domine: & benedic hereditati tuae.

Et rege eos: & extolle illos usque in aeternum.

Per singulos dies, benedicimus te.

Et laudamus nomen tuum in saeculum: & in saeculum saeculi.

Dignare Domine die isto: sine peccato nos custodire.

Miserere nostri Domine: miserere nostri.

Fiat misericordia tua Domine super nos: quemadmodum speravimus in te.

In te Domine speravi: non confundar in aeternum.

Quo finito dicitur, *Kyrie eleison*, & Conventus alternatim prosequitur, *Christe eleison*, *Kyrie eleison*; Superiorque subjungit, *Pater noster*.

Ps. Et ne nos inducas in tentationem.

R. Sed libera nos a malo.

Ps. Manda Deus virtuti tuae.

R. Confirma hoc Deus, quod operatus es in nobis.

Ps. Salvos fac servos tuos Domine.

R. Deus

R. Deus meus sperantes in te .
V. Esto nobis Domine turris fortitudinis .
R. A facie inimici .
V. Nihil proficiat inimicus in nobis .
R. Et filius iniquitatis non apponat nocere nobis .
V. Ora pro nobis Sancta Dei Genitrix .
R. Ut digni efficiamur promissionibus Christi .
V. Domine exaudi orationem meam .
R. Et clamor meus ad te veniat .
V. Dominus vobiscum .
R. Et cum spiritu tuo .

Oremus .

Deus , qui corda fidelium Sancti Spiritus illustratione docuisti ,
 da nobis in eodem Spiritu recta sapere , & de ejus semper con-
 solatione gaudere .


Protege Domine famulos tuos subsidiis pacis , & Beatæ Mariæ
 semper Virginis patrocinis confidentes , à cunctis hostibus
 redde securos .

Deus , qui nos à Sæculi vanitate conversos , ad bravium supernæ
 vocationis accendis , pectoribus nostris purificandis illabere ,
 & gratiam nobis , quâ in te perseveremus infunde , ut protectionis
 tuæ muniti præsidis , quod te donante promissimus , impleamus , &
 nostræ professionis executores effecti , ad ea quæ perseverantibus in
 te promittere dignatus es , pertingamus . Per Christum Dominum
 nostrum . *R. Amen .*

4. Hic Superior commendet Indulgentias à felicis recorda-
 tionis Sanctissimo Domino nostro Paulo V. concessas Regulari-
 bus , quæ in omnibus Conventibus affixæ maneant in Sacristia :
 postea ad charitatis significationem se omnes mutuò amplexa-
 buntur .

CAPUT XXV.

*De Vitanda Divagatione, & de iis,
quæ concernunt Obedientiam.*

1.  I C U T I nulli Fratrum per firmissimum edictum licet recedere de domo, in qua per Generalem, vel Provincialem collocatus est. Ita nulli Superiori fas erit abeuntem pro residentia recipere, absque licentia eorundem in scriptis obtenta, aliàs talis, ut & alii vagi, & ignoti Fratres apprehendantur, & in loco pœnitentiæ detineantur, interim informetur Pater Generalis, vel Provincialis.

2. Nullus etiamsi Superior fuerit, possit ire extra Provinciam quocumque titulo, vel prætextu, neque ad Parentes, & Cognatos, vel quascumque Peregrinationes absque speciali licentia Patris Generalis, vel Provincialis: si quis autem Superior huic Constitutioni contravenerit, per biennium voce activâ, & passivâ careat. Cæteri verò non Superiores penâ carceris per sex menses plectantur, & in qualibet feria sexta in pane, & aqua jejunent.

3. Provinciales quoque per sua specialia Statuta provideant feriò, ne divagationes Fratrum cum aliquo murmure Sæcularium, aut periculo Fratrum suorum in Provinciis fiant.

4. Nulli tam Subditorum, quàm Superiorum licebit ostium, aut ante fores Ecclesiæ, aut per pagos mendicare; si tamen aliqua necessitas urgens suaferit aliquid petendum, cautè, & religiosè id fiat per personas à Superiore determinatas.


5. Si quis Fratrum habeat quærimoniam contra quempiam, expectet adventum Visitatoris. Neque ad hoc, vel aliud negotium Generalem, vel Provincialem præsumat adire, nisi cum licentia, & obedientia in scriptis illius ex duobus, ad quem vult proficisci.

6. Nul-

6. Nullus Fratrum tam Superiorum, quàm Subditorum alicui negotio temporali, seu spiritali externorum absque expressa licentia sui Superioris se immisceat; neque externos intercessores adhibere audeat ad obtinendam licentiam exeundi, seu commorandi extra Monasterium, in quibus si quis deliquerit pro modo culpæ Superioris arbitrio puniatur.

CAPUT XXVI.

De Disciplina, Jejuniis, & Clausura.

1.  Prima Dominica Adventus usque ad Nativitatem Domini, & à Dominica quinquagesimæ, usque ad diem Cænæ Domini, Fratres ter in hebdomada, hoc est, feriis secundâ, quartâ, & sextâ, simul disciplinam faciant, loco, & horâ deputatis; reliquo verò anni tempore singulis sextis feriis, nisi festum solemne, id est de præcepto occurrat prædictis diebus. Dum verò disciplina fit dicatur ab omnibus: *Confiteor* Sc. deinde Superior subjungat: *Misereatur* Sc. R. *Amen.* *Indulgentiam* Sc. R. *Amen.* Et tunc recitetur alternatim Psalmus: *Miserere* Sc. *Gloria Patri* Sc. *Sicut erat* Sc. mox adjungat Superior *Kyrie eleison.* R. *Christe eleison.* *Kyrie eleison,* *Pater noster.* quo dicto dicatur.

Ps. *Salvos fac servos tuos.*

R. *Deus meus sperantes in te.*

Ps. *Mitte nobis auxilium de Sancto.*

R. *Et de Sion tuere nos.*

Ps. *Domine exaudi orationem meam.*

R. *Et clamor meus ad te veniat.*

Ps. *Dominus vobiscum.*

R. *Et cum spiritu tuo.*

Oremus.

DEus cui proprium est misereri semper, & parcere: suscipe deprecationem nostram, ut nos, & omnes famulos tuos, quos delictorum catena confiringit, miseratio tuæ pietatis clementer absolvat. Per Christum Dominum nostrum. R. Amen.

In Nomine Patris, & Filii, & Spiritus Sancti. R. Amen.

2. A die commemorationis omnium defunctorum inclusivè Fratres nostri jejunent, usque ad Dominicam Adventus exclusivè, quo tempore semel tantum in die lacticiiniis utantur, exceptis Dominicis diebus, in quibus bis lacticiiniis reficiantur.


A prima autem Dominica Adventus usque ad Nativitatem Domini exclusivè jejunent cibis quadragesimalibus, semel tantum in die comedendo præter dies Dominicos, in quibus bis reficiantur; quod si Festum Natalis Domini feriâ sextâ, vel Sabbato incideret, illa die à carnibus, & lacticiiniis abstineant. A Nativitate Domini usque ad Septuagesimam exclusivè diebus Dominicis, feriis tertiis, & quintis, bis reficiantur carnibus, & feriâ secundâ bis lacticiiniis, & si quis strictius hunc diem voluerit transigere in nomine Domini faciat, Feriâ quartâ, & Sabbato semel tantum lacticiiniis. A Septuagesima usque ad Dominicam Quinquagesimæ inclusivè jejunent semel tantum comedendo lacticia, in diebus verò Dominicis bis. A Quinquagesima usque ad Pascha, ac omnibus feriis sextis, in Vigilia Sancti Patris nostri Pauli primi Eremitæ in Januario, Sancti Augustini in Augusto, & in Vigiliis Sanctorum ab Ecclesia præscriptis, nec non Quatuor temporibus per annum vescantur cibis quadragesimalibus, semel tantum in die. A Paschate usque ad Festum omnium Sanctorum inclusivè lacticiiniis, vel carnibus reficiantur, ut supra dispositum est.

3. In die quoque Litaniarum majorum, nisi incidant in diem Dominicum, vel hebdomadam Paschatis, & tribus diebus Rogationum, semel tantum reficiantur cibis quadragesimalibus, die tamen Parasceves, Vigiliis Beatissimæ Virginis, & vigilia omnium Sanctorum Fratres jejunent, nihilque coctum comedant:

dant: qui verò voluerint die Parasceves, & vigiliis Sancti Patris nostri Pauli primi Eremitæ, & Sancti Augustini in pane, & aqua jejunent. Quando porrò solemnes Festivitates, ut Natalis, & Circumcisionis Domini, & Festa Nativitatis, Purificationis, Annuntiationis, Assumptionis, Visitationis, & Conceptionis Beatæ Virginis Mariæ, Commemorationis omnium Sanctorum, Sancti Patris nostri Pauli primi Eremitæ, S. Augustini, & Ecclesiarum nostrarum &c. inciderint in ferias secundas, & ferias quartas, usus carnum concedatur.

CAPUT XXVII.

De Parsimonia ad Mensam.

1.  MNES Fratres cujuscumque statûs, & conditionis existant, in eodem Refectorio, eodem pane, cibo, & potu vescantur. Valerudinarii verò non in cella, sed in infirmaria communi reficiantur; & si quid cibi, aut potûs alicui Fratri donetur, in communi distribuatur, nec hujusmodi cibus, aut potus, uti nec alia esculenta, aut poculenta cujuscumque qualitatis aut quantitatis fuerint, alibi, quàm in communi dispensa reponantur.

2. Ferculorum qualitas, & numerus statui Religioso conveniens pro consuetudine, & qualitate Provinciarum, ac domûs possibilitate Fratribus apponatur. Diebus verò solemnibus aliquid ultrà consuetum addi poterit.

3. Ad mensam semper legatur caput unum ex Scriptura Sacra cum expositione Authorum probatorum, deinde usque ad unam mensæ aliquid ex spiritualibus, aliisque adificationis libris approbatis; In solemnitatibus autem, & festis Sanctorum aliquid de festo occurrenti, diebus verò Dominicis aliquid ex homiliis, vel sermonibus Sanctorum Patrum: vel Sermones à Fratribus junioribus ad libitum Superioris habeantur, scilicet sextis Regula Sancti Augustini, Sabbato Constitutio-

tutiones Ordinis, cum Tabula Officiorum ad prandium; vesperti autem legantur culpæ. Libri autem incorrecti ad mensam nullo modo permittantur. Si intra legendum sonus horæ audiatur, aut pulsetur ad Salutationem Angelicam consuetam, eam lector altâ voce recitabit.

4. Nullus præter Religiosos mensæ inserviat: omnes verò tam juvenes, quàm senes per hebdomadam cum omni modestia, & munditia inserviant.

5. Post benedictionem Mensæ venientes, in medio Refectorii genua flectant, nec surgant, nisi dato signo à Superiore, & post eos, qui in mensa recumbunt, sedeant.

6. Comedentibus in secunda mensa nihil detur particulare, quod in prima non fuerit: neque ullus excepto Superiore, audeat quidpiam alteri mittere, neque ulli aliquo modo propinent, stricteque in Refectorio tam in prima, quàm in secunda mensa silentium observetur, nisi Prælatus dispensaverit, quòd rarò, & ex rationabili causa erit faciendum: dicendo *ψ. Benedicite. R. Deus. ψ. Dominus sit semper nobiscum. R. Amen.*

7. Surgentes à mensa gratias agant, & ad Ecclesiam processionaliter proficiantur, dicendo Psalmum: *Miserere*, vel alium juxta Rubricas Romanas.


8. Nullus omninò extra mensam, & præcipuè post Completorium, nisi de licentia Superioris bibat.

9. Si quis in notabilem ebrietatem inciderit, sit privatus officio, & dignitate, si quam obtinet; simplex autem Frater voce activâ, & passivâ ad annum privetur. Si quis verò hoc crimen in usu habuerit, gravioris culpæ pænâ puniatur.



CAPUT XXVIII.

*De Clausura, & Cellarum abusu
tollendo.*

1.  T omnis scandalorum, & occasio vagationis tollatur, Conventus clausura perpetuò, ac diligenter fervetur, ac propterea à Superiore Janitor constituitur, qui diligentia, ac morum integritate maximè commendetur, is januæ custodiendæ semper assistat, eamque nemini fratrum aperiat, nisi socium, & licentiam exeundi obtinuerit.

2. Nullus è Conventu egredi audeat nisi ex causa, & licentia, & cum socio, singulis vicibus impetratâ, ac benedictione flexis genibus acceptâ à Superiore, qui non aliter eam concedat, nisi causâ sibi probata, sociumque exituro adjungat, non petentis rogatu, sed arbitrio suo, neque eundem sæpiùs; licentia verò generalis exeundi nulli omninò concedatur.

3. Contravenientes autem panâ gravi etiam carceris ad Superioris arbitrium plectantur, eandem etiam Janitor subeat, si sciens exeundi facultatem fecerit.

4. Cùm autem quis in Conventum revertitur, Superiorem iterum adibit benedictionem accepturus, qui à Socio, (si videbitur) itineris rationem, & quid rei actum sit, diligenter perquirat.

5. Habeat Superior clavem ita fabrefactam, ut cum sibi videbitur cellas omnes referare possit, & propterea nullus cellam noctu etiam occludat quin semper à Superiore possit aperiri.

6. Nullus, neque etiam Superior cellas sive in claustro, sive alibi separatas à communi dormitorio habeat, sed unusquisque unicâ cellâ in dormitorio sicut ceteri Fratres (nudis omninò parietibus, ac lecto, & mensâ humilibus, uniformi-
que

que suppellectili quemadmodum Religiosos decet) contentus sit: possit tamen Generalis alicui ex Superioribus Conventuum si eorum muneris, & officii necessitatem id exigere cognoverit, alteram etiam concedere.

7. Si alicui ex necessaria causa, Generalis, vel Provincialis iudicio probanda, Socius ex eodem Ordine pro servitio concedendus erit, is nisi vigesimum quintum annum agat, & qui communi servitio sit deputatus non concedatur, & si commode fieri potest, sit *Conversus*, seu *Laicus*.


8. In privatis cellis nulli camini permittantur, & si aliquis valetudinarius hypocausto concessio cum dispendio silentii, aut alterius Regularis observantiae abutetur, statim secunda vice admonitus, illo privetur.

9. Prospectus quoque cellarum vicinus ad saeculares, corrigatur.

10. Fratres pro custodibus Vinearum, vel Prædiorum, aut ubi facile labi possint, nullo modo constituentur; nec vinum conditum aromatibus in Conventibus nostris habeatur: Superiores secus facientes, vel prædicta permittentes, præter depositionem ab officio, tanquam animarum seductores in Capitulo, aut Visitatione graviter puniantur.

CAPUT XXIX.

De Vestitura Fratrum, & quæ concernunt Paupertatem.

1.  UM album habitum in signum innocentiae, & humilitatis indicium Sancti Patres nostri abrenunciantes saeculo ferre sanxerint, idè nostræ vestes ex panno albo vili tamen conficiantur. Non tamen sint sordidæ, aut immundæ, non nimis longæ, aut breves, non latæ, aut strictæ, clausæ, dissutæ, non repetitæ, non rugatæ, non scissæ, non laceratæ, non fibulatæ

bulata, ad cavillas pedum descendant unà cum mediocriter lato Scapulari: Capucia itidem ad distinctionem aliorum Religiosorum, non nimis lata, nec nimis stricta, latitudo humeros cooperiat, anterior pars medietatem pectoris, posterior cingulum non excedat. Horum usus erit in Civitatibus, in Oratorio, Refectorio, Dormitorio, Ecclesia, & Choro, cum quibus permittuntur etiam pileoli rotundi à capite parùm, aut nihil elevati; non tamen fimbriati: Cinguli sint simplices, latitudinis unius digiti. In indumentis autem nullus color præter album admittatur. In itinere verò ob pluvias, & alias aeris injurias arcendas, Fratribus liceat uti palliis nigris, pileis latis, & ocreis, servatâ tamen in omnibus religiosâ paupertate, & humilitate.

2. In hyeme, ubi usus obtinuit, & necessitas urget, possunt habere Fratres sub cappa pelliceum ex pellibus agninis, aut hædinis, quarum usus in aliis subducturis adhibeatur: Pelliceum semper contegant cappâ.

3. Ubi ob paupertatem domus, vel crebram mutationem Fratrum communis vestiaria haberi non potest, Superior nullum Fratrum habere permittat in cella præter duos habitus cum duobus scapularibus, unumque pallium album. In Civitatibus verò majoribus ubi est frequentia aliorum Religiosorum, nigris palliis longis utantur ad distinctionem aliorum.

4. Pro lectisterniis Fratres tam Prælati, quàm subditi possunt habere duos cussinos, unum ex corio, alterum ex tela. Item gausape, & substratorium, unum ex corio, alterum ex tela, fæno, vel lanâ oppletum: ubi autem asperitas frigoris urget, superaddi poterit pulvinar magnum; pro debilibus autem, & infirmis, juxta suam discretionem Superior alia necessaria provideat.

5. Porro dormiant indusio, & perizomate telæ crassioris induti, non supini, aut terga versi, sed super latera manibus circa pectus in modum crucis junctis, & quando capere non possunt somnum, eritque tempus dormiendi, jaceant oculis clausis salubria versantes in corde; nec duo in uno lecto simul quiescere præsumant, nisi ex gravi, & rationabili causâ, sub

H

pana


pæna à majoribus Superioribus intelligenda. Indusia religiosa, & modestia deferantur, ut nullo modo extremitates illorum appareant, omnia autem indumenta, & lectisternia, paupertatis religiosæ humilitatem præferant.

6. Dum quispiam Fratrum ex Monasterio uno ad aliud ex obedientia mittitur, attendant Superiores, à quibus abit, ne si minùs decenter eum expediverint, ipsi impatientiæ ansam, vel scandalum sæcularibus præbeant: unde mandamus ut cum honesta provisione dimittatur: rerum autem, quæ sibi concedentur notam à suo Superiore subscriptam, & sigillo munitam Superiori ad quem venerit pro residentia, ostendere tenebitur cum rebus sibi concessis.

7. Ad summum quolibet mense Fratres Clerici radantur, Coronæ in latitudine non excedant duos digitos; nec inter Coronam, & aures sint plusquam duo digiti. In barbis cultum more sæcularium prohibemus: mystaces sint sine caudis, & ob periculum Sacri Calicis, decentiamque religiosam sæpiùs corrigantur.

C A P U T X X X.

De Silentio.

1.  ILENTIUM stricte omnes in Ecclesia servant, & si quid necessariò dicendum sit, præcipuè cum extraneis id submissâ voce, & paucis verbis fiat, idemque in Sacristia proportionaliter observetur. In dormitorio autem ex antiqua Ordinis consuetudine à Completorio usque ad primam, quando dicitur in Choro *Benedicite*, Silentium rigorosè observent continuum, nec cuiquam loqui liceat, nisi de licentia Superioris, & si quid occurrat dicendum, id nutibus vel signis, aut scripto notificent. In Refectorio tempore refectionis prandii similiter, & cænæ, in prima, & secunda mensa, nec non tempore collationis continuò silentium continuum custodiant: nisi

nisi fortè à Superiore cum licentia dispenſetur dicto: *Benedicite*, ut ſupra: & tunc utilia, & neceſſaria ſine ſtrepitu, & ſubmiſſè loqui poterunt: pro ſilentio verò Supprior quotidie ſignum campanà clauſtri dari curabit: Manè quidem poſt Primam in Choro abſolutam, & Sacrum maturum; poſt prandium horà primà, abſolutà recreatione, & poſt Completorium, ac aſperſionem factam.

2. Præter tempus recreationis poſt prandium, & cœnam, non tamen poſt collationem Fratribus conceſſum: reliquum tempus in orationibus, lectionibus, ſtudiis, aliisque religioſis exercitiis, nullo modo in conſabulatione, aut vagatione impendatur: Otioſi à Superioribus, ſive per ſe, ſive per alios diligenter obſerventur, & in Capitulo iſtiusmodi duriùs redarguantur: unam tamen diem per hebdomadam pro honeſta recreatione Superior Religioſis permittet: citra tamen diſpenſationem à Choro.

3. Propalantes res domeſticas ſæcularibus reticendas, pœnà graviore plectantur. Revelantes verò ſecreta, ordinem diſſimulantia, excommunicatione feriuntur.

4. Nullus Religioſorum litteras ſine licentia Superioris ſcribat, neque mittat, neque recipiat, ſed eas fideliter eidem Superiori oſtendat, qui contrafecerit arbitrio Superioris, etiam graviter puniatur: qui verò frequentiùs in hoc deliquerit, pœnà quoque carceris mulctari poſſit. Liceat tamen cuilibet Religioſo ſcribere, & mittere litteras ad ſuos Superiores majores, tam intra, quàm extra Religionem, ab eiſque litteras recipere.

5. Detrahentes famæ Religioſorum, pro qualitate delicti graviter arbitrio Superiorum, etiam uſque ad pœnam carceris, & privationis vocis activæ, & paſſivæ, & loci puniantur, & Religioſi quibus huiusmodi detractores innotuerint, Superioribus eos deferre teneantur.


6. Ut quies, & tranquillitas Monafterii conſervetur, præcipimus in virtute Sanctæ obedientiæ, ut nullus Superior quacumque ex cauſa, vel prætextu intra clauſtra Monafterii potum aliquem vendere minutim permittat. Hospites non paſſim,

sim, & non nisi ex rationabili causa, & maturâ adhibitâ consideratione invitentur, ac secundum paupertatem religiosam tractentur, ita ut magis ad devotionem, quàm ad aliquam vanitatem moveantur.

7. Nullus Religiosorum extraneum ad cellam ducere præsumat sine licentia speciali, quam deliberatè debet concedere Superior, & rarò. Imò & Frater cellam alterius Fratris sine gravi necessitate ingredi non audeat, & quamdiù ibi alter præfens erit, cella non occludatur; secùs faciens arbitrio Superioris puniatur. Quodsi noctu id fecerit, graviori panâ plectatur, & qui sciens, tales non denunciaverit, pro complice habeatur, ac puniatur.

CAPUT XXXI.

De Obligationibus Ordinis sub peccato mortali.

1.  UAMVIS nostræ Constitutiones ex antiquo tenore non obligent ad culpam, sed ad panam subeundam: nihilominus, quæ sunt positæ sub formâ stricti præcepti, vel in se continent vota essentialia, transgressores sui, reos peccati mortalis efficiunt, quorum aliqua hîc placuit enumerare, & alia statuere, & declarare, quæ pro communi & particulari bono Religionis, visa sunt magis necessaria.

2. Si quis quatuor Anniversaria, de quibus parte 1. Capite 18. num. 5.

3. Si quis duodecim Missas, cum aliis additis, de quibus par. 2. cap. 12. num. 7. non absolverit.

4. Si quis ex Superioribus ex odio, seu ad malum finem Fratrem ex sua residentia mutaverit.

5. Si quis quascumque conspirationes in visitationibus, de quibus par. 3. cap. 29. num. 6. fecerit.

6. Si

6. Si quis Superior cum scandalo Conventûs non visitaverit infirmum saltem per alium Patrem.


7. Item non denunciâs Fratrem delinquentem, quem non potest aliter à peccato mortali retrahere. Item Prælatus debito modo non corrigens peccata præsertim manifesta, & iis quibus potest, non obvians.

8. Visitatores quoque non impediêtes distractionem bonorum Conventûs; Priores in suo discessu ad Capitulum, non manifestantes fideliter bona relicta, aut pecuniam Suppriori; item contemnentes cum scandalo aliorum, contenta in Regula, vel Constitutionibus, aut præcepta Superioris: denique non curantes ex contemptu solvere pœnas sibi pro negligentis assignatas.

Omnes supradiçti vinculo peccati mortalis innodantur.

CAPUT XXXII.

De moribus, & cæremoniis nostrorum Regularium.

1.  RÆTER supra posita in Constitutionibus attendere debent omnes Fratres tam Novitii, quàm Professi, Clerici, & Presbyteri, ut sint optimè disciplinati in his tribus.

Primò circa Chorum.

1. Observent locum in Choro sibi assignatum, & in eo stent, & pfallant devotè, & reverenter; attendant Superiores, quod omnes simul incipiant, & finiant officium ad nutum ipsorum Superiorum.

2. Tempore Communionis mappam sub mento applicent, & teneant ambabus manibus, receptâ hostiâ, terram non osculentur. Presbyteri autem cum patena, aut pyxide Communicantibus dent Eucharistiam.

3. Habeant Orationale, & Legibulum, nec non precariam Coronam B. V. M. ac dum non canitur, orent silenter, caven-
tes

tes ne per suspiria, aut alios actus externos; aliis distractionem faciant.

4. Libros cum strepitu non aperiunt, vel claudant.

5. Apertum semper habeant librum ante se, dum aliqua in Choro recitant.

6. Psallentes in Choro non prospiciant prætereuntes.

7. Ministrantes Altari curent, quod omnia decenter, & juxta Rubricam Missalis Romani peragantur.

8. Inclinationes tam profundas faciant, ut possint genua manibus attingere, ut ad *Gloria Patri* & ad *clausulas Orationum*, ad versum: *Benedicamus Patrem & Filium*, in Cantico trium Puerorum; ad versum: *Sit nomen Domini benedictum*, in Psalmo *Laudate pueri*. Ad versum: *Sanctum & terribile*, in Psalmo *Confitebor*.

9. Quando recitant, aut dicunt lectiones capite detecto dicant: item tempore Evangelii, & elevationis Eucharistiæ: ad *Orationem* verò, *Capitulum*, *Magnificat*, *Benedictus*, & *Nunc dimittis*, partem solummodò tonsuræ denudent: & paulò à stallis se removeant, sicut & ad *Te Deum laudamus*.

10. Dum ministrant, ad sacra nomina *Jesus*, & *Maria*, caput inclinent. Dum verò stant, similiter genua flectant ad versum: *Te ergo quaesumus*, in hymno Ambrosiano, & ad hymnum: *Ave Maris Stella*, ac in Missa: ad *Salve Sancta Parens*.

11. Evangelium stantes reverenter audiant.

12. In Thurificatione observentur Rubricæ Missalis Romani.

13. Hebdomadarii Missam Conventualem ita legant, ut verba distinctè, & clarè possint audiri: Missas autem privatas reliqui devotè pariter, & clarè recitent.

14. Candelæ in fine officiorum, ita extinguantur, ut non fumigent.

15. Semper mediocri tono cantent, dum verò cantant *Orationes*, & *Capitula*, aut *Evangelia*, Tritonum non excedant.

Secundò circa Mensam.

1. Postquam signum datum fuerit ad Refectorium, omnes ingradientur, & Sacræ Imagini, vel Cruci Refectorii caput inclinent,

nent, deinde loti stent, & maneant in silentio, donec Prælatus accesserit; quod si illo die aliqui culpam commiserint, veniam petant flexis genibus à Prælato, dicto: *Benedicite*, uti pro negligentia matutini; ita fideant, ut se invicem non impediant.

2. Licet apponantur fercula, tamen non incipiant comedere donec Prælatus signum dederit: cæterum urbanè, modestè, & cum nitore reficiantur.

3. Non effundant se super escas, sed cum timore Dei comedant de cibis apposis quantumcumque vilibus, quibus debent assuescere; nec mensas lautiores externorum captabunt, imò oblatas vitabunt.

4. Sacram lectionem attentè audiant, parati dicere fructum illius à Superiore requisiti.

5. Recogitent, quod forsan ex labore illius diei non merentur panem, quantò magis tot fercula.

6. Si quid opus habeant non voce, sed signis, & nutibus juxta consuetudinem, vel Superioris ordinationem petant.

7. Fragmenta ponant in vasculum, vel cistam, servitores mensæ absque strepitu.

8. Oculos non volvant huc atque illuc, nec considerent escas, vel portiones sedentis propè se.

9. Manutergia, seu mappulas convolvant prout viderint ab aliis, non tamen aliter nisi incipiat Prælatus.

10. Surgentes, stent ad gratias, quibus finitis, cum processione vadant ad Ecclesiam, ac socium Collateralem attendant, nec præcedant, nec postcedant.

11. Finitâ cenâ, gratiisque Deo actis possunt colloqui cum Superiore, vel cum aliis, cum quibus fuerit permissum, usque ad tempus à Superiore præscriptum.

12. In collatione similiter loca assignata teneant, & non multum commorentur in Refectorio, sed in cellam se recipiant,

13. Quando extra Refectorium contigerit eos comedere. eadem observent, & cum silentio comedant.

Tertiò circa Conversationem.


1. Si viderint, aut audièrint aliquos simul loquentes non accedant, nisi vocati.

2. Rarò

2. Rarò juniores loquantur coram senioribus.
3. Si quid minùs religiosè viderint fieri, gravi, & modesto vultu ostendant sibi id displicere.
4. Quando animi gratià loquuntur sine clamore id faciant.
5. Nunquam ad invicem altercentur, quod si quis contentiosus fuerit, mox ipsi cedant, & fileant.
6. Si cum Sæcularibus de licentia Superiorum contigerit loqui, id breviter, & religiosè faciant, & de rebus spiritualibus, & quæ ad ædificationem cedant cum eis agant.
7. Si causâ laboris, aut recreationis in hortum se contulerint, modestè, & religiosè se habeant.
8. Dum ad recreationes extra Monasteria exeunt, omnes simul eant, nec ullò sine expressâ Superioris licentia divertant.
9. Ubi Presbyteri, & Fratres Clerici, ac Laici simul habitant, non immisceant se in conversationem Fratrum Presbyteri, nec illi in horum.
10. In quo Conventu diversæ nationis Fratres sunt, in communi non loquantur, nisi linguâ latinâ, sub pœna arbitrio Superioris infligenda.

CAPUT XXXIII.

De Mortificationibus extraordinariis.

1. ORTIFICATIONES extraordinariæ tempore Adventûs Domini, & Quadragesimæ, & in ultima hebdomada ante festum Pentecostes ab omnibus Religiosis nostris assumantur de licentia Superioris. In quibus si quis negligens fuerit ipse Superior eum de illis moneat, illasque ei injungat. Idemque Superior exemplo Christi in similibus mortificationibus se exerceat, præcipuè in serviendo aliquando Fratribus in mensa. Mortificationes verò extraordinariæ erunt, prostrationes in terra, genuflectiones, manus extensæ in modum Crucis, oscula pedum Fratrum in Refectorio, delatio Crucis in Refectorio, mendicatio cibî à Fratribus, dum prædant, aut cenant.



PARS SECUNDA.

DE COMMUNI REGIMINE.

CAPUT PRIMUM.

De Capitulo Generali.

1.



APITULUM Generale singulis trienniis in vigilia Pentecostes celebretur, & juxta Bullam Martini V. in Hungaria.

2. Pro Capitulo Generali celebrando aderunt ex qualibet Provincia Pater Provincialis cum suo Collega, & Discretus Provinciæ cum suo socio, legitimè per Fratres Capitulares suæ Provinciæ electus, quibus de Viatico Provincia rationabiliter provideat.

3. Si ante ordinariam electionem sexennii Generalem mori, vel extra Ordinem promoveri, aut deponi contingat, Vicarius Generalis post mortem, promotionem, vel depositionem illius, Religionem gubernabit, usque ad proximum Capitulum Ge-

I

nera-

nerale, quod de triennio in triennium celebratur, in eoque Capitulo novi Generalis electio fiat.

4. Si Pater Generalis ob nimis diuturnum, vel habitualement morbum Religionem gubernare non possit, Vicarius Generalis regimen Religionis assumat: cessante autem morbo, Generalis ad regimen revertatur.

5. Si qui fortè Superiores vocem habentes in Capitulo Generali ob legitimum impedimentum à Definitorio approbandum, Capitulo Generali adesse non poterunt, mittant vice sui Patres idoneos, qui eorum absentiam secundum suas conscientias excusent, sigillaque eorum, si tunc necesse fuerit, dependant, habeantque locum cum aliis in Capitulo, tanquam absentium vocalium Procuratores. Qui verò propter contumaciam, aliasque futes causas se absentare præsumpserint, aut sigilla officii mittere noluerint, ipso facto, excommunicationi subiacent, nec ulla eis à Patribus præstetur obedientia post factam declarationem à Capitulo. Patres tamen discreti, aut alii vocales præter supradictos pro se substituere quemquam non poterunt, nec voci renunciare, aut suæ electioni sub pœna gravioris culpæ.

6. Omnes Capitulares tribus diebus ante diem electionis prædefinitum, qui est vigilia Pentecostes conveniant, & nullo modo antea accedere audeant sub pœna arbitrio Generalis infligenda. Capitulis autem intermediis die immediate præcedenti sufficet comparere. Hi autem tres dies ante electionem conceduntur ad inquirendam informationem, & instituendum examen de idoneitate personarum in ordine ad effectum electionis futuræ, quæ informationes debent esse puræ, & sinceræ, ab omnibusque inordinatis affectibus liberæ, quæ nullam simoniæ suspicionem pariant, & qui informationem accipit servet alteram aures aliis, & amorem proximo, ut post accuratam discussionem relatorum secundum Deum ad electionem procedatur.

7. Qui autem in informationibus, sive extra illas ambitiosè egerit, ut vel ipse, vel alius eligatur, aut etiam alicujus eligendi causâ alter excludatur, excommunicationi latæ sententiæ ipso facto subiaceat. Qui autem id sciverit, in virtute Spiritûs Sancti

cti, & obedientiæ sacrae sub præcepto formali teneatur ad Definitorium deferre, ut ille ambitiosus, si convictus fuerit, ex officio deponatur, & utrâque voce in perpetuum privetur, nisi Capitulum Generale post decem annos cum eo dispensare voluerit; scientes autem & non deferentes, si convicti fuerint voce activâ, & passivâ ad sexennium priventur, iisdemque censuris & penis afficiantur. Si ipsemet Vicarius de hoc vitio notetur, judicetur à Patre Generali cum Definitoribus; Generalis verò à Vicario, & Definitoribus, quorum sententiis omninò standum erit.


8. Patres, qui ad Capitulum convenerint, & si fuerint propter aliquod belli, aut pestis, vel aliud quodcumque legitimum impedimentum absentibus pauciores, ipsum Capitulum suo tempore, & loco possunt, ac debent celebrare, & quidquid in eo decretum fuerit, universus Ordo in omnibus servare tenebitur.

9. Venientes ad Capitulum sine licentia, per totum tempus Capituli inflictâ eis disciplinâ, detineantur in loco poenitentiae; si quis autem habeat aliquas querelas, committat eas Discreto suæ Provinciæ manu propriâ subscriptas.

10. Ante Capitulum Pater Generalis tempestivè Proviforem Capituli deputet, & cum eo, & Priore loci, ubi celebrandum est Capitulum, seriò agat de necessariis pro Capitulo. Inchoato autem Capitulo post Adventum Capitularium præscribat Missas diversas votivas per Vocales celebrandas. Item Confessarios Capituli cum facultatibus suis, excepto gravi delicto in illo itinere spe futuræ Indulgentiæ commisso, pro quo specialis debet peti facultas. Assignet in eadem Tabella Patrem aliquem Religiosum, & gravem Præfectum Capituli, qui cum socio ordinationi templi, modestiæ regulari, ac necessitatibus hospitum attendat, ac discolos denuntiet. Item Custodes Capituli, & mensæ servitores deputet, nec non Lectores, qui primo die Capituli cantent Regulam ad mensam, aliis diebus Confirmationem, & Privilegia Ordinis, ultimo die normam Patrum Priorum, & mores regulares legant.

C A P U T I I.

De Electione Patris Generalis.

1.  LECTORES, seu qui habent vocem activam in Capitulo Generali in nostro Ordine, Reverendissimus Pater Generalis, cum suo Vicario, Patres Ordinis, admodum Reverendi Patres Provinciales, vel eorumdem Ablegati, qui legitimè eorum vice mittuntur ad Capitulum; Patres Definidores Generales, P. Procurator Generalis, Secretarius Generalis, & Secretarii Provinciarum, Discreti Provinciarum, & eorum focii si mittantur à Provinciis, nec non Collega minor Patris Generalis.

2. In prædicta electione forma à Sacro Concilio Tridentino præscripta fervetur, ita ut per secreta vota fiat electio; nulliusque Electoris nomen unquam publicetur. Nec licet pro absentibus Capitularibus alios Fratres sub titulo illorum ad effectum electionis faciendæ substituere, aut vota ipsorum quoquo modo supplere, aliàs electio nulla, & irrita sit, contraque hanc formam electus, ad omnia officia inhabilis existat.

3. Ante ipsam electionem prælegantur Constitutiones de requisitis eligendorum.

4. Ab electione tam activa, quàm passiva arcetur quisque excommunicatus, suspensus, interdictus, irregularis, non professus, suspensus ab administratione Spiritualium, verbi gratiâ, Missa celebranda, Confessionibus excipiendis. Item suspensus ab executione Prælationis in Ordine; excluditur & ille, qui aliquando publicè, ac scandalosè Romanæ Ecclesiæ, aut Summo Pontifici detraxerit, qui notoriè indignum aliquando scienter elegerit. Denique qui non est bonæ famæ, id est, qui sine satisfactione, aut emendatione longi temporis de aliquo gravi vitio convictus fuerit.

5. In eligendis autem maturitas ætatis requiritur, ut sit saltem triginta annorum completorum pro officio Generalis, sin-
cera

cera probitas, scientia, agendi dexteritas. In his tamen omnibus in primis spectanda est probitas. Unde tales sunt eligendi, qui possunt, & consueverunt Regulas, & Constitutiones observare, præsertim, quæ pertinent ad servitium Chori, vestitum, ac victum communem.

6. Eligentes scienter indignum, pœnam suspensionis ipso facto incurrant.

7. Electio Patris Generalis fiat præmisso juramento, & canonicè censeatur electus, qui supra dimidiam partem suffragiorum habuerit, ita ut si Electores sint viginti, & unus. Is censeatur electus, qui undecim vota obtinuerit, nec possit electus in sequenti Capitulo Generali reeligi, nisi cum Sedis Apostolicæ dispensatione.

8. Et si Electio Patris Generalis ordinariè debeat fieri in Hungaria, propter tamen casum longioris belli, pestis, aut alius turbationis, de consensu Definitorum in alio loco aptiore celebrari poterit.

9. Procurantes in Ordine officia, vel extra Ordinem dignitates, mediis Sæcularium, aut aliorum, ipso facto incidant in excommunicationem, in qua si celebraverint, sciant se irregularitatis pœnam incurfuros.

CAPUT III.

De Capitulo Provinciali.

1.




APITULUM Provinciale celebretur de triennio in triennium loco à Patre Generali designando, ad quod Priores Conventuum cum suis Discretis convenient, & cum eis in electione Provincialis, & aliorum Officialium habeant vocem: Provincialis cum suo Vicario, Patres benè functi officio Provincialatûs: Definitorum, Secretarii, Sacræ Theologiæ Doctores, cum Professoribus actualibus, & Collega minor tam Generalis, quàm Provincialis. Porro Scriba Capituli de gremio ipsius Capituli;
aut

aut aliquis ex Conventualibus à Præsidente omnibus Capitularibus proponatur, quibus consentientibus, accipiat à Præsidente benedictionem præmissò juramento coram imagine Crucifixi de secreto servando, sub formula pro Secretariis præscripta.

2. Si Provincialis Provinciale Capitulum ob nimis diuturnum, vel habitualement morbum indicere, aut Provinciam gubernare non possit, deficiente etiam ipsius Vicario; primus Definitor Provincialis eo ipso sit Vicarius Provincialis, & regimen Provinciæ assumat; cessante autem morbo, Provincialis, aut ejus Vicarius ad Provinciæ regimen revertatur. Cætera omnia, ne eadem repetamus, præter ea, quæ sunt propria Capituli Generalis, à Capitularibus Provinciæ servanda erunt; item quæ de Capitulis Generalibus, ejus vocalibus, informationibus assumendis, & personis eligendis, infra ordinabuntur.

CAPUT IV.

De Electione Provincialis, Definitorum, & Discreti Provinciæ, ac aliorum Officialium.

I,  N Capitulo Provinciali eligantur primo loco Provincialis, secundo Vicarius, & Definidores. Tertio Discretus Provinciæ; in eoque agatur de negotiis communibus Ordinis, & Provinciæ, & quæ per majorem partem vocalium fuerint determinata, & approbata, per eundem Discretum Provinciæ ad Capitulum Generale transmittantur, à Secretario ejusdem Capituli Provincialis subscripta. Quarto denique in Capitulo Provinciali, Priores, Conventuum Suppiores, & alii officiales, de quibus infra, eligendi sunt; electiones porro Priorum, non
au-

autem reliquorum Officialium fiant per vota secreta Definitorii; & ne eadem sæpius repetantur, servari jubemus omnia præter ea, quæ sunt propria electionis Patris Generalis, dicenda infra de electione ejusdem Patris Generalis.

2. Omnes Provinciales electionis suæ confirmationem intra tres menses à Reverendissimo Patre Generali, nisi fuerit præsens electioni erunt adstricti petere, quod si quis ultra trimestre neglexerit, sciat se officio suo legitimè fungi non posse; non tamen ex officio suo deponi debet, nisi priùs à Reverendissimo licentia in scriptis obtentâ, quam si Provincia urgere neglexerit, beneficio liberæ electionis ipso facto privatur. In quo casu accedente contumaciâ tota autoritas Patris Provincialis in Vicarium ejusdem devolvatur.

3. Quod autem attinet ad reelectiones Provincialium, & aliorum Officialium, licet Pater Generalis exacto sexennio sine Sedis Apostolicæ dispensatione reeligì non possit; Provincialis tamen, & alii Officiales si benè officio functi fuerint reeligì poterunt, sed Provinciales tertio reeligì non possunt. Cum reeligitur Provincialis, Vicarii, & aliorum Officialium, novæ fiant electiones.

4. In Capitulis triennialibus, & Congregationibus intermediis, ubi de Generalis, aut Provincialium electionibus non agitur, habeatur scrutinium circa profectum, aut defectum locorum, ac personarum, circa media ad maturè obviandum succrescentibus malis, uti & circa universa, quæ aliàs tempore electionum commodè tractari non possunt. Omnia autem ea cum diligentia, & zelo, quæ regula & statuta præscribunt inibi tractanda erunt, ut absentium quoque animi fratrum piis devotæ Congregationis documentis ad bonum incitentur. Ubi cavendum maximè ne immoderati sumptus pro cibo, aut potu impendantur, sed inquantùm exigit religiosa paupertas.

5. In fine hujus Capituli erit unica Sessio, in absentia Patris Provincialis, de cujus vita fiet inquisitio, ad cujus secretum omnes tenebuntur sub pæna infra posita, contra requirentes nomina accusatorum, quæ à Vicario, & Definitoribus subscribetur.

CAPUT V.

De Electione Discretorum
Conventualium.

I.



N omnibus Conventibus nostris præviâ intima-
tione Capituli Provincialis fiat electio Discreti
Conventûs pro dicto Capitulo Provinciali, pro
qua Superior Conventûs ad minùs octo dies an-
te discessum, locum competentem Fratribus assi-
gnabit, ut cum solo respectu ad Deum, & bonum Ordinis ibi
omnia peragant, eos admonebit, publicatâ penâ gravioris culpæ
in Authores dissensionum. Insuper declarabit inhabiles pro
electione activa, aut passiva. Et quidem pro passiva præcisè ab
electione rejicientur omnes otio dediti, ordinariè silentium
frangentes, vel aliquo graviore vitio laborantes; dummodò
priùs in quinque Capitulis Hebdomadalibus fuerint per illum
annum moniti, nec emendati.

2. Sequenti ergo die Presbyteri legitime non impediti Mis-
sas celebrent, Diaconi, & Subdiaconi coronas pro bono com-
muni recitent. Tum Supprior per sonum Campanæ convocet
omnes Vocales ad locum electionis, ubi exclusis Clericis, &
illis omnibus, qui aliàs habent vocem in Capitulo Provinciali,
dictoque *Benedicite*, brevem habeat Sermonem de bono Ordi-
nis promovendo, ac idoneo, fidelique Discreto eligendo.
Post præmissò Hymno, *Veni Creator Spiritus*, qui alternatim
dicatur. *Mentes tuorum visita, Imple supernâ gratiâ, Quæ tu
creasti pectora.*

*Qui diceris Paraclytus, Altissimi donum Dei, Fons vivus,
ignis, charitas, & Spiritalis unctio.*

*Tu septiformis munere, Digitus Paternæ dexteræ, Tu ritè pro-
missum patris, Sermonem ditans guttura.*

*Accende lumen sensibus, Infunde amorem cordibus: Infirma nostri
corporis, Virtute firmans perpeti.*

Hostem

*Hostem repellas longius, Pacemque dones protinus: Ductore sic
te praeio vitemus omne noxium.*

*Per te sciamus da Patrem, noscamus atque Filium: Teque utri-
usque Spiritum credamus omni tempore.*

*Deo Patri sit gloria, O Filio, qui à mortuis surrexit, ac
Parachyto, in saeculorum saecula. R. Amen.*

V. Emitte Spiritum tuum, O creabuntur.

R. Et renovabis faciem terrae.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Deus, qui corda fidelium Sancti Spiritus illustratione do-
cuisi, da nobis in eodem Spiritu recta sapere, O de ejus
semper consolatione gaudere. Per Christum Dominum nostrum.
R. Amen.

Dicta oratione nominet cum consensu Fratrum tres Scrutatores, qui accepta benedictione, jurent tacto pectore coram Imagine Crucifixi de officio eis imposito fideliter adimplendo, & resideant in loco separato à Patribus, tum designet Scribam, qui etiam coram Christi Imagine juramentum præstabit de secreto servando, ita ut nulli aperiat, quem Electores nominaverint, vel non nominaverint, & postmodum legat requisita eligendorum Cap. 2. de electione num. 4. 5. & 6. deinde unicuique ex vocalibus tres schedulas eligendorum, quos ipse vocalis nominaverit, tradat, ex quibus unam, duabus aliis schedulis laceratis in præsencia scrutatorum, in vas præparatum ante ipsos scrutatores ponat, qui computatis vocalibus, ac chartulis suffragia data inter se conferant, & in quem pluræ vota concurrent, ille per senioremem scrutatorem pronuncietur formâ infra positâ de electione Vicarii Cap. 10. num. 1.


3. Electo Discreto Pater Supprior jubeat legi publicè officium ipsius ex Statutis Par. 3. Cap. 11. postea eum in suo loco constituat, ut suo officio fungatur.

4. Si alicui electioni , vel consultationi , Discreti temerè non interfuerint , aut secretum illius convectionis , quoad omnia dicta , & proposita non servaverint , quorumcumque sint Conventuum illius Provinciae , in Capitulo Provinciali praesenti , & si modò lateant , in futuro accusentur , ut voce activà , vel passivà priventur ad triennium .

5. Sicut Supprieores pro Discretis Conventuum , sic Vicarii Provinciarum nullo modo poterunt eligi pro Discretis Provinciarum .

C A P U T V I.

De Discessu Priorum ad Capitulum .


1.  N virtute Sanctae Obedientiae statuimus , ut quilibet Superior discedens ad Capitulum omnia victualia , & alia bona , quae distractionis incommodum facile pati valerent , teneatur cum Supprieore , Provifore , Dispensatore , & Depositorè , ubi hi commodè haberi possunt , vel saltem cum duobus Patribus senioribus , fide oculata contueri disponendo quantas expensas , & ex quibus secum ferat pro Capitulo . Insuper unum registrum pecuniae domi relictae , aliorumque victualium secum portet pro Capitulo , Successori suo si necesse fuerit offerendum ; alterum penes Supprieorem domi relinquat .

2. Discedente Priore ad Capitulum , non audeat Supprieor quidquam de rebus Ecclesiae , aut Claustris alicui donare , aut lautius Fratres solito fovere sub pœna gravioris culpae . Imò teneatur dare rationem de expensis Priori Conventus illius , qui postea advenit .

3. In virtute Sanctae Obedientiae prohibetur ne Sacrista , aut alius Pater audeat aliquam pecuniam reservare , aut congerere , ut in absentia Praelati lautius Fratres sive in communi , sive clandestinè tractentur .

CAPUT VII.

De Examine Discretorum.

1. RIMO die Capituli absolutâ primâ solito citius, Prior Generalis, vel Provincialis cantabit Missam de Spiritu Sancto, cæteri Patres celebrabunt Missas diversas votivas in Patenti conscriptas, Collectis supra currentes additis de Beata Virgine Maria, & Sancto Paulo primo Eremita, reliquis Fratribus distribuuntur horæ ad orandum pro felici successu Capituli.

2. Sacris finitis, omnes etiam non Capitulares ad locum Definitorii per sonum Campanæ congregentur à Patre Generali, vel Provinciali adhuc cum suis Definitoribus præsidente, tum Superior dicat. *In nomine Patris, & Filii, &c. Ps. Benedicite. R. Deus. Ps. Dominus sit semper vobiscum. R. Amen.* (quæ forma semper in principiis Capitulorum usurpanda) habeatque brevem sermonem ad Fratres, ut zelent augmentum publici boni per sua consilia ad vitia resecanda, abususque ex ordine tollendos, virtutum augmentum, ædificationem exterorum. Item quo ad electionem, ac institutionem Superiorum, &c. Demùm omnibus commendet strictum silentium, Orationes, ac modestiam regularem. Post dicatur Hymnus, *Veni Creator Spiritus, &c.* ut supra Cap. 5. & post versiculos ibidem appositos loco orationis, *Deus qui corda &c.* dicatur:

Oratio.

Actiones nostras quæsumus Domine, aspirando præveni, & adjuvando prosequere, ut cuncta nostra oratio, & operatio & te semper incipiat, & per te cæpta finiatur. Per Christum Dominum nostrum. *R. Amen.* Subjungantur Litiæ de omnibus Sanctis, ut supra Cap. 5. Par. 1. in quibus committantur illi tres

K ij

ver-

versiculi supra Novitium dicendi, quibus finitis post *Pater noster*, dicantur versiculi.

Y. *Protektor noster aspice Deus.*

R. *Et respice in faciem Christi tui.*

Y. *Esto nobis Domine turris fortitudinis.*

R. *A facie inimici.*

Y. *Mitte nobis Domine auxilium de Sancto.*

R. *Et de Sion tuere nos.*

Y. *Domine exaudi orationem meam.*

R. *Et clamor meus ad te veniat.*

Y. *Dominus vobiscum.*

R. *Et cum spiritu tuo.*

Oremus.

Protektor in te sperantium Deus, sine quo nihil est validum, nihil Sanctum: multiplica super nos misericordiam tuam, ut te Rectore, te Duce sic transeamus per bona temporalia, ut non amittamus aeterna. Per Christum Dominum nostrum. R. Amen.

His peractis, obitus Fratrum nostrorum, & Benefactorum in communi recitentur, & postea incontinenti legatur Psalmus:

DE Profundis clamavi ad te Domine: * Domine exaudi vocem meam.

Fiant aures tuae intendentes: * in vocem deprecationis meae.

Si iniquitates observaveris Domine: * Domine quis sustinebit?

Quia apud te propitiatio est: * & propter legem tuam sustinui te Domine.

Sustinuit anima mea in verbo eius: * speravit anima mea in Domino.

A custodia matutina usque ad noctem: speret Israel in Domino.

Quia apud Dominum misericordia: * & copiosa apud eum redemptio.

Et ipse redimet Israel: * ex omnibus iniquitatibus eius.

Requiem aeternam dona eis Domine.

Et lux perpetua luceat eis.

Pater noster.

Y. *Et ne nos inducas in tentationem.*

R. *Sed libera nos à malo.*

Y. *A porta inferi.*

R. *Erue Domine animas eorum.*

Y. Cre-

ψ. Credo videre bona Domini.

℞. In terra viventium.

ψ. Ne tradas bestiis animas confitentes tibi.

℞. Et animas pauperum tuorum ne obliviscaris in finem.

ψ. Domine exaudi orationem meam.

℞. Et clamor meus ad te veniat.

ψ. Dominus vobiscum.

℞. Et cum spiritu tuo.

Oremus.

Absolve Domine animas eorum ab omni vinculo delictorum, ut in Resurrectionis gloria inter Sanctos, & electos resuscitati respirent.

Deus veniæ largitor, & humanæ salutis amator, quæsumus immensam clementiam tuam, ut nostræ Congregationis Fratres, Propinquos, & Benefactores, qui ex hoc sæculo transierunt, Beatâ Mariâ semper Virgine intercedente, cum omnibus Sanctis tuis ad perpetuæ beatitudinis consortium pervenire concedas.

Fidelium Deus omnium Conditor, & Redemptor animabus famulorum, famularumque tuarum remissionem cunctorum tribue peccatorum, ut indulgentiam, quam semper optaverunt, piis supplicationibus consequantur. Qui vivis, & regnas in sæcula sæculorum. ℞. Amen.

ψ. Requiem æternam dona eis Domine.

℞. Et lux perpetua luceat eis.

ψ. Requiescant in pace. ℞. Amen.

3. Hic prælegantur publicè impedimenta electionis supradicta Cap. 2. num. 4. ac solo Generali, aut Provinciali cum Vicario, ac Definitoribus remanente instituat examina de idoneitate Discretorum, ac Fratrum ipsos eligentium ad exhibitionem testimonialium, quas Discreti exhibere à Supprioribus, ac Fratribus tenebuntur, & ad relationem suorum Priorum, ac Provincialium; vicissimque fiat examen Priorum per relationem Discretorum, solum quoad illum actum eligendi, vel tractandi de bono communi. Aliud enim examen debet institui de administratione, & regimine Claustrum, ut suo loco patebit. Hoc quoque post advocatam communitatem examen subeat Vicarius, ac
Defi-


Definitores singillatim ex Definitorio exeuntes; ad relationem duorum Discretorum seniorum, quibus inferiores Discreti, ac communitas Fratrum, si aliquas rationabiles instantias in ipsos, aut alios Capitulares habeant, concedere debent.

4. Quod si aliqui ob defectus suos admitti ad actus Capitulares non poterunt, contra ipsos forma suspensionis à Capitulo, peracto examine P. Generalis, aut Provincialis, à Præsidente antequam procedatur ad tractanda negotia Ordinis, vel ad electionem, si quæ tunc erit necessaria, in præsentia omnium proferatur. *No- verint Paternitates Vestræ Fratrem N.N. ad vocem activam, Fratrem N.N. passivam. Fratrem autem N.N. ad utramque esse judicatum inhabilem à Definitorio ob impedimentum, & defectus certos sufficienter illi coram judicio nostro probatos.* Isti autem defectus debent esse tales, qui vel de jure communi, vel particulari nostro hujusmodi pœnam mereantur, contra quos Fratres si facti enormitas requireret præter hanc suspensionem, alias pœnas in aliud tempus Capitulum reservet.

5. Quando autem aliquem ex Discretis in via mori, vel ob canonicum impedimentum repudiari à Definitorio contigerit. In tali casu Definitorium articulos illius Conventûs ab illo accipiet, & uni idoneo, ac discreto Presbytero illius Congregationis Capitularis demandabit.

CAPUT VIII.

De Examine Patris Generalis, aut Provincialis.

1.  Is, ut præmissum est, ritè peractis (si tempus patiat, aliàs die sequenti post cantatum à Vicario Sacrum de Beata Virgine) Prior Generalis, vel Provincialis, si in illo Capitulo ejus officium expiret, cum regeſtis dati, & accepti, ac cum depositione sigilli, Prælationem suam coram Vicario, aut Definitorio-

nitoribus , ac Provincialibus , totaque Communitate in hæc verba resignet.

Reverende Pater . In manibus vestris resigno , & depono officium Generalatûs , vel Provincialatûs , quod mihi sacer Ordo , vel Provincia contulit , & simul me reddo culpabilem de negligentis commissis , statimque exeat sociatus duobus Definitoribus , ac Prioribus .

2. In ejus absentia perlegantur publicè sequentia puncta. Excessus negligentiarum pro quibus debet reprehendi , & puniri Pater Generalis , vel Provincialis , hi sunt : si Dei timore postposito inordinate , & irreligiosè vivendo , Constitutiones , aut laudabiles ordinationes Religionis , quasi eas contemnendo non servaverit , nec eas per Ordinem , aut Provinciam fecerit observari . Aut in Ordine , aut Provincia aliqua Ordinis , schismata , aut discordias nutriêrit ; aut conspirationes fecerit , vel per se , vel per alium arte , vel ingenio operatus fuerit , ut ad Generalatûs , vel Provincialatûs officium assumeretur , vel etiam probatos , & manifestos excessus Fratrum secundum Ordinis Instituta non correxerit , vel fortè si aliquem , quasi publicâ infamiâ laborantem in Priorem Conventualem ex certa scientia præfecerit ; vel si munera alicujus momenti , vel considerabilis pretii , præter esculenta , & poculenta moderata ab aliquo Priore , Fratre , aut Conventu aliquo nostri Ordinis per se , vel interpositam personam receperit , vel recipi fecerit ; vel inter Fratres nostros , aut Sæculares publicâ hujusmodi vitii laboret infamiâ , vel de frequentia alicujus inhonesti loci , seu familiaritate inhonestæ personæ apud Fratres , aut Sæculares , vel de crimine cujuscumque carnalis vitii Canonicè fuerit convictus .

3. Egressis omnibus Præsidents cum Definitorio à singulis vocalibus , singillatim inquirat de vita , & administratione officii sui , ut quisque juxta conscientiæ puritatem pro informatione dicat , si quid habuerit contra Generalem , vel Provincialem , aliàs ipsius denunciatio post non audietur , quin graviter punietur .

4. Factâ inquisitione , discussâque veritate , Prior Generalis , vel Provincialis in medium Fratrum revocetur , ac det ratio-


tionem administrationis suæ, & si illius mores probati fuerint commendetur eique gratiæ agantur, ut Successores ad labores perferendos animentur. Quod si aliquid reprehensione dignum cernatur, tunc Præses pro sua prudentia, vel publicè, vel privatim ipsi ex consilio Definitorum objiciat. Defectibus autem ipsum condemnantibus, qui supportari nequeant, majore parte Definitorii concludente, ipsum privatione vocis, vel activæ, vel passivæ, vel utriusque servatâ formâ de Discretis afficiat, in reliquo pænas autem nullas illi tunc imponat, sed futuro Generali, vel Provinciali pro ratione demeritorum reservet.

5. In decessu autem Patris Generalis, vel Provincialis ante Capitulum, examini eidem Vicarius Generalis, vel Provincialis in Definitorio subjacebit, qui si vocis privationem mereatur, denunciatur à primo Definitor, qui in illo casu, vel etiam alter præsidebit ad electionem novi Generalis, vel Provincialis.

6. Antequam Capitulares ad electionem accedant publicâ voce ab omnibus Præsidens inquirat sub forma mandati de ambientibus, aut factiones circa electionem struentibus, talesque ut supra dictum est Cap. 1. num. 7. puniat; eadem pariformiter servantur in Capitulo Provinciali, in eligendo novo Provinciali.

CAPUT IX.

De Modo Electionis Generalis, aut Provincialis.

1. UBLATIS omnibus impedimentis ipsam electionem concernentibus, ipsisque vocalibus in regestrum redactis, post trinum sonum Campanæ ad locum deputatum pro electione conveniant, ubi ponatur mensa ad latus Altaris Evangelii cum vase (quod tamen non sit calix sacer) aliisque pro suffragiorum receptione, & computatione requisitis. Tum Pater Vicarius, vel alter

alter Præsidens habebit ad electores sermonem, sive per se, sive per alium idoneum Patrem de eligendo digniori Superiore, deinde præmittatur Hymnus: *Veni Creator Spiritus* &c. ut supra Cap. 5. quo finito dicatur Psalmus. *Qui regis Israel, intende:* * & recitetur alternatim: *Qui deducis velut ovem Joseph.*

Qui sedes super Cherubim, * *manifestare coram Ephraim, Benjamin, & Manasse.*

Excita potentiam tuam, * *& veni, ut salvos facias nos.*

Deus converte nos: * *& ostende faciem tuam, & salvi erimus.*

Domine Deus virtutum, * *quousque irasceris super orationem servi tui?*

Cibabis nos pane lachrymarum: * *& potum dabis nobis in lachrymis in mensura.*

Posuisti nos in contradictionem vicinis nostris: * *& inimici nostri subsannaverunt nos.*

Deus virtutum converte nos: * *& ostende faciem tuam, & salvi erimus.*

Vineam de Ægypto transtulisti: * *ejecisti gentes, & plantasti eam.*

Dux itineris fuisti in conspectu ejus: * *plantasti radices ejus, & implevit terram.*

Operuit montes umbra ejus: * *& arbuscula ejus cedros Dei.*

Extendit palmites suos usque ad mare: * *& usque ad flumen propaggines ejus.*

Ut quid destruxisti maceriam ejus: * *& vindemiant eam omnes, qui prætergrediuntur viam?*

Exterminavit eam Aper de Silva: * *& singularis ferus depastus est eam.*

Deus virtutum converterte: * *respice de Cælo, & vide, & visita vineam istam.*

Et perfice eam, quam plantavit dextera tua: * *& super filium hominis, quem confirmasti tibi.*

Incensa igni, & suffosa: * *ab increpatione vultus tui peribunt.*

Fiat manus tua super virum dextera tua: * *& super filium hominis, quem confirmasti tibi.*

Et non discedimus à te vivificabis nos: * *& nomen tuum invocabimus.*

Domine Deus virtutum converte nos: * *& ostende faciem tuam, & salvi erimus. Gloria Patri* &c. *Sicut erat* &c.

Deinde subjungatur Hymnus.

Ave Maris Stella, Dei Mater alma, atque semper Virgo,
felix Cæli porta.

Sumens illud ave Gabrielis ore, funda nos in pace, mutans Hæc
nomen.

Solve vincla reis, profer lumen cæcis, mala nostra pelle, bona cun-
cta posce.

Monstra te esse Matrem, sumat per te preces, qui pro nobis natus,
tulit esse tuus.

Virgo singularis, inter omnes mitis, nos culpis solutos, mites fac,
O castos.

Vitam presta puram, iter para tutum, ut videntes Jesum, sem-
per collætemur.

Sit laus Deo Patri, Summo Christo decus, Spiritui Sancto, tri-
bus honor unus.

Quo finito dicat Præsidens: Kyrie eleison. R. Christe eleison.
Kyrie eleison.

Pater noster.

Ps. Et ne nos inducas in tentationem.

R. Sed libera nos à malo.

Ps. Domine exaudi orationem meam.

R. Et clamor meus ad te veniat.

Ps. Dominus vobiscum.

R. Et cum spiritu tuo.

Oremus.

Deus, qui corda fidelium Sancti Spiritus illustratione docuisti:
da nobis in eodem Spiritu recta sapere, O de ejus semper con-
solatione gaudere.

Actiones nostras quæsumus Domine aspirando præveni, O ad-
juvando prosequere, ut cuncta nostra oratio, O operatio à te
semper incipiat, O per te capta finiatur.

Famulorum tuorum quæsumus Domine delictis ignosce, ut qui
tibi placere de actibus nostris non valemus, Genitricis filii tui
Domini nostri intercessione salvemur. Per eundem Christum Do-
minum nostrum. R. Amen.

Tum

2. Tum publicè pronuncientur vocales examinati, & admiffi ad electionem, quibus, reliquis omnibus exclusis Præfidentis legat fequentia verba: *In virtute Spiritus Sancti, & obedientia sanctæ cum præcepto formali, & expresse mandamus, & precipimus, ut omnes Fratres, qui ad ipsam electionem accedunt Deum præ oculis habeant, nec eorum aliquis per inductiones, vel rogatum alterius cujuscvis, vel pretii dationem, vel promissionem, seu minarum impositionem, aut proprii commodi consecutionem eligendum nominet, aliàs ipso facto excommunicationem incurrat; sed secundum quod Spiritus Sanctus unicuique inspiraverit seclusis omnibus affectibus humanis, ac quibuscumque inordinatis respectibus eligat eum, quem senserit in Domino dignum, & idoneum ad hoc onus perferendum, qui per exempla bonæ vitæ trahat subditos ad bonum, sciatque, & velit salutem gregis sibi commissi inservire. Absentes autem à præfenti Capitulo Provinciales, vel alii voce gaudentes ex contumacia, nec pro se Procuratores mittentes ipso facto excommunicationem latæ sententiæ incurrant, quam trinâ Canonica monitione præmissa præfenti Constitutione ex nunc prout ex tunc licet inviti in ipsos ferimus.*

3. Hiscè præmissis Præfidentis, proponat tres ex diversis Provinciis scrutatores pro electione Patris Generalis, qui egrediantur ex Capitulo proponendi postea, ut approbentur à majori parte Capitularium. Approbati autem jurent singillatim publicè coram Imagine Crucifixi in hunc modum: *Ego Frater N. juro coram Deo, quod summam fidem, ac veritatem in discussione, & collatione votorum servabo, sic me Deus adjuvet, & hæc sancta Passio; Deinde eos confirmet Præfidentis in hæc verba: Et ego Præfidentis præfentis Capituli, auctoritate quâ fungor confirmo vos in scrutatores electionis de novo Generali, vel Provinciali, in præfenti Capitulo eligendo. In Nomine Patris, & Filii, & Spiritus Sancti. R. Amen.*

4. His super addatur Scriba, qui toti Capitulo proponatur si placuerit, deinde juret de servando secreto sub formula pro Secretariis præscripta, & acceptâ benedictione primus mensæ assideat, ac unicuique Capitularium tres eligendos, quos ipse Capitularis voluerit in superficie trium chartularum

complicatarum scribat, quas sibi tempestivè Electores in Cellis præparabunt.

5. Recedente Scribâ primò ipsi Scrutatores aliis duabus chartulis laceratis, unam nomen eligendi continentem, qui sibi dignior videbitur, in vas præparatum immittant, præmisso juramento, cujus forma in charta descripta præsto sit in hunc modum: *Ego Frater N. eligo in Patrem Generalem, vel Provincialem, quem mihi conscientia dictat magis idoneum, & sufficientem, sic me Deus adjuvet, & hæc Sancta Passio.* Cæteri subsequantur vocati ex Cathalogo à seniore Scrutatore.

6. Quod si aliquis vocalium præ infirmitate ad locum electionis venire non possit, adeat illum Scriba cum Scrutatoribus, qui votum suum modo præscripto in urnam mittat.

7. Deinde videant Scrutatores, an numerus votorum superet numerum eligentium, aliàs omnia vota comburantur, & nova electio fiat habito respectu ad factum juramentum.

8. Post diligentem collationem votorum is in Priorem Generalem, vel Provincialem promulgetur, in quem major pars supra dimidium Capitularium convenit, formæque infra positæ per primum Scrutatorem pronuncietur, prius omnibus chartulis publicè combustis.

9. Si verò vota in diversas personas distraherentur, ita ut in nullum major pars Capituli conveniat, electio semel, & iterum repetatur, quod si etiam tunc nullus habeat majorem partem suffragiorum, tunc primi duo habentes plura suffragia, per primum Scrutatorem promulgentur alta voce: *Hi sunt Reverendi Patres, duo, in quos ex vocalibus plures consenserunt, scilicet Reverendus Pater N. N. & Reverendus Pater N. N. ex his duobus potestis unum eligere in Generalem totius Ordinis, vel Provincialem hujus Provinciæ.* Unde præmisso Psalmo. *Qui regis Israel intende* &c. ut supra. Scriba iterum mensæ allideat, illosque pronunciatos in duabus chartulis singulis Capitularibus (exceptis illis duobus, ac in loco separato expectantibus) conscribat, ex quibus Capitulares unam in vas, habito respectu ad præmissum juramentum immittant, alterâ laceratâ, demum votis computatis: Is pro electo

electo promulgetur, in quem major pars suffragiorum convenerit.

10. Si autem paria habuerint vota, Senior professione censeatur electus Generalis, vel Provincialis, alter autem erit Vicarius, nec erit procedendum ad electionem Vicarii.

11. Forma pronunciationis electi Generalis, vel Provincialis. *Ego Frater N. N. invocata Spiritus Sancti gratia facto scrutinio ex plena collatione inter nos habita invenimus maiorem partem Capituli nostri consensisse, & consentire in Fratrem N. N. de tali loco, ideò vice meà, & omnium vestrum, ac potestate per vos mihi concessa ipsum Fratrem N. N. de tali loco eligo, & electum pronuncio in Priorem nostrum Generalem, vel Provincialem. Et postquam sic canonicè electus & pronunciatu fuerit, Te Deum laudamus, ut supra Cap. 24. ab omnibus cantetur, post dicat Præfident.*

ψ. Emitte Spiritum tuum, & creabuntur.

℞. Et renovabis faciem terræ.

ψ. Domine exaudi orationem meam.

℞. Et clamor meus ad te veniat.

ψ. Dominus vobiscum.

℞. Et cum spiritu tuo.

Oremus.

Deus, qui corda fidelium Sancti Spiritus illustratione docuisti, da nobis in eodem Spiritu recta sapere, & de ejus semper consolatione gaudere.

Concede nos famulos tuos, quæsumus Domine Deus perpetuam mentis, & corporis sanitate gaudere: & Gloriosam Beatæ Mariæ semper Virginis intercessionem, à præsentis liberari tristitia, & æterna perfrui lætitiâ. Per Christum Dominum nostrum.


℞. Amen.

12. Tum electum cum Patribus in sellam deducat, ac legi publicè faciat præminentiam, & officium illius, datoque libro Constitutionum cum Regula, ac sigillis, reverentiam faciat, postea omnes Patres, ac Fratres etiam Conversi eidem præstent flexis genibus, cum osculo manûs, Sanctam obedientiam.

13. Generalis præfato modo electus curam omnium animarum Fratrum totius Ordinis plenè habet, & liberè gerit, habetque potestatem transferendi Fratres de Provincia in Provinciam, de loco in locum habitâ si opus fuerit, informatione ab aliis Superioribus, & cunctos auctoritate propriâ ligare potest, & absolvere, prout à Sede Apostolica Generalibus Ordinis est concessum, ut patet in Bullis Ordinis; eadem similiter observentur in Provinciali Capitulo, quo ad Provincialem.

CAPUT X.

De Electione Vice Generalis, Vice Provincialis, Definitorum, & Collegæ, seu Secretarii.


- I.  LECTIO Vicarii Generalis, vel Provincialis, fiet Præsidente novo Generali, ab iisdem Capitularibus, modo, quo supra; præterquam quod locò formalis juramenti Electores tangent manu pectus coram Imagine Crucifixi flectentes genua (quod etiam fieri poterit in loco capitulari) & quod pro electione Definitorum octo eligendi scribentur, electus Vicarius per plura vota hac formâ pronuntiabitur. *Ego Frater N. N. invocata Sancti Spiritus gratiâ, quia factò scrutinio ex plena collatione inter nos habita invenimus plura vota nostri Capituli convenisse in Fratrem N. N. de tali loco, idèd vice meâ, & omnium vestrum, ac potestate per vos mihi concessa ipsum Fratrem N. N. de tali loco eligo, & electum pronuncio in Vicarium Generalem, vel Provincialem; electo Vicario legatur ejus officium, ex Constitutionibus, qui juramentum emittat super Evangelia in hæc verba: Ego Frater N. N. juro me servaturum justitiam, & secretum in negotiis Ordinis nostri. Sic me Deus adjuvet, & hæc Sancta Evangelia.* Post confirmetur per Præ-

Præsidentem taliter. *Ego Frater N. N. Prior Generalis auctoritate nostri Ordinis: (vel si fuerit delegatus in Capitulo Provinciali dicat:) auctoritate à Reverendissimo Patre Generali pro hoc actu specialiter mihi delegata, quâ hac in parte fungor, confirmo te in Vicarium Generalem totius Ordinis nostri, vel Vicarium Provinciale hujus Provinciae. In nomine Patris, & Filii, & Spiritûs Sancti &c.*

2. Idem modus pronunciationis, juramenti, & confirmationis, servabitur, quoad Definidores post prælectum ipsis officium; in locum Definitoris absentis, alter per Definitorium substituitur pro illo actu, si proximus accedens non adfuerit; in paritate votorum senior professione præferendus. Electio Collegæ, seu Secretarii Generalis, aut Provincialis, ab ipso met dependet Generali, aut Provinciali, cum consensu Definitorum, aliorumque Capitularium, qui juramentum, prius auditâ informatione sui officii, præstabit super Evangelia in hæc verba: *Ego Frater N. N. juro quod secundum conscientiam secretum servabo eorum, quæ audivero in Definitorio, vel Visitationibus, sic me Deus adjuvet, & hæc Sancta Evangelia.*

CAPUT XI.

*De Agendis in Definitorio Generali,
vel Provinciali.*

- I. BSOLUTA electione Prioris Generalis, Vicarii Generalis, & Definitorum Generalium, advocandi sunt in primis Patres Provinciales singillatim, ut reddant rationem de profectu, vel defectu Provinciarum, & contra abusus irrepentes in Ordinem, quibus ipsi obviare nequeunt, consilium requirant; Postea audiantur Discreti Provinciarum cum postulatis, ac articulis pro bono communi proponendis. Cum prædictis venerabile Definitorium de propositis eorum singillatim conferet,

feret, auditisque eorum rationibus post præmissam in secreto seriam deliberationem, ad requisita eorum, dabit Provinciis responsa in patenti obliqnata sigillo Patris Generalis, ac subscriptionibus Patrum Ordinis, Vicarii, & Definitorum, simulque litteras mittet responsorias ad litteras Vicariorum, ac Definitorum Provincialium; Causis autem vel negotiis privatis Provinciarum, Generalis non se immisceat, nisi pro meliore informatione capienda.

2. Hic summopere cavendum erit, ne novæ Constitutiones sine urgente causâ multiplicentur, sed ex regula, & antiquis Constitutionibus desumantur ea, per quæ causæ defectuum irrepentium ceterum per media opportuna tollantur, & pro debita observantia subministrentur.

3. Deinde ad examen Priorum legat Secretarius coram omnibus Capitularibus sequentia. *Excessus negligentiarum, pro quibus aliquis Priorum reprehendi, puniri, vel absolvi, seu ab officio suo deponi debeat respectivè secundum iudicium, & sententiam Definitorii sunt isti.* Si Infirmos sui Conventus per se, vel per Fratres suos idoneos visitare notabiliter neglexerit, vel si eis necessaria sufficientia per Fratrem sibi ad ministerium deputatum, ministrari non fecerit, vel si eos frequenter per se, vel per discretum Fratrem suum Presbyterum ad confessionem faciendam non admonuerit, seu exhortatus non fuerit, aut Sacramenta Ecclesiastica cum magna diligentia, ac studio administrare, vel administrari facere non curaverit; si ad Matutinum ex consuetudine rarò surgit; si ad Capitulum faciendum rarus. Si mercantiis, aut quæstibus illicitis, vel propriis intendit. Si rarò celebrat non habens aliquod canonicum impedimentum. Si Fratribus ex consuetudine minatur, & verba eis opprobriosa, & contumeliosa dicit. Si de nocte colloquiis inutilibus ex consuetudine vacat. Si probabiliter etiam invenitur, quod per se, vel per alium procuret, ut ad officium alicujus Prioratus eligatur, vel ut in eodem per longiora tempora permanere possit: si probabiliter invenitur, quod alicui habenti vocem in aliqua electione suaserit prece, vel pretio, aliquo pacto, vel promissione, ut vocem suam huic, vel illi det. Nam in
hoc

hoc delinquentes, ultra pœnam privationis vocis activæ, & passivæ, sint ad officia, & ad dignitates prædictas, ineligibleibiles; vel si pro illius confirmatione litteræ fuerint scriptæ ab extraneis etiam quacumque dignitate fulgentibus, vel non recipiantur, vel si id fieri nequeat ob personæ scribebat excellentiam, receptæ non aperiuntur, nisi finitis Capitulis sive Conventualibus, sive Provincialibus, aut Generalibus; & qui aliunde pro certo sciunt pro aliquo Religioso similia officia fuisse facta, vel scriptas litteras ad effectus prædictos, eundem Religiosum eligere non possint. Si inter Sæculares est infamis, & hoc per Fratres bonæ conscientiæ, & vitæ laudabilis saltem per duos probari possit. Si communem vitam in Conventu suo in cibo, & potu non servaverit. Si bona Novitii nondum professi exposuerit, vel vendiderit. Si subditum suum de manifesto excessu secundum Ordinis Instituta non correxerit. Excessum autem manifestum intelligimus; notoriam quancumque transgressionem Regulæ, aut Constitutionum nostri Ordinis, per quam Fratres, aut sæculares scandalizari possint.

4. His lectis omnes Priores resignent flexis genibus officia sua in manibus Generalis, vel alterius Præsidentis, ac depositis sigillis omnes egrediantur, remanente primo Discreto, qui de vita, & moribus sui Prioris, ac observantiâ regulari per ipsum promota, vel neglecta det fidelem informationem Definitorio, & prætereà testimoniales litteras exhibeat illius communitatis subscriptas à Suppore, ac tribus, vel duobus Patribus, & oclusas datas ad Definitorium de administratione Prioris in temporalibus, & spiritualibus, tum postulata Fratrum rationabilia, querelas, & articulos commune bonum spectantes deponat, simulque litteras, Fratrum, aut sæcularium ad Definitorium missas.

5. His trutinatis advocetur Prior, ut sincerè informet Patrem Generalem, vel Provinciale de vita, & qualitatibus Fratrum (quem Discretus præstolabitur ante Definitorium) præsentetque regesta dati, & accepti, ac præsentis depositi, tam in pecunia, quàm aliis Claustri, & Templi proventibus,

ac cum hiscè, cum Discreto suo remittatur ad reddendam rationem coram Patribus Calculatoribus.

6. Ad quam exigendam tres Patres fideles, & industrii ex claustralibus, vel vocalibus deputentur à Definitorio, qui de computatione facta per Discretum mittent in scriptis instructionem Definitorio. Idem examen, & tractatus cum reliquis Prioribus ordine suo instaurabitur.

7. Censurâ peractâ, vocentur omnes singillatim Patres Priores ad deposita contra se responsuri, ac de dati, & accepti (si necesse fuerit) rationibus in præsentia Discretorum suorum examinandi, demùm pro meritis, vel demeritis iusta ex sententia Definitorii reportent. In demeritis autem ubi enormitas delicti exiget, non tantùm depositio ex officio, sed etiam carceris, aut alia pœna inferatur.

8. Postulata autem Discretorum, aliaque negotia Ordinis, aut sæcularium, quæ extra Capitulum expediri nequeunt, præsentibus adhuc vocalibus tractentur, & si totam Provinciam afficiant, præsentibus etiam ipsis Prioribus trutinentur, quorum determinatio ad plura suffragia Definitorii, in absentia illorum facienda est, cui omninò standum erit.

9. Confectis negotiis omnibus Capituli, eligantur à Venerabili Definitorio per vota secreta Priores Conventuum; Supplices autem, examinatores pro instituendis Confessariis, & pro mittendis ad ordines sacros, Novitiorum Magistri, Professores studiorum, Prædicatores, Depositores, Provisores, & Dispensatores, ubi commodè hi tres haberi possunt: à Præsidente cum majoris partis Definitorii consensu instituantur. Alii autem minores officiales utpote Confessarii Patres, Rectores Chori, Sacristæ, Bibliothecarii, & alii ab ipsis Superioribus localibus designentur.

10. In Capitulo Generali Pater Generalis cum assensu majoris saltem partis Definitorii designet sex Patres ex gravioribus Religionis, prout habet Decretum Sacræ Congregationis Concilii felicitis recordationis Urbani Papæ VIII. jussu Anno 1624. die 21. Septembris editum. De quorum consilio, & assensu


Pa-

Pater Generalis, incorrigibiles ex Religione ejiciat, modo ibidem præscripto.

11. Omnes autem isti tractatus fiant in timore Dei sine ullis jurgiis, aut dissensionibus, quæ si exorta fuerint, statim per Definitorium sopiantur, contra authores earum rigorosè animadvertatur. Sopiantur autem simpliciter, sine Juris solemnitatibus, quas Ordo noster non admittit; imò Prælatus potest partes, per excommunicationem compellere ad concordiam, ad quam ex regula tenentur. Eadem servatâ proportionem, fiant in Capitulo Provinciali.

CAPUT XII.

De Conclusionem Capituli Generalis, vel Provincialis.

1.  NTEQUAM Capitulum dissolvatur, Prior Generalis, vel alius Præsidens, iterum quærat de ambitiosis, ac pœnam ut supra exequatur. Post habebit sermonem ad omnes, etiam non Capitulares, de disciplina Monastica, ac præcipue de ædificatione, ut per exempla vitæ probatæ Fratrum, ad Ordinem pio affectu trahantur.

2. Si quid autem fuerit statutum, pro faciliiori Constitutionum, aut Regulæ observantia, in præsentia omnium legat Secretarius.

3. Pœnas etiam condemnatorum, vel absolutionem pœnitentiâ functorum declaret.

4. Pronuncietur statutum contra revelantes secreta Ordinis, aut contra Inquisitores suorum accusatorum, cujus tenor sequitur. *In virtute Sanctæ Obedientiæ præcipimus firmiter observari, ne quis secretum Capituli, seu Domus nostræ per se, vel per alium verbo, aut scripto, seu quovis alio modo foris audeat extraneis aliquibus revelare; Si quis autem ex delibe-*

ratione secus fecerit, ipso facto sit excommunicatus. Secretum autem Capituli, seu domus nostræ dicimus omne id, unde Ordo noster, aut domus aliqua diffamari, vel turbari possit. Extraneos autem intelligimus omnes, quotquot non sunt nostræ professionis, cujuscumque statûs, conditionis, vel dignitatis existant.

5. Et quia nonnullos Fratrum nostrorum tam imbecilles, impatientesque cognovimus, ad sufferendas correctiones, ex justis etiam accusationibus, per Visitatores, aut ipsorum Superiores immediatos imponendas, idcirco sub eadem excommunicationis pœna contra revelantes secreta, decernimus, ut non solum extraneos, vel à nostra professione alienis: verum etiam Fratribus nostræ professionis, in quorum absentia accusationes fiunt, vel etiam correctiones, imò nec Fratribus ejusdem Domûs, Prælati, nec Subditi Prælatis ipsorum, nec Subditi sibi invicem, seu mutuo hujusmodi accusationes indicare, seu manifestare, aut quovis modo prodere præsumant.

6. Hic etiam cæsus reservati juxta Constitutionem Clementis VIII. à Patre Generali, vel Præsidente promulgabuntur.

7. Legantur deinde nomina insigniorum Benefactorum Ordinis illius anni. Pro quibus sequens Statutum inculcetur. *In virtute Sanctæ Obedientiæ præcipimus firmiter observandum, quatenus pro Sanctissimo Patre Domino nostro N. Apostolico principaliter, postea pro Eminentissimis Cardinalibus, & per consequens pro omnibus Patriarchis, Archiepiscopis, Episcopis, Diæcesanis, & eorum Suffraganeis. Item pro universis Religiosis omnium Ordinum in unitate Sanctæ Romanæ Ecclesiæ existentium. Pro Domino nostro Rege Promotore, & Zelatore Ordinis nostri, & pro Regina Consorte ejusdem ac Liberis; pro Imperatore, Ducibus, Principibus, Comitibus, Baronibus, & pro Patronis omnium domorum nostrarum, eandem Romanæ Ecclesiæ unitatem zelantibus, quilibet Frater noster Presbyter, per Ordinem nostrum singulis annis sex Missas, tres de Sanctissima Trinitate, tres de Beata Maria Virgine cum Collectis consuetis. Item pro omnibus Benefactoribus, & Confratribus ejusdem Ordinis nostri vivis, tres Missas pro peccatis cum Collectis congruentibus. Item alias tres*
Mis-

Missas pro universis Confratribus, & Benefactoribus Ordinis nostri defunctis celebrare velint. Fratres verò Clerici pro qualibet Missa legant vigintiquinque Psalmos, Fratres verò Laici centum Pater noster, & Ave Maria &c. recitare teneantur.

8. Recenseantur quoque nomina omnium Fratrum, ab ultimo Capitulo defunctorum, ut pro quolibet Fratre, in sua Provincia mortuo, tres Missas Presbyteri, pro aliarum autem Provinciarum Fratribus defunctis unam, Clerici pro qualibet Missa viginti quinque Psalmos, Conversi centum Pater noster, & Ave Maria &c. absolvant.

9. Denique legatur tabula novorum Officialium, & Fratrum ad Conventus alios mittendorum, statimque cantetur Antiphona. *Ite in Orbem universum prædicate Evangelium omni creaturæ. Qui crediderit, & baptizatus fuerit, salvus erit: Gloria Patri &c. Qui crediderit &c.* Post dicantur versus sequentes.

Ps. Vias tuas, Domine, demonstra eis.

R. Et semitas tuas edoce eos.

Ps. Salvos fac servos tuos.

R. Deus meus sperantes in te.

Ps. Mitte eis, Domine, auxilium de sancto.

R. Et de Sion tuere eos.

Ps. Domine exaudi orationem meam.

R. Et clamor meus ad te veniat.

Ps. Dominus vobiscum.

R. Et cum spiritu tuo.

Oremus.

Adsit nobis, quæsumus Domine, virtus Spiritus Sancti, quæ & corda nostra clementer expurget, & ab omnibus tueatur adversis; Protector in te sperantium Deus, sine quo nihil est validum, nihil sanctum, multiplica super nos misericordiam tuam, ut te Rectore, te Duce, sic transeamus per bona temporalia, ut non amittamus æterna, & nos indignos famulos tuos ab omni adversitate custodi. Per Christum Dominum nostrum. *R. Amen.*

Post

10. Post subjungat Pater Generalis, vel alter Præsicens: *Adjutorium nostrum in nomine Domini* &c. Deinde omnes dicant: *Confiteor* &c. Subjungat Superior: *Misereatur* &c. *Indulgentiam* &c. *Benedictio Dei Omnipotentis Patris, & Filii, & Spiritus Sancti descendat super vos, & maneat semper.* R. *Amen.* Deinde fit absolutio Generalis sub forma sequenti.

Si tenemini aliquo vinculo, aut vinculis excommunicationis, suspensionis, aut interdicti, in quantum se extendunt gratiæ, & Privilegia Ordini nostro indulta, & mihi à Sede Apostolica commissa, & vobis concessa; Ego absolvo, & restituo vos Sacrosanctis Sacramentis Ecclesiæ, communioni, & unitati fidelium. In nomine Patris, & Filii, & Spiritus Sancti. Amen.


Item eadem auctoritate Ego dispenseo vobiscum super irregularitate, vel irregularitatibus, si quam, vel si quas incurristis, & habilito vos executioni Ordinum Sacrorum. Item eadem auctoritate absolvo vos ab omni transgressione Regulæ, & Constitutionum, & Ordinationum Prædecessorum nostrorum: & ab omni penitentia oblita, vel neglecta: & ab omnibus aliis defectibus, à quibus solet in consimilibus actibus absolutio fieri: ut sitis absoluti, hic, & ante tribunal Domini nostri Jesu Christi, habeatisque vitam æternam. R. *Amen.*

Hæc absolutio etiam in visitationibus practicari debet.



CAPUT XIII.

De Capitulo Hebdomadali.

1.  ECERNIMUS, ut per omnes Domos nostras omnibus feriis sextis, aut aliàs, die non impedita, Capitulum sine ulla dispensatione fiat, in quo Superior faciat exhortationem contra defectus occurrentes, aut aliquid ex libris spiritualibus

legat ad Fratres, postmodum ante omnes ipsemet genuflexus humiliet se coram Deo, Beata Virgine, ac Patribus universis generaliter se reddendo culpabilem de negligentis, & quod sit inutilis in omnibus; alii deinde Patres, & Fratres incipiendo à Senioribus flexis genibus versùs Imaginem Crucifixi culpas suas dicant, coram Superiore, veniam ab eo petendo, & humiliter patiantur ab aliis redargui, Superior defectus proprios spontè fatentibus mitiores pœnas cuique injungat, proclamatos sive à se, sive ab aliis durius redarguere, & corripere tenebitur exprobrando eis delictum.

2. Sedentibus aliis in silentio, is solummodò loquatur, qui culpas suas, aut aliorum dicit, vel cui concessa fuerit licentia loquendi. Nullus autem murmuret, aut reclamet, aut contradicat, sed qui reos se esse cognoscunt, culpas suas humiliter sine excusatione fateantur. Proclamati flectant cum omni mansuetudine ad exemplum Christi Domini, & patienter audiant se denunciantes, dum autem à Superiore redarguantur, humiliter objecta sibi diluant, si reos se esse non sentiunt.

3. Qui indignationem contra accusantem se gestu aliquo, aut verbo ostenderit, sequestretur à Fratribus, ut regulari, ac spirituali medicinà indignus; Fratres proclamantes, seu proclamati non se alloquantur, sed ad ipsum Priorem tantum verba dirigant.

4. Fratres Priorem suum de defectibus ejus in Capitulo non arguant, sed extra Capitulum per Suppriorum, aut Seniores illum

illum monere teneantur, quem, si se non emendaverit, majori Prælato denuncient. Possunt tamen petita veniâ, quam Prior concedere debet in Capitulo, aliqua necessaria pro bono illius Conventûs proponere.

5. Sub fine Capituli festa colenda per septimanam, Vigilias, Quatuor tempora, dum occurrunt Anniversaria Ordinis, aliasque obligationes Conventûs dicat. Item necessitates Ecclesiæ, Ordinis, speciales Benefactores, Patrum orationibus commendabit. Insuper exercitium virtutum præcipuè illius, quam sequentis Dominicæ Evangelium innuit, injunget: demùm fit communis confessio, & absolutio pro quotidianis defectibus, pro quibus preces aliquas pro qualibet negligentiarum communium illius hebdomadæ Superior assignabit.

6. Nullus audeat impedire precibus importunis quoquomodo correctionem Fratris, aut proclamationem sub pæna, quam reus subire debet.






PARS TERTIA.

DE OFFICIALIUM DIRECTIONE.

CAPUT PRIMUM.

De Communi Regula Superiorum.

- I.  UI ad Regimen aliquod in Ordine assumitur is cum timore, ac tremore, summâque cordis humilitate suum primatum agat, memineritque paupertatis, & imbecillitatis suæ ad munus suum exercendum, idè cum Salomone à Deo postulet sapientiam assistricem, ut in omnibus factis gloriam, & honorem Dei, pacem & augmentum Ordinis, salutem, & utilitatem Fratrum efficaciter promoveat. Deinde sciat se assumptum esse ad laborem, & sollicitudinem. Unde calleat rationes sui officii, & frequenti lectione Constitutionum tam suarum privatarum; quàm communium, aliorumque Officialium sibi subsectorum, ne temere,
- N

rè, & pro suo arbitrio res agat, novamque Ordinis faciem introducat.

2. Statutis sibi temporibus conditiones, mores, defectus, profectusve Fratrum, ac rerum sibi commissarum diligentius consideret, de medela, restauratione, augmento cogitet, consilia aliorum, qui principiis altioris Ordinis, seu spiritualibus nituntur, participet, caveat ne sit remissus in gubernando, facilis in credendo, concedendo, irascendo, promittendo, definiendo, dissimulando, vel indulgendo suorum vitiis, ne nimium confidat, ne multum affectet placere ipsis, privatas necessitudines, & familiaritates maximè cum Sæcularibus (nisi sit in bonum Ordinis) devitet, magis amicitiam Dei, quàm favorem hominum attendendo.


3. Administrationi bonorum temporalium, ita se ingerat, ut spiritualium majorem semper curam habeat, animadvertens potiori Jure animas sibi ad regimen traditas, quàm bona caduca. Undè illa solus (utpotè cui majora curæ debent esse) non administret, sed vitando murmur, & suspensiones aliorum, quæ inde sæpiùs oriri solent, Dispensatoribus idoneis, eorum dispositionem committat.

4. Ad extremum, fortitudinem animi, & constantiam in agendo teneat, nec ullis adversitatibus de debito sui muneris cedat, sed leges sui Ordinis seriò mandet executioni, sit denique in operatione primus, & præcipuus, vitæ probatæ viam aliis, salubriter vivendo determinet. Pia siquidem, & studiofa opera Prælati, probataque exempla in ipso longè magis subiectos ad vitam religiosè ducendam, quàm imperia sua, & rigida mandata provocant, & cogunt.



CAPUT II.

De Auctoritate Prioris Generalis.

1.  UCTORITAS dicti Prioris Generalis ex vi ipsius electionis, & promulgationis extenditur in omnia, & singula membra Ordinis, puta Provincias, Conventus, & personas cujuscumque conditionis, & dignitatis fuerint cum plena potestate regendi, & gubernandi totum Ordinem in spiritualibus, & temporalibus, ex consilio Definitorii Generalis independenter à quopiam alio, idque ex speciali gratia felicitis recordationis Joannis XXII. Gregorii XI. Eugenii IV. Julii II. Clementis VI. Urbani V. & aliorum Summorum Pontificum prout in Bullis eorum plenius continetur.

Post electionem ipsius ad ejus auctoritatem pertinet, præesse Capitulo Generali, uti & Provincialibus sive per se, sive per Commissarios suos, illud in omnibus dirigendo, & curet, ut res graviores, quæ à Generali, & Definitoribus extra Capitulum definiri possunt magna cum deliberatione tractentur. In omni verò Sessione Definitorii votum Prioris Generalis habet vigorem duplicis suffragii cum prærogativa præcedentiæ, ubi vota fuerint paria.

2. Quoniam autem curam omnium animarum gerit, de quibus est strictam rationem redditurus, in die Judicii. Ejusdem auctoritati incumbit Fratres non tantum de Conventu in Conventum, sed etiam de Provincia in Provinciam, juxta præscripta in Constitutionibus Ordinis transferre, cum necessitas id exegerit. Imò si aliquos ex suis Fratribus in utroque homine perfectos, & insigni virtute præditos, & scientiis eruditos cognoverit, tales cum consensu Sedis Apostolicæ poterit expedire, ad conversionem gentium infidelium, schismaticorum, vel hæreticorum; quoscumque Superiores, & Officiales Ordinis, sive per liberam electionem, sive designationem sui beneplaciti in-

stitutos destituere, & privare suis Officiis quocumque tempore, si vel inhabiles deprehendantur, vel convincantur sufficienter de crimine, quod Ordini infamiam, vel detrimentum aliquod, aut personæ dedecus afferat, nec superfit ulla spes emendationis; id tamen facere debet de consilio Patrum Definitorum maximè dum agitur de depositione Vicarii Generalis, & aliorum per secreta suffragia electorum, qui omnes citati in tali casu ad iudicium sunt vocandi, nec unquam sententia ferenda, nisi auditis partibus, quarum si aliqua pro termino assignato non compareat, in contumaciam officio privetur, vel aliis pœnis afficiatur.

3. Et sicut ligare potest omnia membra Ordinis vinculo censurarum, prout viderit salubriter unicuique expedire, ita ejusdem potestatis est ex concessione felicis recordationis Bonifacii VIII. per viam communicationis cum Patribus Carthusianis, innodatos solvere à quibuscumque excommunicationis, & irregularitatis censuris contractis ex casibus sive antè, sive post ingressum Religionis, dummodò excessus non sint ita enormes, & graves, ut meritò ad Sedem Apostolicam sint ablegandi, prout habetur in Bulla Alexandri II. in favorem Prioris Carthusiæ emanata, & Ordini nostro per felic. record. Bonifacium VIII. cum aliis Privilegiis applicata in Anno Domini 1390. approbante & confirmante Summo Pontifice Martino V. nec non Urbano VIII. 1628. Eidem Priori Generali felic. record. Urbanus V. concessit plenam facultatem absolvendi, & dispensandi cum suis Fratribus in casibus, in quibus Abbates suos Monachos de jure absolvere, & cum eis dispensare possunt, Bullæ emanatæ in Anno Domini 1370. 6. Idus Decembris, Pontificatus sui Anno primo. Præterea felic. record. Innocentius VIII. in Anno Domini 1489. 6. Idus Octobris Pontificatus sui Anno sexto, ejusdem Prioris Generalis auctoritatem ampliavit, ad decem, vel plures Priores, à Patre Generali designandos, ad effectum absolutionis, & dispensationis cum suis Fratribus à quibuscumque casibus, & censuris indè provenientes, videlicet excommunicationibus, & irregularitatibus, de quibus etiam meritò Sedes Apostolica esset consulenda, exceptis tribus casibus, homicidii volun-


voluntarii, manifestæ hæresis, & Bigamiæ, quarum dispensatio; pertinet ad Sedem Apostolicam; ad extremum Paulus III. concessit Priori Generali facultatem absolvendi, & dispensandi etiam ad homicidia voluntaria, & mutilationem membrorum, occasione tamen bellorum in partibus Hungariæ perpetrata, ac etiam hæresi, illa tamen, in manibus Superioris abjurata de Data in veteri Urbe sub Annulo Piscatoris XXIII. Septembris Anno Domini M.D.XXXVI. Pontificatus sui secundo. In temporalibus bonis litteræ Generalis concessionales solummodò durante officio ipsius valebunt.

4. Residentia Prioris Generalis pro tempore existentis, in Monasterio Mariæ Tall Provinciæ Hungariæ stabilita, & confirmata Decreto Sacræ Congregationis de Propaganda Fide Anno 1721. Die 15. Decembris firma sit & maneat.

5. Ad extremum Patres Ordinis, qui Generalatum laudabiliter gesserunt, habebunt primum locum in Definitorio post Generalem, qui verò Provinciales fuerunt, habebunt primum locum post Vicarium Provinciæ. In Conventibus verò suæ Religionis primum post Superiores locales, simplices verò Prædicatores sedebunt post Doctores, ac Professores Theologiæ.

CAPUT III.

De Officio Prioris Generalis.

1.  FFICIUM Prioris Generalis in tribus maximè consistit. Primò, ut intendat circa se ipsum, ut videlicet modestus sit in omnibus actibus suis, iustus sine acceptione Personarum; & nonnisi auditis partibus sententiam ferat, pudicus in moribus, & verbis, versatus in historiis, & negotiis Ordinis, sobrius in victu, paupertatem, & humilitatem Christi repræsentans, benignus, qui condolere possit iis, qui ignorant, & errant, sollicitus precibus apud Deum de salute suorum, nec facilis ad privata iudicia Fratrum ex sola suspitione levi, zelosus pro

pro observantia Regularis disciplinæ, ut non solo verbo, sed opere, exemplo proprio doceat alios ea facere, quæ ab illis fieri desiderat; sit autem osor quarumvis singularitatum, nec nimis austerus, nec nimis remissus, nec per conniventiam, vel severitatem sinat perire, quos studio, & benevolentia poterat asservare, Meditationi, & Officio Divino cum Fratribus in Choro recitando libenter intersit, zelum Ordinis gerat cum discretionem, & prudentiam conjunctum. Demum ita innocens, & irreprehensibilis sit in vita, ut non solum malo, sed etiam suspicionem mali careat. Habeat autem semper penes se Regulam, Constitutiones, atque Privilegia Ordinis, Statuta Conciliorum, & Summorum Pontificum de Regularibus.

2. Intendat circa gregem sibi commissum, ut omnes cogitationes suas in commodis totius Ordinis, & bono publico defigat, ut non quærat, quæ sua sunt, sed quæ Jesu Christi; semel saltem in anno, litteras speciales ad omnes Provincias mittat, quibus Fratres ad vota essentialia, & cæremonialia Ordinis servanda, & ad profectum perfectionis sedulo cohortetur, idque non solâ copiâ verborum, sed etiam odore virtutum, & famâ Sanctitatis Sux; in Provinciis ubi non est libera electio Provincialium, instituat de consilio Definitorum Provinciales, Priores, pietate, scientiâ, & dexteritate agendi conspicuos. Curet certificari per Provinciales, aut Definidores de statu Provincialium, adminus semel in anno; similiter de numero Fratrum intelligat, quomodo proficiant in pietate, doctrina, cultu Divino, bono exemplo, & ædificatione aliorum, qui habeant qualitates præcipuas pietatis, & scientiæ? Item an in omnibus Provinciis sint sufficientia exemplaria Constitutionum, quoad omnes Conventus? an speciales sui officii penes se habeat quisque ex Fratribus? & an executioni leges demandentur, & quas ob causas, aut occasiones fiant defectus, & abusus, ut iis tempestivè occurrat? Temporibus verò suis Provincias, & omnes Conventus earum in persona visitet, servato modo visitationis faciendæ. Quod si infirmitas gravis, vel aliqua negotia Ordinis magni momenti non permittant eum ad aliquas Provincias descendere, committat hoc opus perficiendum Vicario Generali,

li, adjuncto ei uno ex Definitoribus; vel si Vicarius id præstare non potest, tum duobus Patribus maximè idoneis, pietate, scientiâ, auctoritate, & dexteritate conspicuis, accepto priùs ab illis juramento, de servanda iustitia, & secreto visitationis, quam postea rotulo inclusam, & signatam sibi transmittant, vel in persona exhibeant appositâ subscriptione manuum, & sigillo sui officii. Dum comparere oportuerit inter homines, cum moderata id societate faciet, ne magna multitudo attribatur pompæ, vel nimis pauca faciat contemptum. Fratres recurrentes ad se in suis gravaminibus benignè suscipiat, & patienter audiat, sed caveat ne aliquod præjudicium Provincialibus, aut Superioribus eorundem favore indiscreto causet. Maximam autem curam habeat de unione animorum servanda in Ordine, ut omnes Fratres omnium Provinciarum ita se ament, & honorent (obliti suæ gentis) ac si unius Matris essent filii; seriò etiam attendat, ut in omnibus Provinciis sit bona educatio Novitiorum, & Magistri eorum omissis aliis occupationibus, demandato sibi officio studiosè incumbant. Non se ostendat ex fastu quasi non sit unus ex Fratribus, nec desideret nimias reverentias, sed curet, ut sua conversatio sit non solum Fratribus, sed etiam Sæcularibus amabilis. Denique dum aliqua per Sedem Apostolicam de Religiosis decernuntur, sive quoad gratias, sive quoad Reformationem, ac Privilegia Ordinis, sit diligens custos, & promotor.


3. Intendat circa bona Ordinis, ut ab alienata recuperet, possessa conservet, & augeat, proventus sibi obvenientes, ultra exigentiam suam conferat in bonum commune Ordinis, & ad necessaria Fratrum. Residuum servet in deposito communi Ordinis; de acceptis, & expensis Definitorio rationem reddat, contractus arendæ bonorum Ordinis, tum solum faciet, cum evidens utilitas Ordinis exposcet; Oppignorationes verò non nisi juxta Constitutiones Apostolicas; favorem magnorum virorum procuret Ordini, qui protectionem Monasteriorum habeant, sed nomina, quæ jurisdictionem sapiunt, vitent, ne aliqui eorum plus iusto sibi assumant; Loci ordinariis Fratres suos, dum per eorum Diocesim transit, commendet, Religiosis cujuscunque Ordinis officia charitatis libenter impendat, & hospites hi-

lari

lari fronte excipiat, religiosè non superfluè tractet, & exemplo Christi Domini non solùm Fratribus, sed etiam Advenis maxime Religiosis pro sua devotione lavet pedes. Cùm extra Refectorium sive in itinere contingat eum comedere; non eligat inter liquores, quin ubique sit memor modestiæ, ac paupertatis religiosæ. Verba ædificatoria etiam ferculis interponat, ut non tantùm suis, sed etiam Sæcularibus ubique locorum bonum exemplum in omnibus relinquat.

CAPUT IV.

De Officio Vicarii Generalis, vel Provincialis.

1.  **R**ÆMINENTIA Vicarii Generalis excedit omnes aliorum Officialium gradus, quos sicut loco, ita & Ordine suffragia ferendi præcedit, totius Ordinis curam gerens, in decessu Prioris Generalis; durante autem vita illius, æquè dispositioni Generalis, sicut & alii subjacebit, nec ullam jurisdictionem sibi assumet in Fratres, nisi in absentia Prioris Generalis emergant aliqui casus inter Fratres, vel ad Monasteria illarum partium spectantes, ad quos sedandos si ipsemet Generalis propter distantiam loci tam citò venire non posset, Vicarius adsit, adhibitis quibuscvis censuris contra insolentes, & rebelles, prout paci religiosæ judicaverit expedire; si autem in loco suæ residentiæ non fuerit institutus Prior loci, præminentiam quidem super omnes habebit, in administrationem tamen Conventus tam quoad Fratres, quàm quoad bona Monasterii non se ingeret. Cùm munus hoc soli Priori loci debeat.

2. Officium autem ejusdem Vicarii duplex est. Primum durante vita Prioris Generalis ipsius est zelare pro Ordine, & conatus ejusdem Generalis ad augmentum Ordinis, & pacem Religio-

ligiosam sincerè consilio, & labore cum opus fuerit adjuvare, & si quid viderit, quod vel personam, vel officium ejusdem Generalis concernat debita reverentia, & humilitate admonere; cum hac tamen cautela, ne occasione hujus muneris reverentia, atque obedientia interior, vel exterior in ipso debilitetur, & ne fidelitas, & necessaria libertas dicendi respectu ejusdem reverentia, & obedientia opprimatur, quo minùs Priorem Generalem admoneat de iis, quæ senserit sive ex instinctu aliorum, sive ex proprio motu in eodem requiri ad majus obsequium, & gloriam Dei.

3. Caveat autem, ne occasione sui officii debitam reverentiam, & submissionem, Subditorum erga Superiorem totius Ordinis, (quem Christi locò habeant) aliqua ex parte imminuat, vel debilitet; convenit enim, ut cum Priore Generali idem semper secundum Deum sapiat, & estimationem illius, apud omnes verbis, & factis tueatur, & augeat. In depositione autem officii, & sigilli Prioris Generalis, ad ipsum spectat Capitulum præesse ad electionem novi Generalis, & vitam, ac mores præteriti cum Definitoribus examinare juxta præscripta in Constitutionibus.

4. Secundum officium Vicarii est, in decessu è vivis Prioris Generalis curare, ut Missæ, & Orationes pro anima demortui in universo Ordine fiant, deinde Capitulum ad electionem novi Generalis faciendum indicare, & vocales convocare; antequam autem Ordo conveniat pro Capitulo, ipsi incumbit vices gerere Generalis in gubernatione Ordinis, ita tamen ut nullam gubernationis rationem immutet, sed ad spiritum, & sensum bonum Generalis demortui se componat, illius voluntatem compertam sequatur, incertam inquirat ab iis, qui à consilio ejus fuerint, itaque quoad poterit debeat suo ministerio, quasi vivum præsentem Generalem, illiusque gubernium repræsentare, cum mandata ipsius, & aliæ quævis ordinationes morte ejus non extinguantur, sed executioni ab omnibus debent mandari, in quem finem iisdem Definitoribus, Secretario, Consiliariis, & aliis Officialibus, qui creantur à Generali utetur ad gubernationem Ordinis, quibus demortuus utebatur. Neminem illorum im-


mutabit, nullum Fratrem sine necessitate de residentia transferet, neminem de novo Officiale creabit, nisi fortè aliqui morerentur, & alii in illorum locum usque ad electionem novi Generalis substituendi essent, vel aliqua causæ gravissimæ intercederent, propter quas aliquis illorum ab executione officii tollendus, vel suspendendus videretur, prædictaque omnia fiant de consensu majoris partis Definitorum, cum quibus omnes res debet consultare, ut plus ponderis habeant ea, quæ ipse statuerit; graviora autem negotia Ordinis differat ad novum Generalem electum, nisi ita aliquid grave, & urgens acciderit, ut iudicio ipsius, & Definitorum non differri deberet.

5. Non licebit itidem ei ullos contractus, etiam ad breve tempus duraturos Arrendæ, oppignorationis, multò minùs alienationis bonorum Ordinis cum quibuscvis personis facere. Omni autem studio curare debet, ut proventus exigantur, percipiantur, & asserventur penes personas ad id constitutas, ut in debitos, & præsertim necessarios convertantur usus; pecuniæ autem, & eorum omnium, quæ remanserint post decessum Prioris Generalis, faciet inventarium cum uno adminùs Definitori in præsentia Secretarii Generalis, nec non Superioris illius Conventus, in quo Generalis moriatur, si ibi res, & suppellex, aut pecunia illius fuerint, si autem in alio monasterio extiterint, inventarium fieri curet per Superiorem illius loci, assistentibus ad minùs duobus ex senioribus, & gravioribus Fratribus illius Monasterii, ut postea Successori omnia in integro restituat, & quantum pro Capituli provisione exposuerit, det rationem horum omnium electo Generali.

6. Porro Vicarius Generalis, in decessu Patris Generalis eo ipso amittet gubernium immediatum Monasterii illius, cui fortè præerat. Et tunc alium Superiorem illi præficere tenebitur. Idem iudicium esto de Vicariis Provincialibus proportionaliter respectu suorum Provincialium.

CAPUT V.

*De Præeminentia, & Officio
Provincialium.*


1.  UCTORITAS Provincialis triennio integro ordinariè durat, & includitur terminis suæ Provinciæ, ita quòd sibi subiectos ad Conventus diversæ Provinciæ pro residentia non valeat ablegare, nisi de consensu Prioris Generalis, intra Provinciam autem poterit non solum delinquentes juxta exigentiam delicti corrigere, punire, & loco mutare, sed etiam officio privare, & alios substituere de consensu majoris partis Definitorii, si tamen causa fuerit magni momenti, puta scandali, damni, vel infamiæ personæ, aut Ordinis. Si verò Vicarius Provincialis, aut alii, per liberam electionem creati, officio privandi forent, fiat id de consensu Patrum ut infra Par. 3. Cap. 29. num. 17. de visitatione. Potestas absolutionis à peccatis, & dispensationis à censuris ei convenit per viam communicationis, cum Patribus Chartusianis, juxta tenorem Bullarum à Sede Apostolica emanatarum. Consultius tamen est, ut casus irregularitatis remittat ad auctoritatem Prioris Generalis.

2. Ad officium ejusdem Provincialis pertinet singulis annis omnia Monasteria Provinciæ incipiendo à Conventu principali in persona visitare, modo præscripto; vel si infirmitas, aut aliqua gravis, & legitima necessitas, sive impedimentum non permittat, officium hoc Vicario suo demandare, prout habetur de officio Prioris Generalis. Præsente Priore Generali professionem Fratrum non recipiat, sine licentia ejusdem domo non discedat, submittendo majori auctoritati officium suum, Priorem Generalem certificet de statu suæ Provinciæ, numero, & qualitate Fratrum. Personas qualificatas in pietate, & scientia collocet in iis officiis, & locis in quibus fructum

maiores afferre possunt ; discolors autem ponat in iis , ubi maior numerus Fratrum existit ; ipsius est infirmis condescendere , protervorum contumaciam frangere , litteras exhortationis concernentes totam Provinciam missas à Priore Generali per omnes Conventus quando citius publicare , contentiones exortas inter Fratres dirimere , & sopire , per litteras Conventuales , sapius consolari , & exhortari ad bonum . Demum omnes occasiones tollere , quibus rigor disciplinæ Regularis enervari , vel offensâ Divina , (cujus maxima ratio habenda) in omnibus quoquo modo contrahi posset ; cuius rei causa in Conventibus , per plures , vel pauciores hebdomadas juxta designationem per Definitorium faciendam in Capitulo Provinciali , commorari debet , ut in observantia res stabiles relinquat . Cetera descripta , Capite de Officio Generalis , ita observet , ut in nulla re curam sui , & sibi subditorum , atque bonorum Provinciæ ex parte , vel ex toto negligat , vel omittat .

C A P U T V I.

De Officio Definitorum .

1.  DEFINITORES solertes , zelosi , ac prudentes eligendi sunt , qui Priorem Generalem , vel Provincialem in gubernatione totius Ordinis , vel Provinciæ , consilio , diligentia , & labore adjuvent , quibus hæc præcipuè prærogativa concessa , ut in omnibus negotiis decidendis ad suam sessionem devolutis sententiam definitivam ferant cum Priore Generali , vel Provinciali , & eorum Vicariis post Patres , qui officio Generalium , vel Provincialium antea benè functi fuerunt . In sententiis verò ferendis studeant sinceram , & à perturbatione liberam intentionem habere , ut breviter liberè , non tamen præcipitanter , sed re benè secum coram Deo considerata , cum omni modestia sententiam dicant , & qui posteriores sunt in sen-


sententiando Priorum dicta inutiliter non repetant, nisi ad rem confirmandam, aliorum rationes essent dissolvendæ, quod modestè facere, & rationes suæ sententiæ breviter exponere debent; si autem aliquid ex tempore discutiendum proponeretur, & id sibi maturius considerandum judicaverint, agant cum Priore Generali, vel Provinciali, ut in sequentem diem ultimam sententiam differat.

2. Ad Officium Definitorum spectat Regulam, Constitutiones, Ordinationes Capitulorum, Privilegia Ordinis, & quidquid vocationi nostræ inservire possit, frequenter legere, & benè intelligere, & cum opus fuerit, in promptu habeant, & negotia Ordinis, ac personas peculiari oratione in suis Sacrificiis Deo commendent. Non minoris curæ ipsorum esse debet, ut cum Generali, vel Provinciali singulari Charitate, & Obedientiâ conjungantur, & ejus conjunctionis exemplum verbis, & factis ostendant, Auctoritatem ipsius apud omnes domesticos, & extraneos, & eorum erga ipsum amorem non solum conservent, sed omnibus modis, quibus poterunt augeant. Ipsi inter se mutuâ Charitate, religiosâ concordia, judicio, consilioque rerum agendarum, & ipso eas agendi modo consentiant, alter alterum honore præveniat, & existimationem ejus promoveat; Si autem contingat aliquem in actibus judicialibus, seu consultationibus diversæ, aut etiam singularis esse sententiæ, nemo ab illo ullam alienationem habeat, vel ostendat. Erga alias personas Ordinis ita exerceant munus suum, ut non sapiat acceptationem personarum.

3. Nemo illorum sententiam alterius, aut quævis dicta, proposita, definita in sessione aliis extra Definitorium revelet, aut indicet sub pena amissionis officii ipso facto, & privationis vocis activæ, & passivæ usque ad futurum Capitulum Generale, vel Provinciale, quæ autem definientur, Prior Generalis, vel Provincialis debebit ea per se, vel per Secretarium promulgare, cum opus esse judicaverit.

CAPUT VII.

*De Officio Procuratoris Generalis
in Urbe Residentis.*

1.  LECTIO Procuratoris Generalis fit sicut Patris Generalis, & Definitorum, in quolibet Capitulo Generali electivo; nisi officio privandus esset ex causis propter quas ipsemet Pater Generalis, & Definidores privandi sint juxta Constitutiones.

Et tali casu, ac in casu mortis subrogetur alius per Definitorium usque ad proximum Capitulum Generale. Expeditio illius in Urbem, sumptibus fiat Ordinis; qui priusquam illuc se conferat juramentum super Evangelia hoc modo præstabit: *Ego Frater N. N. juro, quod secundum conscientiam meam servabo secretum in negotiis Ordinis nostri, eaque in Curia Romana secundum posse promovebo. Sic me Deus adjuvet, & hac Sancta Dei Evangelia.*

2. Idem Procurator Generalis semper sociatus ex Conventu ad negotia exhibit, ab ordinariis mortificationibus, disciplinis, silentio, & solitudine Cellæ non se eximat, sed in ea tanquam in summæ quietis emporio se se contineat. Dum negotia Ordinis permittunt cum aliis Choro intersit, psallat cum aliis, & meditetur, ac Sacrum singulis diebus quantum fieri potest per se absolvat, vel adminus audiat.


3. Ad Capitulum Generale electivum cum tunc ipsius uti aliorum expirent officia, comparere erit obligatus, informaturus totum Ordinem super cursu negotiorum. Ad intermedia verò non secus compareat, nisi ob graves aliquas rationes Pater Generalis illum evocandum judicaret. Ejus summæ diligentia erit, ut habeat libros compactos, in quibus acta, tractata per ipsum in curia Romana ad sacrum ordinem spectantia stylo polito notabit. Et quod Deus Clementissimus avertat,

si aliquod periculum immineat, vel alicujus personæ privatæ nostræ, vel totius Ordinis, maturè, & fideliter Reverendissimum Patrem Generalem cum suo Definitorio præmonere, & informare erit obligatus. Privatorum negotia nunquam sine facultate Patris Reverendissimi tractanda suscipiet; si quæ per Sanctissimum sancita pro Ordine nostro fuerint, Patri Generali insinuet, & si favorabilia eidem Ordini fuerint sollicitè expediri curet.

4. In Capitulo Generali, cum ad illud accesserit, locum post Patres Definidores, & vocem in electione Patris Generalis, uti & aliorum Officialium habebit. Si aliquem ex nostris ausu temerario Romam ire contigerit, talem ad sequestrum poni curet, & Sacram Congregationem de Propaganda Fide; nec non Reverendissimum Patrem Generalem mox certiore reddat, & quid ultra cum tali agendum sit, inquirat.

CAPUT VIII.

De Officio Socii, seu Secretarii Prioris Generalis, vel Provincialis.

1.  OCTIUS seu Secretarius Prioris Generalis, vel Provincialis, cæteris pietate, & scientiâ præluere debet, ut & bono exemplo sit omnibus; acta Ordinis, visitationes Fratrum, decreta Prioris Generalis, vel Provincialis, & Definitorii, ac litteras quasvis scribat stylo polito, servato modo scribendi Regulari. Nullas litteras sigillet, nisi prius à Patre Generali, aut Provinciali revisæ, & subscriptæ fuerint, supplicationes quascumque recipiat, & rescriptum juxta mandatum Patris Generalis, vel Provincialis iisdem, ac quibusvis litteris patentibus apponat; Si quid viderit in Patre Generali, seu Provinciali, quod personam suam, vel officium concernat, non negligat ipsum modestè, ac reverenter admonere, & eundem de
audi-


auditis, aut factis contra ipsum præcavere; secreta, quæ audiverit in visitatione Fratrum, sessione Definitorum, vel quævis alia communicata à Patre Generali, vel Provinciali districti silentii custodiâ præmat. Quæ graviora, & periculosiora Ordini, aut Provinciæ perceperit, revelet Priori Generali, aut Provinciali, vel Definitoribus, & in omnibus dictis, scriptis, & factis intendat, quod auctoritatem Prioris Generalis, vel Provincialis commendet, cui omnia agenda in memoriam revocare, & executionem sollicitare debet. Ad extremum ipsius curæ est ea quæ tuendo corpori, & conservandæ vitæ Prioris Generalis, aut Provincialis (quam ei Ordo, seu Provincia committit) necessaria sunt diligenter providere, familiam officii regere, omnes perceptas, & expensas fideliter conscribere, æqualem favorem omnibus fratribus exhibere, nec quidquam tale pro se, & Patre Generali, vel Provinciali asserere, quod singularitatem præferat, & cæteris scandalum generet.

2. Cùm intersuerit sessionibus Definitorum, locum quidem habebit post Definidores non ad suffragia ferenda, sed ad decreta super sententiam definitivam formanda, & publicanda, quæ in acta Ordinis, aut Provinciæ referre, & propria manu subscribere debet. Poterit tamen sententiam suam dare, quæ vigorem consilii non prærogativam definitionis habeat. Intra tempus Capituli, vel Visitationis locum ante Priorem loci occupabit.



CAPUT IX.

De Officio Priorum.


1.  D ipsos pertinet scire clarè, & plenè, quanam privilegia, & potestatem habeat Ordo noster præsertim in absolutionibus, & dispensationibus; similiter bona, & res domorum perscrutentur, ut sciant discretè dispensare. Cavendum est eis ne graventur subditi, & ne fiant immoderati quæstus, & parta cum parcitate expendantur, caveant ne ex amore privato aliquid faciant; laudabilia quæ in Prædecessoribus eorum fuerunt prudenter inquirant, & inventa observent: Officia Divina, & Psalmos pænitentiales cum suis diligenter persolvi locis, & temporibus debitis faciant, diligentiam maximam adhibeant, ut omnes Fratres conveniant in inclinationibus, & aliis cæremoniis tam circa Missam, quàm Mensam, Pacem Ordinis semper quærant, & profectum. Corrigenda quæ per se commodè exequi non possunt, prorogent ad adventum Patris Generalis, vel Provincialis. Attamen Officiales in Capitulo institutos si fuerint discolori ab Officio suspendant. Imperfectiones Fratrum, vel Conventuum nullibi referant sine causâ rationabili; ubique pacem habeant cum Clericis, Monachis, & Laicis. Discursus Fratrum restringant præsertim Juniorum, non quærant sibi delicatos cibos, nisi causâ infirmitatis, familiam tollant omninò superfluam, & inhonestè viventem. Amore Ordinis nulla negotia negligant, & si perspexerint aliquem Fratrem super his laborantem in domibus eorum, aut extra prout poterunt eum adjuvabunt. Patrem Generalem, vel Provincialem cum sociis, & familia benignè suscipiant, & pertractent. In magnis solemnitatibus Officium Missæ ipsi peragant cum decentibus Ministris. Infirmorum necessitates audiant, curentque diligenter ungi morientes, & mortuos sepeliri. Conventus curam in necessitatibus videlicet in victu, & amictu, atque in

medicinis sic gerant ne possit murmur oriri, quod si commodè fieri omnia nequeant, rationabiliter se excusent, si subditi famem, & sitim sustinent, ipsi sint primi. Imò sibi ipsis sint stricti, & Fratribus largi; caveant singularitates in cibo, & potu, lecto, & vestitu, superfluitates restringant tam in Refectorio, quàm in Infirmaria, quàm etiam ubilibet. Dispensationes cum toto Conventu in laxandis jejuniis, & abstinentiis nunquam concedant, personis tamen aliquibus ob justam necessitatem indulgeant; sine consensu Patrum Definitorum non audeant facere magnas emptiones, venditiones, ædificia, & permutationes seu contractus. Discedentes ad Capitulum plenè informant suos subditos de necessariis domus, quantum scilicet cuique sint debitores, vel quantum alii debeant Monasterio.

2. Non se intromittant in singula Monasterii officia, sed corripiant Officialium negligentias. Ipsorum est cognoscere varias complexiones Fratrum, ac debilioribus condescendere, protervias, & contumacias Fratrum humilient. Naturaliter impatientes ad tempus sustineant, errantes corrigant cum compassione, ferventiores plùs debito cohibeant, periculosos sollicitè custodiant, maturos, & idoneos non permittant otari, non tamen applicent eos ad ea, ad quæ non sunt idonei. Juvenes applicentur ad labores, senes ad exercitationem animi, videlicet ad consilia, orationes, lectiones; Fratres aliorum Conventuum charitativè suscipiant, & necessitatibus provideant, sic agendo in similibus, & dissimilibus modò privatè, modò publicè, modò severè, modò blandè, modò verbis, modò disciplinis, modò pænis, modò recreationibus, modò per se, modò per alios Fratres discretè agendo, modò negando licentias, modò concedendo. Singulorum profectibus dare debent specialem operam, in aliis verò ad regulas Patris se accommodent.

CAPUT X.

De Officio Magistri Novitiorum.

1. UPERIOR Monasterii, in quo est Novitiatuſ præter ſupradiſta de educatione Novitiorum ſervabit pro conditione ſua normam datam Prioribus, ac Superioribus in communi. Magiſter autem Novitiorum ſequentia ſeriò obſervabit. Quamprimùm Novitiuſ indutuſ fuerit doceatur circa omnia illa, quæ ſpectant ad vitam ſpiritualem, & interiorem hominiſ compoſitionem prout habetur Parte prima de Novitiis educandis, ad quod negotium valdè conducet frequenſ lectio piorum Auſtorum, qui de vitæ ſpirituſalis, & religioſæ proſectu ex profeſſo pertractant, deinde doceatur circa ea, quæ ſpectant ad exteriorem hominiſ compoſitionem, videlicet, quomodo debeat loqui, comedere, incedere, dormire, converſari, totumque hominem externum religioſè moderari. Immodeſtia enim ſicut virtuti repugnat, ita modeſtia facit hominem aptum, & idoneum virtuti recipiendæ. Itaque ſinguliſ diebus ratio modeſtiæ requiratur, neque occultet Novitiuſ, ſi fortè curioſius inſpexerit, velociter inceſſerit, aut altà, vel præcipiti voce locutuſ fuerit, manuſ parum compoſitè geſſerit, &c. ut paterno more moneri, & corrigi poſſit.

2. Quilibet ex Novitiis mandet memoria rudimenta Doctrinæ Chriſtianæ, & admoneatur, ut diligenter ſtudeat, & ſciat, ac notata compendioſè habeat, quæ ſpectant ad perfectionem Chriſtianam, ejuſque gradus, & media, per quæ attingi poſſit.


3. Quolibet autem Menſe unumquemque Novitiorum privatim examinet Magiſter ad explorandum ſpirituſ religioſum, quem ex hiſcè ſignis faciliùſ dignoſcet, videlicet an contentuſ vivat ſua vocatione, quaſ tentationeſ, turbationeſ, & contradictioneſ patiatuſ, ad quæ peccata, vitia, & paſſioneſ propendeat, cui orationi mentali, an vocali pluſ vacare poſſit, an de-

solationes, evagationes, ac distractiones mentis habeat, & quomodo eis resistat? Quem fructum ex Sacra Communionem, examine conscientiae, & aliis exercitiis capiat? Num post examen praeiteritum profecerit? Saltem in desiderio efficaci; quomodo officia sibi injuncta expediat: quem animum habeat ad injurias perferendas, Crucem Christi portandam, quomodo ex aliorum exemplo proficiat? Quomodo sit affectus ad Fratres, & Superiorem? Quomodo memor praesentiae Dei? Quomodo anhelet ad amicitiam ejus? Quam exerceat directionem in principio, & medio suarum actionum? Quem numerum habeat suarum mortificationum? Denique quam magnifaciat aliquam offensam Dei, & quomodo eam puniat in se, ut veniam obtineat? In his, & similibus punctis instruat Novitium Magister, vacillantem rectificet, pusillanimum ad labores pro virtute, & Deo tolerandos animet, & ad perfectam resignationem propriae voluntatis ad arbitrium Superioris, ac etiam ad contemptum sui ipsius cohortetur.

4. Porro poenitentiae tales injungi debent, ut pertingant ad spiritum, idem non semper affligatur Psalmus, *Miserere*, aut Sessio in terra &c. sed aliqua spiritualia adjungantur exterioribus panis.

CAPUT XI.

De Officio Discretorum.

1.  ISCRETI Provinciae, & Conventuum in promovendis negotiis Provinciae, vel Monasteriorum plenam potestatem habent nomine communitatis in Capitulis, ita quod totum illud ratum, & fixum ab omnibus haberi debeat, quidquid in Definitorio audita informatione Discretorum conclusum, & definitum fuerit, nullam verò praeminentiam in Choro, & Mensa, sed in sola discretoriali convocatione sibi usurpare poterunt.

2. Ad

2. Ad Officium ipsorum pertinet interesse Definitoriis, & Discretoriis, quæ peracta re Sacra Matutino tempore, ut plurimum ad sonum Campanæ fieri debent. Ad ipsos etiam spectat res consultandas proponere, de quibus singuli per Ordinem vota ferant, si quis autem ex Fratribus voluerit aliquid proponere in Definitorio, vel Discretorio, id committat Discreto in scriptis, cujus prudentiam concernit postulata à Patribus mature, quæ bonum commune Conventuum, aut Ordinis contineant suscipere, & illas querelas acceptare, per quas Ordo detrimentum aliquod pati possit.

3. Caveant autem ne quâ passione, vel affectione inordinata in aliquo accusando, deferendo, vel laudando, ducantur, etiam si de suis Superioribus agatur, & cum redierint ad Provinciam, vel Conventus, nulli omnino referant ea, de quibus à Patre Generali, aut Provinciali pro informatione aliquarum personarum, ac rerum interrogati forsitan fuerint, quod cum magno charitatis dispendio evenire possit.

4. Ad extremum responsa ad postulata sibi commissa communitati suorum Conventuum, vel Provinciæ manu Secretarii subscripta, & sigillo Prioris Generalis, vel Provincialis munita, vel ipsi deferant, vel per alios transmittant. Quod si aliqui electioni, vel consultationi discretoriali absque legitima causa non interfuerint, voce activâ per annum priventur, secretum autem illius convocationis quoad omnia dicta, & proposita omnino servabunt, itidem sub amissione vocis activæ.



CAPUT XII.

De Officio Supprioris.

1




It laudabilis vitæ, qui Superiorem loci adjuvet in regimine Conventûs, maximè quoad disciplinam regularem promovendam, potestatem suam ultrà limites sibi præscriptos à suo Prælato non extendat. Absente Priore in Capitulis hebdomadalibus poterit culpas ordinarias, leves, & manifestas corrigere, graviores autem Priori reservet, nisi enormitas delinquentis id eum facere cogat de consilio duorum Patrum seniorum, dum non tam citò adventus Prioris expectatur, pro quo tempore nihil immutabit, nullum Conventualem extra Monasterium mittet, excepto casu tantæ necessitatis, quæ dilationem non patiatur. In præsentia Superioris loci, eâ jurisdictione utetur super Fratres, quæ sibi fuerit commissâ, nulla tamen Capitula cum Conventualibus faciet, nisi in casibus expressis sine licentia sui Prioris, cujus mandatis, & ordinationibus promptè ad exemplum aliorum obsequetur; à lectura quidem mensæ, & servitura, sed non ab hebdomadariatu, & Missis exceptus manebit.

2. Ad Officium ejusdem Supprioris pertinet horis omnibus Divinis nocturnis, & diurnis personaliter adesse, ad puncta, & pausam versuum, unà cum Cantore rigorosè attendere, delinquentes, præmissâ admonitione Priori deferre, lectorem in mensâ corrigere, pacem, & charitatem inter Fratres conciliare, sensum eorum ad beneplacitum Superioris inflectere, in rebus licitis & honestis pro licentia ad Priorem intercedere. Dissensiones exortas componere, rebellibus, & inobedientibus nullo modo associari, mæstos, & afflictos solari. Cæremoniis Breviarii, Missalis Romani, Rituum Ordinis ad præscriptam dispositionem ipsorum sollicitè invigilare, & ad observationem earum alios inducere, munditiem in Ecclesia, Refectorio, mensâ, cubiculis, lectis, & aliis locis per Fratres ad id deputatos procurare,

rare, facta Prælati alios turbantia, quantum conscientia permittit, excusare; vestimenta, libros, domus suppellectilem, & alia usui Fratrum concessa conscribere, & ex registro quolibet trimestri revidere, & diligenter attendere, ne quid eorum de Conventu efferatur absque licentia expressa Superioris. Prælatum proprium, de negotiis domus, de secretis defectibus Fratrum, de necessitatibus, quibus Conventus egeat, informare, ac promptum demum se in obsequiis, disciplinatum in moribus, hilarem in vultu, affabilem in verbis, facilem in laboribus, & charitativum in omnibus exhibere. Prouti & omnia, quæ accidunt in Conventu cum mutationibus Personarum, in libro ad id singulariter deputato, qui in singulis Conventibus haberi debet, diligenter adnotare.

CAPUT XIII.

De Officio Prædicatorum.

1.  RÆDicatorum, qui velut lucernæ ardentes non minus vitæ sanctitate, quam scientiâ, & eruditione multa cæteros superare debent; vita concordet cum doctrina; ne quod una manu ædificant; alterâ destruant.
2. Primò igitur omni studio vivam imaginem innocentiae, & observantiae regularis, quoad omnia puncta in Constitutionibus contenta in se exprimant, ut bono exemplo virtutum materiam sui sermonis persuadeant auditoribus.
3. Ipsorum proprium est, Sacram Scripturam semper præ manibus habere, legere, & quantum fieri potest quotidie aliquid memoriæ mandare, ut cum opus fuerit, si non de verbo ad verbum loca ipsius citare, saltem sensum verborum, & historiae fideliter queant referre; Noverint etiam historias Ecclesiasticas, Vitas Sanctorum, & sententias Doctorum, expositionem utriusque Testamenti, & alia his similia, quibus colligendis, & addiscendis residuum temporis, quod sibi ab Officio

cio Divino, oratione mentali, & aliis exercitiis Spiritualibus remanserit, libenter impendant. Nunquam sine præparatione concionem faciant, sed prius scripto exarent, sedulo ruminent, sapius liment, diligenter circumstantiis intenti: Quid, ubi, cur, quando, & quomodo loquantur? Ob præmium vitæ æternæ non parcant labori, motivum primum illius statuentes majorem gloriam Dei, & salutem animarum; orationibus, jejuniis, & disciplinis habitaculum Spiritui Sancto in corpore, & in anima præparantes, qui eos doceat omnia loqui, & facere: ne dum aliis verbum veritatis prædicant ipsi reprobi efficiantur.


4. Indulgentias, & miracula incerta pro certis sub pæna excommunicationis non publicent, materiam sui sermonis conditioni Auditorum accommodent. Si molestantur strepitu, vel garulitate aliorum, benignè eos commoneant, faciem non deforment, manibus non percutiant, pedibus non calcant, atque omnem inordinatum motum corporis, & clamorem caveant, particulares defectus Clericorum coram populo non arguant. Res incertas, fabulas vanas, & alia, quæ risum moveant etiam privatim devitent, obscura, & subtilia, exemplis, & similitudinibus declarent, ac concinnum procurent modum suæ concionis, ut non solâ copiâ verborum aures audientium delectent, sed & pondere argumentorum animum instruant, & affectum moveant ad bonum faciendum, & malum declinandum. Paucitate Auditorum à prædicatione non retrahantur.

5. Idem dabunt operam apud Superiores, ut in domo habeantur libri varii bonæ ædificationis in Bibliotheca communi, de libris autem eorum usui concessis non sint valdè avari, sed concedant indigentibus, prædant in habitu humilitatem, in moribus honestatem, in rebus discretionem, in zelo animarum salutem, in cibo, & potu sobrietatem, in agendis maturitatem, ad quæstiones motas non facilè respondeant, sed præmeditatè, & semper ædificatoria dicant, in bonis consuetudinibus conforment se his à quibus illæ conservantur, prædicent breviter, & distinctè, personas ne denotent, cum inde

sapius pro ædificatione sequatur scandalum, aut turbatio; ne aliquid in concionibus proferant quod vindictam sapiat, quasi suas, suorumque velint prosequi injurias, non verecundentur quidquam prædicare, dummodò sit proficuum salutis animarum, primi esse cupiant in celebrandis Missis, devotionibus, abstinentiis, silentio, vigiliis, commune mandatum levi ex causa non omittant, caveant discursus exteriores, qui possint parere sinistram de se suspensionem, mentis distractionem, spiritus religiosi dissipationem.

CAPUT XIV.

De Confessariis.

I.  T uniformitas nostrorum etiam in Confessionibus sacramentalibus excipiendis sine omni reprehensione observetur, nullus ad Confessiones præsertim sæcularium accedat, nisi optimè calleat præscriptas doctrinas de Sacramento Pœnitentiæ administrando positas in Rituali Romano Pauli V. quas unusquisque Confessarius penes se habere debebit; & quidem primò meminerit Confessarius se Judicis pariter, & Medici personam sustinere, ac Divinæ Justitiæ simul, & Misericordiæ ministrum à Deo constitutum esse, ut tanquam Arbiter inter Deum, & homines honori Divino, & animarum salutis consulat. Deinde judicare queat discernens inter lepram, & lepram, & tanquam peritus Medicus, animarum morbos prudenter curare, & apta cuique remedia applicare sciat, quantam potest ad id maximam scientiam, atque prudentiam, tam assiduis ad Deum precibus, quàm ex probatis Authoribus cum prudenti consilio peritorum studeat sibi comparare.

Omnem demùm hujus Sacramenti administrationem rectam nosse studebit; atque in hoc ministerio ita procedat, ut infra præscribitur.

2. Sacerdos ad audiendam Confessionem vocatus, promptum, facilemque se præbeat, ac priusquam ad audiendum accedat, si tempus suppetat ad hoc ministerium rectè, sanctèque ob-eundum Divinum auxilium piis precibus implorabit.

3. In Ecclesia, non autem in privatis ædibus Confessiones audiat, nisi ex causa rationabili, quæ cum inciderit, studeat tamen id decenti, & patenti loco præstare. Sedes in Ecclesia ad sacras Confessiones excipiendas in patenti conspicuo, & apto Ecclesiæ loco positæ, Crate perforatâ inter pœnitentem, & Sacerdotem sint instructæ.

4. Pœnitens si opus fuerit admoneatur, ut quâ decet humilitate mentis, & habitus accedat flexis genibus, signo Crucis se muniat, mox Confessarius inquiret de illius statu, nisi aliter notus fuerit, & à quanto tempore sit confessus, & an impositam pœnitentiam adimpleverit? num ritè, atque integrè aliàs confessus fuerit? Num conscientiam suam, ut debet, prius diligenter discussit?

5. Quod si pœnitens aliqua censurâ, vel casu reservato sit ligatus, à quo ipse non possit absolvere, non absolvat, nisi prius obtentâ facultate, à Superiore illo, cui erunt reservata. Materiam quoque de restitutione, ac contractibus communioribus calleat, ac injustis detentoribus absolutionem neget. Si verò Confessarius pro personarum qualitate cognoverit pœnitentem ignorare fidei Christianæ rudimenta, si tempus suppetat eum breviter instruat de articulis fidei, & aliis ad salutem cognitu necessariis, & ignorantiam ejus corripiat, illumque admoneat, ut postmodum diligenter addiscat.

6. Tum pœnitens Confessionem generalem latinâ, vel vulgari lingua dicat, scilicet *Confiteor* &c. & saltem utatur his verbis: *Confiteor Deo Omnipotenti, & tibi Pater*; peccata sua exinde confiteatur, adjuvante quotiescumque opus fuerit Sacerdote, qui confitentem non reprehendat, nisi finita, ut dicitur, confessione, neque interpellabit, nisi cum opus fuerit aliquid melius intelligere, proinde fiduciam ei præbeat, & humaniter suggerat, ut omnia peccata sua ritè, & integrè confiteatur, remotâ stultâ illâ quorundam verecundiâ, quâ præditi suadente diabolo peccata con-

confiteri non audent; si pœnitens numerum, species, & circumstantias peccatorum explicatu necessarias non expresserit, eum Sacerdos prudenter interroget, sed caueat, ne curiosis, aut inutilibus interrogationibus quemquam detineat, præsertim juniores utriusque sexûs, vel alios, de eo quod ignorant imprudenter interrogans, ne scandalum patiantur, indeque peccare discant. Demùm audita Confessione perpendens peccatorum, quæ ille admisit magnitudinem, & multitudinem pro eorum gravitate, ac pœnitentis conditione opportunas correptiones, ac admonitiones, prout opus esse viderit paterna charitate adhibebit, & ad dolorem, & contritionem efficacibus verbis adducere conabitur, atque ad vitam emendandam ac melius instituendam inducet, remediaque peccatorum tradet. Postremò salutarem, & convenientem satisfactionem quantum spiritus, & prudentia suggerit injungat habita ratione, statûs, conditionis, sexûs, & ætatis, item dispositionis pœnitentium. Videatque ne pro peccatis gravibus levissimas pœnitentias imponat, ne si fortè peccatis conniveat, alienorum peccatorum particeps efficiatur. Id verò ante oculos habeat, ut satisfactio non sit tantùm ad novæ vitæ remedium, & infirmitatis medicamentum, sed etiam ad præteritorum peccatorum castigationem. Quare curet quantum fieri potest, ut contrarias pœnitentias peccatis injungat, veluti avaris eleemosynas, libidinosis jejunia, vel alias carnis afflictiones, superbis humilitatis officia, desidiosis devotionis studia. Rariùs autem, vel seriùs confitentibus, vel in peccata facilè recidentibus, utilissimum fuerit consulere, ut sæpè peccata in mense, vel certis diebus solemnibus confiteantur, & si expediat communicent, Pœnitentias pecuniarias, sibi ipsi Confessarii non applicent, neque à Pœnitentibus quidquam tanquam ministerii sui præmium petant, vel accipiant. Videat autem diligenter Sacerdos, quando, & quibus conferenda, vel neganda, vel differenda sit absolutio, ne absolvat eos, qui talis beneficii sunt incapaces, quales sunt, qui nulla signa dant doloris. Qui odia, aut inimicitias deponere, aut aliena si possunt restituere, aut proximam peccandi occasionem deferere, aut alio modo peccata relinquere, & vitam in melius emendare nolunt, aut qui publicum scandalum dederunt, nisi publicè satis-

faciant, & scandalum tollant; neque eos etiam absoluat, quorum peccata sunt Superioribus reservata.

7. Si verò quis confiteatur in periculo mortis constitutus absolvendus est, ab omnibus peccatis, & censuris quamvis reservatis (cessat enim tunc temporis omnis reservatio) sed prius si potest cui debet, satisfaciat, & si periculum euaserit, aliqua ratione Superiori à quo aliàs esset absolvendus se sistere teneatur, & cum primum poterit coram eo se sistat quidquid debet præstaturus.

8. Quod si inter confitendum, vel etiam antequam incipiat confiteri, vox, & loquela ægrum deficiat, nutibus, & signis conetur, quoad ejus fieri poterit peccata penitentis cognoscere, quibus utcumque cognitis, vel etiam si confitendi desiderium sive per se, sive per alios ostenderit, absolvendus est.

Meminerit porrò Sacerdos, ægris non esse injungendam gravem, aut laboriosam penitentiam, sed tantum illam, quam si convaluerint, opportuno tempore peragant. Interim juxta gravitatem morbi aliqua oratione, aut satisfactione imposita, & accepta absolvantur, prout opus fuerit.

9. Hoc principaliter intendat, ut penitens ad Deum corde sincero, ac integro convertatur, unde ante absolutionem eum inducat, ut ex animo peccata omnia detestetur, quatenus sunt offensæ Dei, & doleat ex animo suo, quod aliquando Deo displicuerit, cum proposito efficaci in posterum ea vitandi ob amorem Dei super omnia diligendi.



CAPUT XV.

De Officio Sacristæ.

I.



ACRISTA debet esse fidelis, gravis, laboriosus, exemplaris, sedatus, & sollicitus de apparatu Ecclesiastico, & ornamentis Altarium. Ante omnia autem habeat curam ut Sanctissimum Eucharistiæ Sacramentum singulis hebdomadis renovetur, ac Sacramentum mundum sit, ac clausum omnimodè, continens semper duodecim hostias consecratas. Deinde singulis diebus vestimenta Sacerdotalia, ut puta albas, casulas disponat pro capacitate Sacristiæ, & numero Patrum. Patres autem non alia vestimenta accipiant, nisi quæ tali modo à Sacrista fuerint exposita. Contra facientes, deferat Superiori, Atria templi, & Sacristiæ claudat, ne ornamenta Altarium, & reliquæ res Sacræ, quæ ipsius custodiæ committuntur portis patentibus pereant.

2. Eleemosynas quocumque modo obvenientes fideliter Superiori tradat, Missas in registro, seu in tabula Sacristiæ describat, ut ad intentionem Benefactorum de tali Sancto, vel Festo dicantur, vel cantentur, servatis tamen rubricis Missalis Romani; idem diligat decorem domus Dei, Altaria, Imagines, Sacristiam, Chorum, totam Ecclesiam, Cæmeterium, ab omnibus fordibus, pulveribus, ac telis araneorum expurgando, & omnia vasa Ecclesiæ frequenter lavando per se, aut per Ministros ad id deputatos; Aquam verò, quæ corporalia, purificatoria, vasa sacra, & similia purificaverit in Piscinam sanctam ad hunc finem sub Altari præparatam effundet. Hostias item mundas absque ullis maculis intus, vel extra in decenti vase repositas habebit, vinum purum, & recens, aquam recentem, & mundam, in vasis itidem mundis. Res templi in locis accommodatis servabit, & res sacras, vel benedictas, ne putore, aut tineis consumantur custodiet, & excutiet, & ex eis corrosa digeret in cineres, & eosdem in Piscinam sanctam mittet, speciales Imagines Crucifixi pro Altari-

taribus habebit, tabulas subter candelabra, vel papyrum crassam procurabit. Ædificium, vel restorationem aliquam inconsulto Superiore non attentabit, ipsum concernit secundum morem domorum nostrarum in magnis solemnitatibus decorare floribus, & frondibus, cortinis, aliisque ornamentis tam templum, quàm Altaria secundum diversitatem temporum. Vestes tam Sacerdotales, quàm Altarium variabit juxta rubricas Missalis. Describet etiam in Cathalogo affixo ad Lavatorium Sacra celebranda suo ordine à Presbyteris. Item cujusvis hebdomadæ festa, & officia; Sæculares autem, specialiter faminas nunquam intromittet ad Sacristiam, nisi fuerint magnæ familiæ, & de licentia sui Superioris, Benefactorum nomina qualibet hebdomada in registro conscripta, Prælato præsentabit, ut is in Capitulo hebdomadali commendet eos orationibus, & Sacrificiis Conventualibus. Advenas Presbyteros ad Altare non admittat nisi patientes sui Sacerdotii, vel obedientiam Superiorum exhibuerint, tabulam Fratrum pro servitiis in templo à Superiore ordinatam, vel approbatam curabit observari, & pro legitimè occupatis alios subministrare, vigilantia impensè vacabit, & statutis horis, pro officio Divino, & Missis persolvendis pulsus campanæ dabit; porro ad Matutinum, Primam, & Vesperas bis pulset, ita ut primus pulsus sit brevis, secundus verò tam longus, ut à principio illius possint convenire Fratres de omni loco in quocumque fuerint ad Ecclesiam; spatium verò quod est inter duo signa, debet esse tam prolixum, ut de necessitatibus suis valeant se expedire Fratres, sicut & pulsus ipse ad alias horas. Ut autem suo tempore pulsetur, habeat horologium cum excitatorio benè ordinatum; manè, meridiè, & Vesperis pulsum, qui vulgò dicitur pro salutatione Angelica non negligat. Demùm post examen conscientia ante cubitum, faciat per tres ictus campanæ, ter pulsum ad orationem pro Defunctis. Obligationes perpetuæ Missarum, Officiorum, & Anniversariorum illius Ecclesiæ, nec non casus Bullæ Cœnæ Domini, & alii Ordinariis reservati in tabula aliqua describantur, & in patenti loco affigantur, quorum omnium perfectam notitiam tenetur habere, ut alios instruat, dum fuerit necesse.

3. Thesauri etiam Ecclesiæ, & omnium paramentorum illius
in

in auro, argento, casulis, pluvialibus, & his similibus, duo sint inventaria, unum deponetur in arca, in qua privilegia, & cætera Scripturæ Conventus asservantur, juxta quod Visitator rationem faciet cum Sacrista. Alterum sit penes Sacristam, in quo inscribet ea omnia, quæ fuerunt industria ejus comparata, vel liberalitate Benefactorum donata. Ipse autem laboret, ut apparatus Ecclesiæ sub tempus regiminis ipsius augeatur, & non diminuatur, omnibus affabilem se exhibeat, omnibus æquali affectu sua obsequia impendat, cum Sæcularibus specialiter familiæ nobilioris benignè, & humiliter agat, & prompta suorum obsequiorum alacritate piis desideriis eorum satisfacere, ac demùm gratiam Benefactorum Ecclesiæ conciliare satagat.

4. Ipsius est procurare lumen in Dormitorio, Refectorio tempore hyemis tenebroso, similiter dum Fratres vadunt ad Matutinum, ad Processiones, præsertim Corporis Christi, & Purificationis Beatæ Mariæ Virginis, candelas Fratribus subministrare, carbones in parellam congerere in frigoribus.

5. Præter alia requisita templi, & Altarium, habeat oleum infirmorum pro danda extrema Unctione Fratribus infirmis, quod decenter in vase argenteo asservet in Sacrario, Sepulturam extraneis non concedat, nisi ad consensum Prælati, tempore verò suæ mutationis Successori juxta Inventarium in præsentia duorum Fratrum reddat, Thesaurum, ac omnia paramenta Ecclesiæ, quorum Inventarium unum in Arca Conventus reponi, alterum autem novo Sacristæ tradi debet subscriptum utrumque ab iis, qui fuerunt præsentés à Priore deputati.



CAPUT XVI.

De Officio Rectoris Chori.

1.



D officium Cantoris pertinet optimè callere rubricas Missalis, & Breviarii Romani, cantum, & accentum Ordinis, ut juxta præscriptum illius dirigat Chorum, quod si fuerint cantus novi, & difficiles, maximè ubi est usus musicæ figuratæ convocet horâ recreationis post prandium omnes Fratres, & Presbyteros Musicos, cui omninò obtemperare debent, quocumque tempore vocantur ad cantum sub pœna arbitraria Superioris ad probandum, ne in publico loco symphonix confusionem faciant. Idem attendet ad Festa majora, & minora, Antiphonas duplicandas, puncta inter Officium Divinum recitandum, vel cantandum servanda, & festinantes reprimat, & ad æqualem cursum cum aliis coarctet.

2. Si verò necessitas exiget, habeat Succentorem, qui eum in cantu adjuvet, & Fratres juniores quolibet die post prandium Choralem cantum, & accentum Ordinis doceat.


3. Idem Cantor curabit apud Superiorem, ut libri benè correcti, & sufficientes quoad Chorum habeantur, attendens quomodo in pulpitem apponantur, quomodo recondantur, quando, & quale *Kyrie eleison*, *Gloria in excelsis*, *Offertorium*, *Sanctus*, & his similia debeant cantari, corrigendo errores in Choro non solum quoad cantum, & accentum, sed etiam quoad genuflexiones, & inclinationes tempore Officij Divini contingentes in absentia Superioris, negligentes quosvis, multo magis protervos, & contemptores suæ admonitionis deferat Prælato, aut ejus Vicegerenti.

4. Denique dum tardè surgitur ad Matutinum sive ex errore, sive ex negligentia id contingat, Superiorem commoneat, ut suo tempore hoc, & alias horas canonicas persolvi faciat. Anniversaria, Capitula, Missas celebrandas Fratribus significet, certificatus à Sacrista.

CA-

CAPUT XVII.

*De Officio minoris Collegæ destinati ad
obsequium Patris Generalis,
vel Provincialis.*

1.  INOR Collega destinatus obsequio Patris Generalis ordinariè ex Presbyteris ad hoc munus assumi debet, qui sobrietatem, pudicitiam, agilitatem, vigilantiam, & pietatem maximè colat. Et licet interdum Choro, & aliis officiis propter occupationes communes, & assistentiam Prioris Generalis interesse non possit, non tamen Sacrificium Missæ, & meditationem absoluto Divino Officio intermittat.


2. Ad officium minoris Collegæ pertinet visâ, & audita Secretario communicare, nec de facili omnia tanquam vera, & indubitata eidem deferat; circa vestes, libros, sigilla officii, farcinas utriusque, & alia ad officium pertinentia attendat, ut omnia sint integra, & munda.

3. Denique, quæ audierit à Patre Generali, vel Provinciali, & Secretario, profundo silentio celet; hospitium commodum, & honestum in itinere quærat, & omnia in promptu habeat, quæ ad usum quotidianum requiruntur. Eadem de Collega minore destinato ad obsequium Provincialis commendantur.




CAPUT XVIII.

De Hebdomadario.

1.  FFICIUM Hebdomadarii principale est, Missam Conventualem cantare, aut legere, & pro toto Conventu apud Deum interpellare. Diligenter advertat, nè in Officio Divino tam ad Altare, quàm in Choro errores aliquos committat, sed ante primas Vesperas, & alias horas prævideat omnia officia, Capitula, Orationes, Evangelia cum Homiliis, & his similia ad evitandam confusionem.
2. Eiusdem Officii est clara voce, & intelligibili aperto capite (facto signo Crucis) sequentia incipere, & intonare. In Matutinis: *Domine labia mea aperies* &c. In aliis horis: *Deus in adjutorium* &c. Totumque id faciet, quod in Missali, & Breviario Romano præscribitur.
3. Memoriae suæ non confidat, sed omnia ut absolutiones, Capitula, & alia quævis ex libro dicat.
4. Ad eundem spectat, nisi tunc Prælatus ipse celebrantem agat, incensare Altaria in Festis solemnioribus juxta Ritualia Ecclesiarum. In fine cujusvis lectionis vocem aliquantulum extollat, & ultimas syllabas protrahat, ut cognoscatur finivisse.
5. Completo Divino Officio libros claudat, & det Acolytho, vel Clerico, qui eos reponat in locis suis. Primus ingrediatur, & ultimus exeat Choro; sequenti autem hebdomada ipsius erit, primam Missam celebrare, vel cantare, tertia hebdomada celebrabit Missas juxta ordinationem Superioris, ac consuetudinem locorum.

CAPUT XIX.

De Lectore Chori, & Mensæ.

1.  N omni lectione specialiter in iis, quæ cantari, vel intonari debebunt siue fuerint Evangelia, siue Epistolæ, Capitula, Orationes, & his similia, diligenter invigilent, & attendant Lectores, ut verba singula proferant distinctè, & clarè, non præcipitanter, ut ab omnibus audiri, & intelligi possint, & ne confundantur, tempestivè omnia prævideant, si quæ ignoraverint interrogent, præsertim à Supprie, & Cantore. In Matutinis precibus, lectiones, Fratres juniores saltem Clerici absolvant, Homilias Hebdomadarii Patres, lectiones quando sunt cantandæ à junioribus incipiendo cantabuntur, ultimam Hebdomadarius absolvet.

2. Quicumque habuerit hoc officium Lectoris in Choro, vel alibi in Conventu ex libro manibus positus punctatim cum mora, seu pausa, sonora voce, mediocri tamen; distinctè leget, dum petit benedictionem, stans profundam faciet inclinationem, obvertendo prius faciem ad Altare, & postea ad Hebdomadarium, nec unquam incipiet lectionem antequam omnes in suis locis sedent, & omnis strepitus cesset. Interim Superior loci, vel Vicesgerens ipsius attendat, ne quo tumultu auditus aliorum inquietetur.

3. Lector Mensæ, libros pro lectione convenienti horâ ante Mensam, apertos habeat, quando leget attendat, in quo emendetur, & emendatus assurgendo repetat cum omni humilitate, tam diù donec corrigat errorem. Tandem ad signum Prælati finiet lectionem, dicendo: *Tu autem Domine* &c. ut & in collatione vespertina.

4. Cum autem librum incipiet legere præmittat titulum libri, videlicet Caput primum Numerorum, Levitici, &c. Si autem

R ij

à me-

à medio Capituli erit legendum, tum dicat continuatio Capituli de Pœnitentia, de Prudentia, &c.

5. Lectiones peculiare pro Festis assignentur à Superiore. Quando extranei aderunt Mensæ designentur Lectores magis idonei, quod observetur etiam in aliis actionibus Ecclesiasticis publicis.

CAPUT XX.

De Officio Procuratoris Conventûs.

1.



MNES Conventus Ordinis nostri habebunt Provisorem unum de medio Fratrum prudentem, temperantem, quietum, non pigrum, nec avaram, qui sit bonæ famæ, & laudabilis vitæ, ejus officii est inquirere diligenter, quid desit Conventui, quoad victum, & amictum Fratribus administrandum, ut tempestivè proprio studio necessitatibus communibus provideat in futura tempora; Subditorum Sæcularium, five rusticorum, querelas libenter audiat, causas eorum nunquam sine præsentia sui Prælati judicet, nisi ipse aliud ordinet, nec facilè relatis eorum credat, & non nisi auditis partibus Superiorem de contentione eorum informet, ut justa decernat; caveat etiam ne eos insolitis pœnis, & oneribus aggravet, ne plus uni, quàm alteri faveat, sit prætereà sollicitus de reparatione stillicidiorum Ecclesiæ, & Conventûs, attendat ad culturam, & seminaturam agrorum, sæpiùs cum socio visitet bona Conventûs, ne aliquid detrimenti per negligentiam ipsius Monasterium patiatur.

2. Singulis mensibus rationem exigat ab Officialibus Villarum, Prædiorum, juxta Inventarium rerum mobilium, & immobilium; ipse autem omnes proventus, quacumque viâ, & modo Conventui per manus ejus obvenientes Superiori, aut Depositario fideliter tradat, in quem finem habeat librum sui

Offi-

Officii, in quo exactè describat omnes perceptas, impensas, & debita activa, & passiva, nunquam verò ipse debita contrahat sine expressa licentia Prælati sub pœna carcerum unius hebdomadæ in pane, & aqua.

3. Noverit itidem omnes agros, vineas, prata, piscinas, Sylvas, & his similia cum limitibus eorum descriptis, ut Superiorem de periculo damni, si quod eis immineat tempestivè præmoneat.

4. Et quamvis exemplo Marthæ, cujus Officium gerit, erga multa debeat esse sollicitus pro utilitate Conventûs, tamen rigorem Monasticæ vitæ, & ordinarias mortificationes, silentium, & solitudinem Cellæ non subterfugiat, sed ad eam, sicuti ad portum salutis suæ securum revertatur, dum negotia Conventûs permittunt, ut cum aliis orando, legendo, meditando, evagationes mentis expellat, quas ipsi cura rerum temporalium ingesserat. Quod si fuerit Presbyter, singulis diebus quantum fieri poterit, Sacrum per se absolvat, vel adminûs audiat, antequam è Monasterio ad negotia peragenda exeat.

5. Nullo modo cum personis externis contra decentiam statûs religiosi negotiari præsumat.

6. Ad ejusdem Procuratoris curam pertinet familia Conventûs, nè quempiam sine commendatione aliorum de vita, & conversatione honesta suscipiat. Cogat omnes ad audiendam concionem, ad Sacrum diebus Dominicis, & Festivis, solemnioribus autem Festis etiam ad Confessionem, & Sacram Communionem. Sapiùs de vita, & moribus ipsorum inquirat, & singulos doceat, ut omnes Fratres etiam Conversos cum omni reverentiâ & modestiâ alloquantur, nec omittant communia obsequia Conventûs, propter particularia servitia Fratrum, mercedem itidem debitam habeant suo tempore, & vestes honestas in colore, & factura juxta staturam uniuscujusque. Quando verò aliquis erit dimittendus fiat id cum plena satisfactione, ut non cum infamia, sed cum commendatione Monasterii discedat, aliàs ipse propter mercedem injustè detentam à Confessario absolvi non poterit.

CAPUT XXI.

De Infirmaria, Infirmario, & Infirmis.

1.



1. **V**ALETUDINARIUM in singulis Conventibus, certo, ac salubriori loco constituatur, quod pro loci situ, ac Fratrum numero quoad fieri potest commodissimum esse possit cum suis Officinis, Apotheca Aromataria, ac suppellectili necessaria, atque cum Imaginibus ad devotionem, & patientiam commoventibus. Huic sit contiguum Oratorium pro Missa ab ægrotis audienda, vel celebranda.

2. Frater, vel Superior si per ejus culpam, vel negligentiam Fratrem aliquem mori contigerit, vel si absque Sacramentis, & Religiosis auxiliis, ac assistentiâ decesserit præter pœnas à Jure, aut à Constitutionibus Apostolicis statutas, pœnis etiam culpæ gravis, arbitrio Generalis, vel Provincialis juxta culpæ, & negligentia qualitatē puniantur.

3. Omnes proinde Superiores sufficientem provisionem, & diligentem curam circa Infirmos cujuscumque qualitatē fuerint, habeant, si Infirmus domi non possit habere Medicum mittatur cum socio ad talem locum, ubi de consilio Medici recuperet sanitatem, dummodò periculum majoris infirmitatis non præpediat iter, in quo casu provideat de Medico, vel Chirurgo Superior. Infirmi in principio infirmitatis statim confiteantur, & communicent, solita jejunia non debent frangere, nisi ob gravem infirmitatem. Cura talium Infirmorum committatur alicui Fratri charitativo timentī Deum, & potenti ad sufferendas molestias Infirmorum, sit idem compassivus in eorum necessitatibus, affabilis in verbis, providus, & discretus in procurandis, custodiendis, ministrandis omnibus necessariis, nec nimis parcus, nec prodigus in distribuendis.

4. Ad

4. Ad officium ejus pertinet habere curam omnium, quæ ad infirmariam, & infirmos pertinent, & sine defectu aliquo providere tempertivè ea omnia, quibus obvenientibus casibus ordinariis, vel extra ordinariis possit subvenire. Undè dum quempiam ex Fratribus in templo, vel Refectorio horis debitis viderit non adesse, advertat num aliquà infirmitate detineatur, ac Superiorem certificet; casu, quo multi Infirmi diversis morbis in Infirmary detinerentur, habeat Coadjutorem ex mandato Superioris, morbo languentibus semper servitor assistat.

5. Nullus Religiosorum intromittet se in officium Medici, vel Chirurghi, exceptis iis, qui eam artem ante ingressum Religionis in Saculo exercuerunt, quibus poterit Pater Generalis, vel Provincialis cum Definitoribus eam licentiam concedere, dummodò non interveniat abscissio alicujus membri, neque aduſio, excepto casu extremæ necessitatis. Presbyteris, & Clericis, qui cum altero poterunt horas canonicas recitare socius assignetur. Superior sæpiùs visitet Infirmos, maximè periculoso, & gravi morbo laborantes, exhortando eos ad patientiam, contritionem peccatorum, ad Sacramentum Extremæ Unctionis, verbis blandis, & devotis; si verò aliquis Infirmus phrænesi, aut alia aliqua ex causâ ratione privetur, & minùs decentia verba, aut signa faceret, quàm conveniat, Superior destinabit paucos, & certos, maximè eos, ad quos habebat confidentiam, ut cum eo conversentur.

6. Infirmi etiam procurent colligere fructum spirituales ex infirmitatibus corporis. Interiorem patientiam exteriori comprobando, ut verba sacrosancta *Jesus, Maria*, nec non alia bonæ ædificationis semper in ore habeant, caventes maximè ne impatientiæ, præsumptionis, aut desperationis, vel infidelitatis laqueis à damone irretiantur.

7. Superior habitâ informatione Infirmary providebit ea omnia, quæ fuerint necessaria ad curam Infirmorum, etiam si propter defectum domûs, calices, vel quidpiam aliud esset oppignorandum, maximè si infirmitas naturalis fuerit, vel contracta non ex vitio, vel pravâ consuetudine Infirmi. Infirmi autem non debent esse importuni, nec molesti suo Servitori, sed
pro-


provisione factâ, ex patrimonio Christi sint contenti, uti decet pauperes. Infirmarius loquatur modestè, ne Infirmos molester. Qui ex Infirmis molestus esset aliis, vel Infirmario, aut quidpiam dignum pœnâ faceret, Superior pro tunc reprehendat eum, pœnam verò dissimulet, & suo tempore delinquenti imponat. Ante Completorium, vel post detur Infirmis communis absolutio quotidie cum asperzione aquæ benedictæ.

8. Dum aliquis ex Infirmis unius Conventûs ad alium mittitur pro faciliore remedio sanitatis, Superior Infirmi subditi sui, omnes sumptus debet facere, & illi Conventui totum restituere quidquid pro Subdito illius Infirmi expendit.

9. Qui ex Superioribus negligentes fuerint in visitandis Infirmis sui Conventûs, vel per negligentiam non providerint Infirmariam, & alia pertinentia ad curam Infirmi, moneantur à Fratribus per Seniore, quod si se non emendaverint, deferantur ad Patrem Generalem, vel Provincialem, ut acrius reprehendantur in præsentia omnium. Quod si nec tunc se emendaverint, & convicti fuerint, officio suo priventur, quo casu informatio erit requirenda ab Infirmario, & aliquibus Infirmis, tam præteritis, quam præsentibus. Quod si Prior Provincialis, aut quispiam alius Visitator vices ejus gerens convictum de tali negligentia ab officio Prælationis non dimoveret, in Capitulo per Definitorium gravius puniatur.

CAPUT XXII.

De Fratribus Agonizantibus.

1.  ORBO ingravescente Infirmus ex mandato Superioris inquiratur diligenter, an teneatur ad restitutionem bonorum, aut famæ? vel an habeat aliquam rem penes se sine scitu Superioris? postea curet Superior, ut Infirmus eliciat actus Fidei, Spei, Charitatis, Contritionis, finitaque super illum interrogatione ex Rituali Romano, alia faciat pro dispositione subiecti; cum Infirmus fue-

fuerit in extremis, de die, & nocte habeat semper custodes Fratres, quem universus Conventus orationibus, & Sacrificiis conabitur adjuvare: Superior autem destinabit certos Patres, qui assistant animæ suæ transituræ ad patriam, observantes præscripta in Rituali Romano.

2. Si aliquis ex Religiosis, aut Familia Conventus per negligentiam Superioris moreretur sine Sacramentis, sine ulla dispensatione Superior talis privetur suo officio, & inhabilis denunciatur ad omnes dignitates. In ultimo articulo vitæ Infirmi, ad sonum campanæ datum per Infirmarium omnes sine mora, & expectatione quocumque tempore evenerit ad Infirmariam conveniant, ibi cum omni devotione officium præscriptum recitent pro commendanda anima Agonizantis. Tum per Superiorem absolutio plenaria Agonizanti ex speciali concessione felicitis recordationis Martini V. detur.

ABSOLUTIO GENERALIS

Pro Agonizantibus

Ex antiquo Ordinis nostri Breviario.



ICATUR à Circumstantibus *Confiteor* &c. post quod Superior subjungat, *Misereatur tui Omnipotens Deus* &c. R. Amen. *Indulgentiam absolutionem* &c. R. Amen.

Dominus noster Jesus Christus per suam piissimam misericordiam, & per merita suæ dignissimæ Passionis te absolvat: & Ego autoritate ejusdem Domini nostri Jesu Christi, & Beatorum Apostolorum ejus Petri, & Pauli, ac autoritate Sanctæ Romanæ Ecclesiæ specialiter Ordini nostro, & singulis Fratribus ejus concessa, absolvo te ab omni sententia excommunicationis, suspensionis, & interdicti, à transgressione, & negligentia Divinorum præceptorum,

S

ac

ac salubrium statutorum Sanctorum Patrum, Ecclesiæ Dei, nec non Regulæ, & Constitutionum Ordinis tui: Et restituo te Sacramentis Sanctæ Matris Ecclesiæ, & reintegro te unitati ejusdem Ecclesiæ: do, & concedo tibi plenam remissionem, & indulgentiam peccatorum tuorum, & pœnarum, vigore indulgentiarum, quæ Ordini nostro fuerunt concessæ, quibus pro iisdem peccatis obnoxius existis, de quibus confessus fuisti, & velles confiteri, si eorum memoriam haberes; quantum claves ejusdem Ecclesiæ se extendunt, & gratum fuerit in oculis Divinæ Majestatis: quam remissionem, & gratiam Romani Pontifices censuerunt interdum per speciale Privilegium personis aliquibus impertiri. Quæ quidem remissio sit tibi in augmentum virtutis, & gratiæ, & in acquisitionem immediatè post tuum transitum gloriæ æternæ. In nomine Patris, & Filii, † & Spiritus Sancti. R. Amen.

Alia Absolutio Communis.

Dicatur ut supra ab Infirmo *Confiteor* &c. post quod subjungat Confessarius. *Misereatur tui Omnipotens Deus* &c. R. Amen. *Indulgentiam absolutionem* &c. R. Amen.

Dominus noster Jesus Christus, per suam piissimam misericordiam, & merita suæ dignissimæ Passionis te absolvat: & ego authoritate ejusdem Domini nostri Jesu Christi, & authoritate Apostolorum ejus Petri, & Pauli, nec non authoritate Sacerdotali, quâ fungor, absolvo te ab omnibus peccatis tuis, Deo, & mihi modò confessis, oblitis, & à circumstantiis eorundem: qualiter, & quotiescumque Dominum Deum Creatorem tuum offendisti, & animam tuam maculasti; ut sis absolutus coram Deo, & Sanctis Angelis ejus. In nomine Patris, & Filii, † & Spiritus Sancti. R. Amen.

Quod si ista pœnitentia per me injuncta non esset sufficiens, aut condigna, suppleant merita Passionis Domini nostri Jesu Christi, & merita Gloriosissimæ Virginis Mariæ, nec non labor, & rigor Ordinis, patientia in adversis, humilitas istius Sanctissimæ

mæ Confessionis, & omnia bona opera, quæ fecisti, aut quæ proponis facere in sancta Religione sint tibi in remissionem peccatorum tuorum, & augmentum Divinæ gratiæ. R. Amen.

Post utramque hanc absolutionem addat Superior, vel Confessarius. Quod si hac vice non decesseris, reservo tibi hanc gratiam usque ad extremum mortis tuæ articulum. Passio Domini nostri Jesu Christi &c. R. Amen.

Dominus custodiat introitum tuum, & exitum tuum, sitque Protector tuus, & Defensor vitæ, ac mortis tuæ. R. Amen.

3. Ubi verò spiritus à corpore erit separatus, mortuus induatur per personas ad id destinatas, habitu, scapulari, capuccio, præcinctus cingulo, & coopertus cappâ, sic indutus deportetur ad locum destinatum, ubi ponentur candelæ accensæ cum Cruce, & aqua benedicta, & tunc Superior distribuet tempus Conventualibus, quorum bini suis horis Psalterium recitent pro defuncto cum *Requiem æternam* &c. usque ad horam suæ sepulturæ. Quod si quispiam moriatur subitanea morte ante decursum viginti quatuor horarum nequaquam sepeliatur, interim per Superiorem commendetur anima ipsius Fratribus; ut autem juxta præscriptum Constitutionum satisfiat obligationi, obitus defuncti quanto citius Conventibus Provinciæ, aliisque per Superiorem intimetur.

4. Statuimus etiam, ut in Ecclesiis nostris separata sepulchra procurentur, in quibus nonnisi magni Benefactores, & Fundatores cum Fratribus deponantur.

5. Res demortui Fratris cedant illi Monasterio, de cujus fuerat residentia ad usum ei concessæ, exceptis vestibus; quæ poterunt Vestiario applicari illius Conventus, in quo eum mors deprehenderit. Item exceptis rebus Prioris Generalis, vel Provincialis, quæ ad officium Successoris pertineant. Idem judicium erit de rebus fugitivorum, condemnatorum ad carceres perpetuos, quod defunctorum.

C A P U T X X I I I .

De Receptione Hospitum .

1.



UILIBET Superior Ordinis nostri unum ex Patribus designet , bonis moribus præditum , promptum , & diligentem in servitiis , prudentem in loquela , qui Fratres hospites excipiat , & religiosè sciat se accommodare omnibus , poterit , & Socium habere dum frequentia hospitum id exiget . Porro hospitium commune quilibet Conventus habeat separatum quantum fieri poterit à Dormitorio Fratrum ; in eodem hospitio sint lecti honesti secundum paupertatem Religiosam , si hospites tardè venerint Præfectus hospitii procurabit ex communi Conventus dispensa , & cellario mensam prout Superior ordinaverit ; Fratres hospites non discurrant per aliorum Cellas contenti hospitio sibi assignato , & si venerint tempore silentii cum nullo alio loquantur , nisi cum eo , qui fuerit destinatus ad servitium eorum , idque voce submissa .

2. Ad officium Præfecti hospitii pertinet attendere ne quid minus indecorum , & dissolutum fiat in hospitio , & de his omnibus Superiorem reddet certiolem . Fratres hospites ubi pervenerint ad aliquod Monasterium , exhibeant obedientiam sui Superioris in scriptis expressam Prælato illius Conventus , & tum per tres dies liberi à Choro , charitativè tractentur , quibus elapsis , subeant onera Conventus cum aliis ibidem residentibus , nisi negotia aliqua habeant commissa , quæ longiori tempore indigeant . Si sine litteris obedientialibus venerint , detineantur usque ad informationem sui Superioris . Fratres autem hospites sub obedientia Superioris domus manebunt , & cum Socio deputato ad negotia conficienda mittentur .

3. Prætereà nullus Religiosorum nostrorum cujuscunque dignitatis audeat dormire extra Conventum in iis locis , ubi

Ma-

Monasterium habetur sub pœna carcerum per tres dies in pane, & aqua. Quod si aliquid tale committeret, quod meretur pœnam, damus plenam potestatem Superiori, ut in eum animadvertat secundum præscripta Constitutionum, non secus ac si suus subditus esset; si verò Superior non posset absque scandalo pœnitentiam imponere, tum claram, & plenam informationem ipsius legitimo Superiori, vel ipsi Provinciali cum omnibus circumstantiis factum delinquentis aggravantibus transmittat. Homicidæ verò, & alii fugientes ad Claustra nostra propter securitatem vitæ, quantò citius expediantur, nec ultra quinque dies detineantur, (ita tamen, ut loci immunitas, & libertas Ecclesiæ non lædatur) nisi per Justitiam, vel Inimicos quærantur, quo casu Superior de consilio aliquot Patrum poterit ipsos celare, dummodò serventur in loco totaliter à Religiosis remoto, ne ullus eos alloquatur sine speciali licentia Superioris.

4. Venientibus de longa via Fratribus pro consuetudine pedes laventur, sine dispendio disciplinæ Religiosæ, à Fratribus, quos Superior destinabit, & dicantur sequentes preces alternatim. In primis:

Deus misereatur nostri, & benedicat nobis: * illuminet vultum suum super nos, & misereatur nostri.

Ut cognoscamus in terra viam tuam: * in omnibus gentibus salutare tuum.

Confiteantur tibi populi Deus: * confiteantur tibi populi omnes.

Latentur, & exultent gentes: * quoniam judicas populos in æquitate, & gentes in terra dirigis.

Confiteantur tibi populi Deus, confiteantur tibi populi omnes: * terra dedit fructum suum.

Benedicat nos Deus, Deus noster, benedicat nos Deus: * & metuant eum omnes fines terræ.

Gloria Patri &c. Sicut erat &c.

Ecce quàm bonum, & quàm jucundum: * habitare fratres in unum.

Sicut unguentum in capite: * quod descendit in Barbam, Barbam Aaron.

Quod

*Quod descendit in oram vestimenti ejus: * sicut ros Hermon, qui descendit in montem Sion.*

*Quoniam illic mandavit Dominus benedictionem: * Et vitam usque in seculum.*

Gloria Patri &c. Sicut erat &c.

Ecce nunc benedicite Dominum: * omnes servi Domini.

*Qui statis in domo Domini: * in atriis domus Dei nostri.*

*In noctibus extollite manus vestras in sancta: * Et benedicite Dominum.*

*Benedicat te Dominus ex Sion: * qui fecit caelum, Et terram.*

Gloria Patri &c. Sicut erat &c.

Kyrie eleison. Christe eleison. Kyrie eleison. Pater noster &c.

Ps. Et ne nos inducas in tentationem.

R. Sed libera nos à malo.

Ps. Suscepimus Deus misericordiam tuam.

R. In medio templi tui.

Ps. Tu mandasti.

R. Mandata tua custodiri nimis.

Ps. Tu lavasti pedes Discipulorum tuorum.

R. Opera manuum tuarum ne despicias.

Ps. Domine exaudi orationem meam.

R. Et clamor meus ad te veniat.

Ps. Dominus vobiscum.

R. Et cum spiritu tuo.

Oremus.

Adesto Domine servitutis nostrae officio, qui pedes Apostolorum tuorum lavare dignatus es, ne despicias opera mandatorum tuorum, quae nobis retinenda praecipisti; ut sicut hinc exteriora abluuntur inquinamenta, sic ante te omnium nostrum laventur peccata. *Qui vivis &c.*

Oremus.


Deus, qui Apostolorum tuorum pedes abluens, piique affectus nobis exemplum praebens charitatis mandatum dedisti, tribue

buc quæsumus; ut obsequiis mandatorum tuorum parentes, de tuo sine fine laetemur aspectu.

Omnipotens sempiterne Deus da nobis fidei, spei, & charitatis augmentum, & ut mereamur assequi quod promittis, fac nos amare quod præcipis. Per Dominum nostrum Jesum Christum &c. R. Amen.

CAPUT XXIV.

De Officio Bibliothecarii.

1.  **BEAT** Bibliothecarius Catalogum Librorum omnium ordinatè descriptum, quos etiam bona dispositione in suis locis collocet. Ut in alio loco sint Theologi, Scholastici, Mystici, Concionatores, Casistæ, & in alio Philosophi, Historici, Politici, Rhetores, & alii prophani; ex Indice Librorum prohibitorum discat, qui sint libri, vel suspensi, vel prohibiti, & circa eos servet Decreta Sacræ Congregationis Indicis.

2. Nemini extra Conventum sub privatione vocis activæ, & Passivæ ad duos annos ullum librum ex Bibliotheca concedat sine licentia expressa Prælati, cui rigorosè præcipitur sub pana proprietariorum ne audeat sine consensu sui Conventus quovis libros Bibliothecæ donare, vendere, alienare, vel oppignorare; eidem panæ ii subjacebunt, qui libros quovis modo acquisitos alienare præsumpserint sine expressa licentia Superioris, quam non debet concedere, nisi in gravi necessitate, vel evidenti commodo, si scilicet illi vendantur, ut minùs necessarii, & alii magis utiles eadem pecuniâ comparentur. Authores talium alienationum, libros sine licentia Superioris alienatos à Possessoribus malæ fidei recuperabunt, aliàs non absolvendi à Confessariis.


3. Et ut Libri Conventus ab aliis dignoscantur, Bibliothecarius in primo folio cujusvis Libri faciet inscriptionem talem. Iste liber est N. Conventus Ordinis Eremitarum Sancti Pauli primi
Ere-

Erenitæ, quem dedit, vel comparavit talis N. Extranei ad Bibliothecam non admittantur sine licentia Prælati, nec soli relinquuntur sub pænâ disciplinæ pro qualibet vice; Fratres accipientes aliquos libros ex Bibliotheca propriâ manu se subscribant in Registro Bibliothecæ, quo die, & quos Libros acceperint: primâ hebdomadâ post Pascha Librorum dabit rationem Superiori juxta Inventarium Bibliothecæ: id ipsum faciet, dum alter in locum ejus succedet. Quod si cui externo aliquos Libros ad usum concesserit de consensu Superioris, statim scribat in registro diem, personam, & tempus, quo liber sit reddendus; manuscripta si sint magnorum virorum in loco separato, & convenienti reponantur.

4. Libros, qui rarò aperiri solent sæpiùs purget, & moveat, munditiem in Bibliotheca observet, videatque ne aliquibus stillicidiis, aut putore loci consumantur. Superiori loci quotannis in memoriam revocet augmentum Bibliothecæ, cætera quæ ad libros spectant, agat cum consilio Supprioris.

C A P U T X X V.

De Janitore.

1.  D sonum campanæ Janitor sit sollicitus, nec priùs aperiat portam, antequàm per fenestram videat qualitatem personæ venientis, quæ si fuerit ejus conditionis, ut non requirat intromissionem per fenestram portæ expediatur modestè.

2. Si ex Fratribus aliquis tempore Divini Officii dum dicitur in Choro, tempore Capituli, prandii, aut cænæ, aut etiam silentii ad portam vocabitur, nunquam petat licentiam à Superiore pro illo vocando, nisi fuerit urgens necessitas. Quòd si aliqua fuerit persona gravis, aut Religiosa cum alacritate, & reverentiâ ad interiorem ambitum Monasterii, vel aliquem locum honestum intromittatur, & sine mora significet Superiori.

3. Superiores nec faciles sint ad dandam licentiam introdu-

cen-

cendi Sæculares inter claustra Monasterii, nec ducantur ad hortos Conventûs, multò minùs per totum claustrum nisi sint magni viri.

4. Portæ, & Januæ Monasterii superfluæ non permittantur, ut in omnibus quieti Fratrum consulatur, & fama illorum integra apud omnes permaneat; post datum signum pro silentio immediatè porta Monasterii claudatur, & claves referantur ad Superiorem, in cujus cella sub custodia debent seruari tota nocte, nisi aliqua causa rationabilis aliud suaserit; quandoque Superior cum Socio videat, an facta sit firmiter Monasterii pro nocte clausura?


5. Porro Superior loci qui fuerit negligens in servanda clausura portæ, nec sufficientem Janitorem providerit, in prima visitatione reprehendatur: in secunda officio suo privetur; cum fuerit ad mensam Portarius, poterunt etiam Presbyteri ad custodiam portæ in signum humilitatis exercendæ destinari.

Finito prandio ordinarius Janitor distribuet eleemosynam pauperibus pro possibilitate domûs habendo compassionem supra magis indigentes.

6. Superior curabit attendi, ne familia nocturnis horis vacet computationi, aut aliis levitatibus parum decentibus, scandalosos faciat dimitti, videat ne aliquis ex Fratribus indiscretè habens lumen in cella præbeat ansam incendio. Ipsum denique Janitorem frequenter examinabit de industria, & fidelitate, & si necesse fuerit officio privabit.

CAPUT XXVI.

De Archiviis Ordinis, Provinciarum, & Conventuum.

- I.  RIMUM Archivium sit in residentia Patris Generalis, in quo servantur privilegia Ordinis à Sede Apostolica, vel Sacra Cæsarea Majestate, aut à piis Regibus toti Ordini concessa. Item liber, in quo transumpta prædicto-

T

dicto-

dictorum contineantur, similiter decisiones Definitoriorum Generalium, si quas fortè supra dubia Constitutionum, vel Provinciarum formabunt, cum subscriptione Patris Generalis, Definitorii, ac Secretarii; porrò prædicta in bona clausura, & in Arca benè obfirmata asserventur sub duabus clavibus, quas designati Patres à Patre Generali penes se habebunt, nec sine licentia ejusdem prædicta ad describendum concedent.

2. Propter periculum autem incendii, aut alicujus vastationis repentinæ, aliud exemplar librorum prædictorum authenticatum habeatur in Monasterio alterius Provinciæ munitiore sub custodia Prioris, & unius Patris senioris illius Conventus à Patre Generali designati.

3. Ad eundem modum Archivia sua habebunt omnes Provinciæ, & Conventus, in quibus Privilegia Ordinis, acta Capituli, Visitationes particulares, Ordinationes, numerus Fratrum Professorum, tam vivorum, quàm mortuorum, cum descriptione illorum vitæ, reponantur; item descriptiones illorum foundationis cum suis obligationibus, bonorum immobilium, cum suis limitibus, ac rerum templi, denique debitorum, bonorumque mobilium subditorum cum eorum debitis laboribus, ac tributis in libris honestè, firmiterque compositis habeantur, ac in certis, distinctisque loculis sub diligenti custodia in tutis locis conserventur. Quæ omnia Visitatoribus in eorum visitationibus Superiòres præsentare tenebuntur.

CAPUT XXVII.

De Sigillo Ordinis, Provinciarum, ac Conventuum.



IGILLUM Ordinis duplex sit, habens Imaginem Sancti Patris nostri, cui corvus deferat panem, circumcirca sint hæc verba: Sigillum majus, vel minus Ordinis Sancti Pauli primi Eremitæ Officii Generalatûs, vel Provincialatûs.

2. Ma-

2. Majoris usus erit in rebus substantialibus, ut in confirmationibus officialium, Missionibus extra Provinciam, & aliis negotiis majoris momenti, quæ vel auctoritatem Generalis, vel robur perpetuum requirunt; minoris autem usus erit in rebus communibus uti litteris ad Fratres, aut sæculares.


3. Unusquisque Conventus habeat Sigillum cum inscriptione circumferentiali, Sigillum Conventus N. N. nostri Ordinis Sancti Pauli primi Eremitæ.

4. Nullus Fratrum accipiet litteras sine benedictione Superioris, nec alio Sigillo firmabit, quàm ejusdem Superioris sui, sub pæna culpæ Part. 1. Cap. 30. num. 4. præscripta.

5. Permittitur tamen, ut hi, qui constituunt Definitorium Generale, vel Provinciale possint habere Sigilla officiis suis debita, sicut & Procurator Generalis.

CAPUT XXVIII.

*De Deposito Ordinis, Provinciarum,
& Conventuum.*

1.  RO occurrentibus necessitatibus Ordinis omnes Provinciæ in Capitulis Generalibus faciant contributionem pecuniariam determinandam per Patrem Generalem cum suo Definitorio, quæ servetur in loco securo sub tribus clavibus, quarum unam habeat Reverendissimus Pater Generalis, secundam primus Definitor, tertiam Superior loci, nec liceat quidpiam inde accipere cuiquam etiam Patri Generali sine pleno consensu omnium Definitorum in scriptis, quem si dederint, ut aliquid inde accipiatur pro bono communi totius Ordinis, fiat semper id in horum trium præsentia.

2. Officio itidem Patrum Provincialium cum suis Definitoribus incumbet determinare certam summam unicuique Conventui, quæ ad Capitulum Provinciale debet ferri, & noviter

T ij


electo

electo Provinciali cum Definitoribus extradi tantum pro bono totius Provinciæ de consensu Patrum Definitorum.

3. Omnes etiam Conventus habeant suum depositum ad quod tenentur singuli Priores, quotannis certam summam pecuniæ à Patre Provinciali, & Definitoribus determinandam deponere, nec liceat Patribus Prioribus inde aliquid accipere sine consensu Supprioris, & Patris Senioris, quorum singuli habebunt ad dictum depositum diversas claves, ut unus sine altero non possit Arcam depositi aperire; eleemosyna autem obveniens Ecclesiæ in nullum alium usum convertatur, nisi pro paramentis Ecclesiasticis, structurâ, ac reparatione Ecclesiæ. Item notabilia legata Ecclesiarum, & Monasteriorum, quæ offeruntur nullatenus consumantur, sed in bonis immobilibus certis, & securis applicentur de consensu totius Conventus. Qui secus fecerint, vel contributionem ut supra descriptum est facere neglexerint, præter privationem officii, careant voce activâ, & passivâ ad triennium.

CAPUT XXIX.

De Visitatione.

1.  RIOR Generalis Ordinem totum bis in suo sexennio, Provincialis Provinciam singulis annis in persona sua, legitimè verò impeditus per commissarios visitet: Superiores autem locorum regimini suorum Monasteriorum sollicitè invigilent, & si quid visitatione peculiari dignum occurrit Provinciali, vel Generali denuntient.

2. Visitator Provinciæ sive alicujus Conventus à Patre Generali, vel Provinciali substitutus, cum omni diligentia, maturitate, & æquitate munus suum exequatur, ita ut Fratrum culpas juxta Statuta Ordinis corrigat; si aliquam consuetudinem dissonam regulari observantiæ advertet, eam exterminet, & ad debitum vivendi modum, ac majorem devotionem Fratres redigat,

digat, nec ullo modo patiat in aliquo Conventu etiam minimo, communes cæremonias, & Sanctas Institutiones à quoquam negligi, quæ particulares personas Fratrum concernunt, uti sunt Silentium, Meditationes, Jejunia, Capitula, Confessio, Communio &c.

3. Si contingat Visitatorem Generalem incidere in visitationem Patris Provincialis, ipsum Provincialem certificet de adventu suo, & ut à visitatione illa desistat, admoneat.

4. Primum locum Visitator tenebit cum Secretario suo etiam supra Priorem; functus autem officio suo, si morari illum diutius extra actum visitationis contigerit, juxta dignitatem Officii sui locum retinebit. Visitator autem attendere debet ne ullis blanditiis, donis, aut servitiis corrumpatur, nec lautas epulas admittat, sed cum gratiarum actione contentus sit eo quod sibi honestè apponetur, sic se gerens, ut relinquat Fratribus virtutis exemplum.

5. Antequam inchoet visitationem certificet Superiorem loci, ut omnes Fratres pro certo die domi sint, quos finito de more Sacro ad locum opportunum per sonum Campanæ vocari faciat, ibique facto signo Sanctæ Crucis, dictoque *Benedicite* &c. Si fuerit substitutus litteras missionis suæ exhibeat Patribus, tum præstita sibi obedientiâ brevem sermonem faciat de aliqua re spirituali, Fratresque commoneat, ne quis eorum in tam solemnī actu dicat res frivolas, & quod non excusabuntur à culpa dum occultabunt ea, quæ manifestanda essent, quæ ipsi per fraternam admonitionem, aut denunciationem secundum Evangelium coram Superiore suo corrigere non poterant, deindè faciat legi antiquum Statutum Ordinis, quod sequitur.

6. Statuimus in virtute Sanctæ Obedientiæ, quod nullus Priorum occultas compositiones ante adventum Visitatoris cum Fratribus, vel contra Fratres habere quoquo modo præsumat, unde aliqua ambitionis nota, odia, aut dissensiones oriri valeant. Secus faciens præter reatum peccati mortalis per triennium careat honore Prælationis, insuper in Capitulo proximè venturo coram universis Fratribus tanquam animarum seductor, aut Prælationis cupidus, durius redarguatur, Fratres etiam subditi con-

tra

tra suum Superiorem, vel alium ex Religione aliquas conspirationes malignas struentes præter lathalem culpam pænâ gravioris culpæ irremissibiliter punientur.

7. Nos itaque Frater N. hujus Provinciæ, vel Conventûs Sancti Pauli primi Eremitæ Visitator, vos omnes, & singulos Patres, & Fratres hujus Conventûs ejusdem Ordinis, ac professionis rogamus, hortamur, & in Domino monemus primò, secundò, tertio, & vobis in virtute Spiritûs Sancti præcipimus per obedientiam salutarem, quatenus remotis odio, timore, amore, pretio, & precibus nobis inquantum in Domino poteritis, dicatis veritatem in omnibus, de quibus à nobis requisiti, vel interrogati fueritis, & insuper si aliquid notabile scitis, vel audivistis de Venerabili Priore vestro, vel Fratre aliquo, quod tolerari non debeat, nec deceat, illud nobis charitativè reveletis; attendentes ad verba Divi Augustini: in cæteris inveniendis, indicandis, judicandis, convincendisque peccatis diligenter, & fideliter observetur cum dilectione hominum, & odio vitiorum; nec vos judicetis esse malevolos, quando hoc indicatis, magis quippe innocentes non estis, si Fratres vestros, quos indicando corrigere potestis, tacendo perire permittitis.

8. Hæc autem sunt, de quibus unumquemque vestrum à nobis requisitum, & interrogatum esse volumus, atque defacto requirimus, & interrogamus videlicet.

I. An sit aliquis proprietarius in Conventu, vel qui rem sibi collatam celet?

II. An aliquis Fratrum cum scandalo non alloquatur alterum?

III. Si divagationes sæpiùs ex Conventu fiant, an examinentur à Superiore reversi domum de conversatione regulari?

IV. Si aliquis in visitandis mulieribus est frequens, aut cum illis minùs modestè se gerit.

V. An aliqui sint notati de familiaritate personarum sinistrae suspicionis, vel hominum malæ famæ?

VI. Si intus, vel foris sunt potatores, otio dediti, vel ludis utantur prohibitis.

VII. Si aliqui sint assueti jurare, vel turpiter loqui etiam jocose, unde alii scandalizentur.

VIII. An

VIII. An singuli debite Priori suo subjiciantur.

IX. Si sint qui frequenter cum propinquis, consanguineis, aliisque secularibus agant, vel se eorum negotiis immisceant?

X. Si Regula, & Constitutiones legantur, vel si aliquid ex iis, aliisque ordinationibus, aut Superiorum quorumcumque præceptis, aut statutis contemnatur. Ita scilicet, quod nec Prior Fratres ad observandum moneat, hortetur, nec transgressores aliquando, aut raro reprehendat, & corrigat.

XI. An Divinum Officium sedate, clare, punctatim cum debitis inclinationibus, aut circumstantiis aliis persolvatur?

XII. An Fratres præscriptis temporibus confiteantur, communicevent?

XIII. An Missæ quatuor in hebdomada à quolibet absolvantur.

XIV. An obligationibus Fundatorum, aliorumque Benefactorum quo ad omnia satisfiat?

XV. Si omnes ad Chorum, Refectorium, aliaque Communitatis officia convenient.

XVI. An aliquis sit suspectus de horis non dicendis?

XVII. An Ecclesia, Sacristia, Sacre vestes, & alia, quæ ad cultum Divinum pertinent, debito, & religioso modo serventur, præcipue autem Sanctissimæ Eucharistiæ Sacramentum, & si lampas die, ac nocte coram illo luceat?

XVIII. Quomodo servetur oleum pro infirmis, & reliquiæ Sanctorum?

An, & quomodo serviatur infirmis, & eis necessaria tribuantur?

XIX. Quomodo Fratres Juniores instruantur?

XX. An solita jejunia Ordinis sine causa frangantur?

XXI. An strictum silentium suis horis, ac locis observetur?

XXII. Si diebus statutis Capitulum teneatur, & an omnes ad illud veniant?

XXIII. An Superior visitet sæpius cellas per annum, an ad Matutinum surgat, legesque sui officii observet, aliosque Officiales observare faciat?

XXIX. An

XXIV. An famuli sint pacifici, honesti, vel aliqui minùs necessarii?

9. His lectis præcipiat, ne ullus domo sine licentia sua egrediatur; post dimittat Capitulum, & cum Priore, & Sacrista visitet Sanctissimum Sacramentum cum debitis cæremoniis, & si tum videbitur lustret Ecclesiam considerando an munda, & composita sint omnia, si fores Sacristiæ, ac templi fortes, suis temporibus claudantur. Inspiciat Confessionalia an sint loco patenti, si crates eorum strictæ, & honestæ ne locus tanti Sacramenti sit aliis communis? An Altaria interius vacua, vel aliqua sint in Ecclesia loca obscura, in quibus aliquis posset abscondi? Quæ omninò jubeat corrigi; similiter provideant, ne Altaria sub sint aliquibus contignationibus, vel locis, ubi ambulatur, libros quoque Chori videat, an sint correcti, vel corrosi? Videat quoque templi fornicem, fenestras, Sacristiæ firmitatem, & munditiam, & ne putore loci paramenta solito citiùs corrumpantur; videat etiam memoriam Missarum, quæ ex fundatione primæva, vel speciali, aut obventionibus eleemosynarum, an in patenti sint, & absolvantur?

10. Post hæc Prior Visitatori offerat scripta nomina, cognomina, ætatem, officia, & gradus singulorum, ac consignet, qui ad testimonia, & accusationes admitti possint, Fratremque idoneum designet, pro servitio Visitatoris, qui ad Inquisitionem alios convocet. Idem Pater Prior exhibeat Regulam, Constitutiones tam communes, quàm particulares per alios Visitatores ordinatas illi Conventui, & sui officii proprias, libros quoque fundationum, expensarum, proventuum, obligationum, Ecclesiæ, ac Conventus præsentet. Porro Inquisitionem Visitator inchoabit à Junioribus Fratribus, & desinet in ipso Priore, qui de singulis meliorem ipsi dabit informationem.

11. Relata à Fratribus per Secretarium Visitationis notabuntur, in quorum fine (charta alia contegente dicta aliorum) unusquisque se subscribat, ordinarias autem, & magis frequentes transgressiones Regulæ, & Constitutionum, & à quibus perpetrantur, præcipuè advertat. Cætera hîc diligenter observentur posita infra de processu Regularium judiciali.

12. Per-

12. Peracta Fratrum visitatione visitabit promptuarium vulgò dispensam Conventus, & exiget rationem dati, & accepti, & expensarum, quarum sub conscientiae onere omnes Priores fidelem, & exactam rationem reddere teneantur. Inquiret de debitis, mutuo data, vel accepta pecunia &c. ac in eodem libro pro majori fide praedicta manu propria subscribet, & sigillum suum Visitator apponet. Insuper inquiret an omnia bona ex fundatione provideantur? An in limitibus eorum sit ex aliqua parte defectus? Ordinetque, ut cum certis Patribus si quæ sint deperdita recuperentur, desolata restaurentur.

13. Cellas etiam Fratrum lustrabit omnium, & si quid in eis indecens, pretiosum, superfluum advertet, usui communi applicet; contra murmurantes pœnam ferat. Demùm videat alias Conventus mansiones, præcipuè infirmariam, commune Fratrum hospitium, vestiariam, Bibliothecam; ubi exactè omnia notet, & corrigat, ut suo tempore de bono, vel malo regimine Prioris possit Generalem, vel Provincialem, aut Capitulum informare.

14. Quod si ipse Generalis, vel Provincialis in sua persona visitaverit, statim corriget negligentiam Prioris, & quoad vestiariam Fratrum, Bibliothecam, in illo actu visitationis ordinet taxam certam pro libris quotannis comparandis, ac pro vestitu Fratrum, secundum eorum indigentiam.

15. Visitator secundum sapientiam à Deo acceptam poterit particulares ordinationes pro Conventu statuere, prout necessitas exegerit ad meliorem conservationem regularis disciplinae, quæ inscribantur libro Conventus, & subscriptione manus Visitatoris, ac Secretarii muniantur, de quarum observatione dabit testimonium Capitulo Prior, & Discretus illius Conventus.

16. Cum Generalis, aut Provincialis, vel alius Visitator Monasteria studiorum visitabit, de Studentium progressu periculum faciat, & notabiliter culpabiles à studio illo amoveat, non tamen adeò facile ob ingenii tarditatem, dummodò sint observantes.

17. Finita Inquisitione, Capitulum de culpis faciat, præ-

missoque sermone ad Fratres moneat, ut se ad pœnitentiam humilient. Tum in primis Prior genuflexus dicat suas culpas, nec furgat, quamdiu eum allocutus fuerit Visitator, ceteri Fratres ob reverentiam Prioris stent; substitutus Visitator Priorem deponere non poterit, benè tamen ab officio suspendere, ac regimen Suppriori demandare, donec missa informatione Patri Generali, aut Provinciali, ipsi quid agendum sit determinet; Generalis autem, vel Provincialis habito consilio Patrum illius Conventûs sine Definitorio poterit in visitatione Priores destituere, & alios instituere. Alii Fratres ordine suo, incipiendo à Senioribus spontè culpas suas fateantur, propterea mitiori pœnâ plectendi. Qui verò culpas non dixerint, proclamentur, ac graviores pœnitentias subeant.

18. Mutatio Fratris ab uno Conventu ad alium si necessitas requireret ex commissione, vel certificatione P. Generalis, aut Provincialis fieri poterit; Visitator antequam pœnitentiam injungat exaggeret culpas, id tamen sine perturbatione animi faciet, ut potius videatur per compassionem punire, quàm per indignationem.

19. Inobedientes Visitatori, pœnas rebellium à P. Generali, aut Provinciali sustineant, defectus P. Provincialis à Fratribus delatos, nequaquam per Conventus publicet Visitator, sed ipsum suo tempore, vel privatim, vel coram aliquot Capitularibus admoneat, vel si deponendus sit ipsum in Capitulo deponat.


20. Sub fine visitationis jubeat per Secretarium legi monita pro meliori observantia relicta Conventui, simulque pronunciet excommunicationem contra revelantes secreta, & inquirentes, vel propalantes Fratrum accusatores, de quo supra Part. 2. Cap. 12. num. 4. Ultimò fiat confessio, & absolutio prouti habetur Part. 2. Cap. 12. num. 10.

21. Videat autem quilibet Visitator, ne leviter visitationem expediat, sed ut benè, pensatis rebus, circumstantiis, personis, in pace, & tranquillitate Provinciam, seu Conventum relinquat, ac in discessu cum osculo pacis Fratribus vale faciat.

22. Demùm habeant Visitatores à suis Conventibus provisionem ordinariam, sicut & alii Fratres. Pro viatico autem eorum Provincia ipsis provideat.

CAPUT XXX.

De Processu Judiciali.

1.  D conficiendum processum judicialem tribus modis proceditur, per accusationem, denunciationem, & inquisitionem.

Per accusationem, cum certus est Accusator, qui tamen contra Prælatum non facile admittendus est, ne concussis columnis ædificium corruat. Itaque antequam procedatur contra Prælatum examinanda est diligenter persona Accusatoris, an sit integræ famæ? an moveatur aliquo odio, vel passione, & an quæ proponit contra Prælatum habeant aliqua indicia, aut adminicula veritatis? ut quia aliàs in eodem genere mali deliquerit, aut alio modo ejus fama, & existimatio graveatur. Accusator verò contra subditum licet non sine examine sit admittendus ad accusationem, non tamen tanta est adhibenda diligentia, sicut in Accusatore Prælati. Quilibet autem Accusator subscribere debet capita accusationis porrectæ, & nunquam admittendus est ad prosequendam accusationem per Procuratorem, quando Causa fuerit criminalis, & præcipue si delictum sit grave.

2. Per denunciationem proceditur cum similiter certus est, qui denunciat delictum Superiori, quam denunciationem Prælatus, seu Judex admittet, si præcedente juxta Sanctum Evangelium Denunciatoris, charitativâ monitione, denunciandus non se correxerit, similiter denunciator se subscribere debet Capitibus denunciationis, sicut Accusator. Etsi ipse non teneatur Processum prosequi, & objecta probare.

3. Per inquisitionem verò proceditur cum fama, & diffamatio non à malevolis, & maledicis, sed à probis, & honestis ortum habet, eaque diffamatio non semel, sed sæpius ad aures Superioris pervenerit. Post accusationem, seu denunciationem, vel diffamationem Prælatus, seu Judex super capitibus accusationis,

vel denunciationis, aut diffamationis ad testium examen deveniet, à quibus exhibito de veritate dicenda juramento, interrogabit primò generaliter super eorum qualitatibus, & praterèa super prædictis capitibus, notando diem, mensè, & annum, quo singuli testes fuerunt examinati, demùm curabit, ut iidem Testes manu proprià subscribant suas depositiones.

4. His peractis citabit accusatum seu denunciatum, aut diffamatum, eumque examinabit diligenter super capitibus prædictis non semel, sed bis, aut ter, cum intervallo tamen, ut si mendax fuerit, possit ex ipsius depositione convinci, aut redargui, & ad veritatem dicendam induci, & si opus fuerit ad eum convincendum, aut inducendum ad veritatem fatendam poterit fieri cum eo confrontatio testium, quod medium est validissimum ad convincendos reos, aut ad dicendam veritatem inducendos.

5. Finitis examinibus, & constituto rei, danda erit copia ipsi reo depositionum testium examinerum, sine eorum nominibus, cum termino competenti ad faciendas suas defensiones, & si delicta sibi objecta non diluat, eaque sint probata sufficienter, vel per rei confessionem, aut per testes reus fuerit convictus, poterit prævia citatione ad sententiam deveniri, & reus in pœna ejus delicto debitâ condemnari; si verò reus objecta legitimè diluerit, poterit absolvi, & declarari innocens, & non repertus culpabilis cum clausula ex hætenus deductis; si verò de innocentia rei plenè constiterit, poterit ipse reus absolvi sine dicta clausula, quæ ponitur in sententiis, cum non plenè fuit innocentia rei probata.

6. Quod si de objectis tanta indicia fuerint contra reum, eaque non diluerit, poterit deveniri ad ejus torturam, id est: ad acriores afflictiones, juxta exigentiam delicti, & qualitatem indiciorum, si fuerint ad eam sufficientia, & condemnari reus, si delictum fuerit confessus; si verò sustinuerit absolvi cum clausula, ex hætenus deductis, sicut etiam cum eadem clausula absolvi poterit, si indicia ad torturam non fuerint sufficientia, omisâ omninò purgatione canonicâ propter periculum perjurii tam in ipso reo, quàm in testibus ad purgationem canonicam faciendam inductis.


7. Ebrio-

7. Ebriosos, detractores, passionatos, qui prius in quinque Capitulis hebdomadalibus per annum moniti fuerint, nec emendati, & qui voce activâ, & passivâ sunt privati noster Judex regularis ad testimonium, vel accusationem non admittat, bene tamen ad informationem dandam admitti possunt.

8. Demum in processu nostro regulari excludi debent omnes calumniosæ, ac dolosæ delationes, inanesque exceptiones, sed solum attendenda, quæ ad iudicii vim, & essentiam pertinent; omisâque solemnitate Juris, & repulsis tergiversationibus, & frivolis appellationibus, & juxta placitum Bonifacii VIII. sola veritate facti inspecta, decretum ferendum, & à Fratribus suscipiendum, cum ii ad Ordinem venerint non contendere, sed propriæ voluntati renunciare, pœnitentiam agere, pro Christo pati, & laborare. Qui pœnitentiam spontè facere recusaverit compelli poterit primò per censuras, illis spretis, per brachium sæculare, semper habito respectu circumstantiæ loci, temporis, ac personæ.

CAPUT XXXI.

De Correptione Culparum.

1.  Ub reatu peccati mortalis Superiores tenentur, non tantum gravioribus, sed etiam levioribus delictis, ex quibus facile oriri potest dissipatio notabilis disciplinæ regularis, tempestivè obviare.

Item contra excessus, ex quibus detrimentum animæ Fratri, vel Ordini infamia provenire potest, etiam ex suspicionibus rationabilibus, aut signis, non expectando mali incendium, inquisitiones faciant, ac inventos juxta statuta regularia puniant; aliàs ipsi ut participes, & causæ malorum cum prævaricatoribus propter negligentias suas graviter punientur.

2. Fratres tanquam filios corripiant ostendentes eis amorem, & quærentes rationem facti, ut discreta sit eorum correptio, & videantur quasi inviti eos punire. Si disciplina, vel alia pœna sit alicui danda, & se Superior subiratum cognoverit, tunc vel sen-

ententiam differat, vel alicui Religioso gravi vices suas committat: Ira enim viri Dei iustitiam non operatur.

3. Si quis ex Fratribus pœnam ex superbia, vel timore, aliave perturbatione subire noluerit, eum in Cella includi jubeat, & postea ad eum mittat seniores, qui blandis persuasionibus illum ad pœnitentiam inducant, quibus si non acquieverit, in carcerem deduci jubeat, & si adhuc perseveret in contumacia, post triduum pane, & aqua vesci præcipiat; & cum culparum alia sit levis, alia gravis, vel gravior, vel gravissima, Superior pœnitentias juxta culpæ qualitatem ad præscripta infra posita moderabitur, aliasque pœnas, quas hîc non inveniet taxatas secundum præsentem cum consilio discretorum Patrum taxabit.

§. I.

De Levi Culpa.

1. **S**I quis ad *Gloria Patri*, ad inchoationem Divini Officii non interfuerit, & terram osculari omiserit, ac ad gradus Altaris se non inclinaverit.

2. Si quis in Choro malè legendo, vel cantando, non statim se coram omnibus terram tangendo, & pectus percutiendo humiliaverit.

3. Si quis in Ecclesia, vel dormitorio, vel in Cella inquietudinis, vel sonitus aliquid fecerit.

4. Si quis lectionem statuto tempore non præviderit.

5. Si quis aliter cantare, vel legere præsumpserit, quod non communis usus, vel consensus probat.

6. Si quis otiosè locutus fuerit, vel egerit.

7. Si quis oculos vagos per plateas, vel villas eundo, ad vanitatem direxerit.

8. Si quis in Vigilia Annuntiationis, vel Nativitatis Domini in principio Capituli Primæ in Choro per negligentiam non adfuerit, ut pronuntiatis Redemptionis nostræ primordiis, gratias agat corde, & corpore Domino Redemptori.

9. Si

9. Si quis de via veniens eâdem horâ si fieri potest benedictionem accipere neglexerit, vel absque ea benedictione plûs unâ horâ moratus fuerit.

10. Si quis temporibus statutis cum aliis lectionem auditurus abfuerit.

11. Si quis Ecclesiæ, vel Altaris ornamenta negligenter tractaverit.

12. Si aliquid utensilium ex desidia fregerit, vel perdiderit.

13. Si quid cibi porusvè effuderit.

14. Si quis in libro aliquo aliis cantantibus legerit.

15. Si liber, in quo legendum est, cujusquam negligentia defuerit.

16. Si quis dixerit aliquid, vel egerit, unde Fratres offendantur.

17. Si quis potum, vel cibum sine benedictione sumpserit.

18. Si quis ad Capitulum hebdomadale, vel collationem spirituales non venerit, vel communi refectioni non interfuerit.

19. Si quis commune mandatum dimiserit.

20. Si quis eorum, qui officiis communibus deputati sunt in aliquo levi negligens fuerit, ut Procurator in interioribus, & exterioribus procurandis, infirmorum custos infirmis custodiendis, & cæteri ut injunctum est eis.

21. Si quis silentium fregerit.

22. Si quis pro victu, aut indumentis, vel alia re murmuraverit.

23. Proclamatis, vel proclamantibus se de supradiçtis, injungatur unus Psalmus, vel aliquot orationes Dominicales, vel duo Psalmi in Capitulo, aut in medio Refectorii, aut disciplina in Capitulo, vel post Completorium ab ipsomet facienda, aut carentia alicujus ferculi juxta modum, quo excessit, & qualitatem personæ arbitrio Superioris.

§. I I.

De Gravi Culpa.

G Ravis culpa est, si quis Divino non intentus officio vagis oculis, & motu irreligioso levitatem mentis ostenderit.

1. Si quis ad lectionem in Choro dormitaverit.
2. Si quis in Choro ridere præsumpserit.
3. Si quis in quovis loco dissolutè ridens, cachinis, vel ludis, dictis, factis immodestis alios ad ridendum concitaverit.
4. Si quis indumenta, vel alia data Fratri, vel concessa sine ipsius licentia pro se receperit.
5. Si quis in Conventum horâ, quâ venire debet, distulerit.
6. Si quis eum à quo proclamatus fuerit eadem die, quasi se vindicando accusare præsumpserit.
7. Si quis cum juramento sine necessitate aliquid negaverit, vel affirmaverit.
8. Si quis vaniloquium, vel quod gravius est turpem sermonem in usu habuerit.
9. Si quis inhonestè in audientia Sæcularium cum aliquo contenderit.
10. Si Frater cum Fratre, vel extraneo intus, vel foris rixas habuerit, si quis alicui Fratri, vel Sæculari opprobrium dixerit.
11. Si quis mendacium de industria dixisse deprehensus fuerit.
12. Si quis silentium frangere in consuetudinem duxerit.
13. Si quis culpam suam, vel aliorum defenderit.
14. Si quis inter Fratres discordias dicta unius alteri referendo, vel alio modo seminaverit.
15. Si quis in denunciatione sui voce clamorosa se defenderit, vel cum proclamante contenderit.
16. Si quis minas, maledicta, aut verba irreligiosa in aliquem protulerit.

17. Si

17. Si quis culpam præteritam Fratri pro qua satisfecit, im-
properaverit.

18. Si quis absque magna necessitate jejunia Ordinis frege-
rit.

19. Si quis aliquam ex horis canonicis recitare omiserit, si-
ve in Choro, sive extra.

20. Si quis ubi fœminæ sunt, oculos diutiùs fixerit, vel cum
aliqua suspiciôsè locutus fuerit. Pro hujusmodi culpis, & simi-
libus dentur jejunia panis, & aquæ, disciplinæ acriores, & se-
questrationes assignentur in Cella pro aliquot diebus cum sub-
tractione aliquorum ciborum, stricta silentia per hebdomadam,
Comestio in terra, vel genuflexio, prostratio horâ mensæ, præ-
ter hoc psalmi, & veniæ secundum discretionem Prioris.

§. III.

De Graviori Culpa.

1. **S**I quis per contumaciam, vel manifestam rebellionem
inobediens suo Superiori extiterit, vel cum eo intus,
vel foris contenderit.

2. Si quis per fas, aut nefas procuraverit, ut ipse, vel alter
eximatur à potestate Superioris sui.

3. Si quis calumniam in Fratres struxerit, sive in judicio, si-
ve privatim.

4. Si quis jejunia Ecclesiæ violaverit.

5. Si quis mortale peccatum manifestè commiserit.

6. Si quis sciens, & volens sententiam excommunicationis
incurrerit.

7. Si quis sciens se esse excommunicatum, suspensumvè ce-
lebraverit, vel in suis Ordinibus ministraverit.

Pro hujusmodi, & similibus reo injungantur inclusio in
acriori loco pœnitentiæ, vel leviori juxta demerita; tamen sine
lecto commodo, subtractis etiam aliquibus consuetis victualibus.
Vel extra locum pœnitentiæ jejunia in solis leguminibus alterna-

tim in pane, & aqua, vel secundo potu. Item disciplina danda à Priore, & à Patribus, ita ut Sacerdos à folis Sacerdotibus, Diaconus à Sacerdotibus, & Diaconis, & sic deinde non autem è contra verberetur. Item assignetur ultimus locus. Comestio in terra in medio Refectorii panis nigri, & potus aquæ, cducto ex loco pœnitentiæ ad disciplinas Capituli hebdomadalis. Prostratio ante fores templi, vel Refectorii, dum Fratres intrant ad horas, vel ad gratias agendas exeunt, reductoque inde ad locum pœnitentiæ, sejunctio à Fratribus ita ut nullus Fratrum audeat se illi conjungere, vel aliquid ei demandare, nec vocetur ad aliquod officium in Ecclesia, Choro; Mensa sequestrata, ita ut reliquiæ prandii sui cum aliis non commisceantur, ut qui culpam perpetrando non erubuit fieri membrum Diaboli, sequestratur à consortio ovium Christi, & ita cognoscat se sequestratum à consortio aliorum, quod etiam nisi resipuerit, removebitur à consortio Angelorum. His superaddatur privatio vocis activæ, & passivæ in stricta forma ad aliquot annos.

Ex prædictis autem plura, vel pauciora longius, vel brevius juxta demerita Superior cum consilio seniorum Patrum pœnitenti imponet.

S. I V.

De Gravissima Culpa.

1. **G**ravissima culpa est, si quis machinationes, & schismata ad destructionem Ordinis attentaverit.
2. Si quis malignas conspirationes in Superiores suos struxerit.
3. Si quis gravem læsionem alicui incusserit.
4. Si quis Confessionis sigillum fregerit.
5. Si quis publicum scandalum, vel infamiam gravem Ordini fecerit.
6. Si quis libros ab Ecclesia interdictos, aut etiam obscenos legerit; istiusmodi pro talibus criminibus cum consilio Patrum præ-

præter pœnas gravioris culpæ privetur capucio, & scapulari, ac coronâ: ad districtiorem locum pœnitentiæ detrudatur, re-
tento tamen Breviario, & libris spiritualibus, ne pœna tempo-
ralis vertatur sibi in gehennam. Ne tamen talis propter impa-
tientiam suam in desperationem labi possit mittat quandoque Su-
perior ad eum Patres seniores, qui illum commoneant ad pœni-
tentiam, provocent ad patientiam, foveant per compassionem,
& inducant ad emendationem, nec facilè Superior cum prædi-
ctis ad intercessionem Fratrum faciat misericordiam, nisi magna,
& firma spes subfit illorum emendationis.

§. V.

Observanda circa pœnas injungendas.

1. **C**irca pœnas supradictas hoc insuper erit observandum,
ut Fratribus assuetis levi culpæ, pœna levis mutetur in
gravem, vel prolongetur, verbi gratia, tardè sapius veniens
ad Chorum flectat diutiùs ad gradus Altaris, donec à Superiore
detur ei signum, ut ad locum vadat: & assuetis graviori, illa
mutetur in gravissimam, ita quòd semper aggravatis culpis ra-
tione circumstantiarum; aggraventur etiam, & pœnæ in Consti-
tutionibus taxatæ.

2. Pœna gravior, & gravissima non nisi cum maturiori con-
silio Patrum Conventûs per Priorem potest dari, eaque in scri-
ptis; vel delinquente in loco pœnitentiæ servato, petatur infor-
matio à Patre Generali, vel Provinciali.

3. Impositæ pœnæ à Subditis humiliter acceptentur, nec
enim in statu tranquillo Sanctæ Religionis contentiones foveri
debent.

4. Cum senioribus potest Superior quo ad aliquas pœnas
dispensare, verbi gratia, pro sessione, & comestione in terra,
ut super nudam tabulam in extrema parte mensæ comedat, pro
disciplina flectat, &c. In gravissima pœna cum nullo cujuscum-
que ætatis, & dignitatis fuerit ullo modo erit dispensandum.

CAPUT XXXII.

De Quibusdam Excessivis.

§. I.

De Percussoribus.

I.



I quis Fratrum animo irato alicui percussione comminatus fuerit, pœnam gravioris culpæ per hebdomadam sustinere cogatur; & si percusserit aliquem Fratrem manu, eandem pœnam luat per quindecim dies; si verò percusserit ligno, aut lapide, vel aliâ re sine gravi læsione, per mensem eidem graviori pœnæ subiaceat; idem judicando, si extraneum percusserit, vel se ipsum. Et tantum prædictis pœnis addatur, quantum Priori de consilio Patrum visum fuerit expedire: juxta qualitatem personæ percutientis, percussæ, percussione, & scandalî magnitudinem. Propter gravem læsionem Fratris, vel levem factam in Superiorem, percutiens pœnam gravissimæ culpæ per duos menses sustineat, & utraque voce per triennium careat, à solo P. Generali, vel Provinciali absolvendus; sin vulnus lethale inferatur, mors tamen non sequatur, eandem pœnam per sex menses absque ulla dispensatione sustineat, & per quinquennium voce careat. Aggraventur istæ pœnæ etiam pensatis circumstantiis prout supra, si autem (quod Deus avertat) usque ad homicidium aliquis dilaberetur, licet asserat se primis motibus fecisse (quos tenetur ex instinctu rationis prævidere) talis omninò sine ulla dispensatione perpetuo carceri mancipetur, & singulis septimanis secundâ, quartâ, & sextâ feriâ pane, & aquâ sustentetur; frequentans hoc vitium etiam
levi

levi percussione, ad ullum officium ineligibilis habeatur.

2. Percussores Prælatorum cum complicibus, & fautoribus præter expressas pænas, voce utraque perpetuò careant. Arma, sub excommunicatione ipso facto nullus habere præsumat, aut qualiacumque instrumenta offensiva.

§. II.

De Apostatis.

1. **Q**uicumque Fratrum post factam professionem jactando se, seu comminando dicere præsumpserit in audientia aliorum sub quacumque forma verborum, se vel le exire de Ordine, vel habitum regularem deponere, aut nostro Ordini detrahere, tam diù in vinculis, aut loco pœnitentiæ detineatur, donec ipsius ausui temerario ipsa vexatio tribuat intellectum. Dentur illi interim libri ad rectificandam conscientiam ædificativi, ac monitores in spiritu lenitatis ipsius correctivi.

2. Apostatæ ex nostris, indispensativè voce activâ, & passivâ, etiam in Capitulis Claustralibus careant. Et qui saltem per integrum mensem divagati fuerint, per quinquennium ad Prælationem inhabiles existant, & primo anno ultimum locum habeant. Conversi verò per quinquennium sint novissimi, donec cum ipsis propter laudabilem conversationem per Capitulum Generale dispensatum fuerit, quod debent habere in scriptis.

3. Apostata, vel fugitivus sive spontè, sive compulsus si redeat, à nullo alio præterquam à P. Generali, vel Provinciali, aut Visitatoribus eorum pro residentia alicujus Conventus recipi, vel absolvi debebit hoc modo: primò in loco pœnitentiæ per aliquot dies maceretur, post pro absolutione veniat ad Capitulum; & si fuerit in habitu extraneo, eum deponat, regulæque habitu indutus usque ad cingulum desuper nudus ingrediatur, virgas in manibus habens, ac se prosternens ante pedes

Præ-

Prælati, humiliter dicat suam culpam, quem Prælatus reprehendat, & charitativè corripiat; ex tunc vapulet ante pedes Prælati, postea ad pedes aliorum Patrum alternatim dicentium Psalmum, *Miserere*, demùm ab excommunicatione absolvatur formâ sequenti.

Post dictum *Miserere*, cum *Gloria Patri* &c. Prælatus surgat, & aperto capite dicat: *Kyrie eleison* &c. *Pater noster* &c.
 Ps. *Et ne nos inducas in tentationem.*
 R. *Sed libera nos à malo.*
 Ps. *Salvum fac servum tuum Domine.*
 R. *Deus meus sperantem in te.*
 Ps. *Nihil proficiat inimicus in eo.*
 R. *Et filius iniquitatis non apponat nocere ei.*
 Ps. *Esse ei Domine turris fortitudinis.*
 R. *A facie inimici.*
 Ps. *Domine exaudi orationem meam.*
 R. *Et clamor meus ad te veniat.*
 Ps. *Dominus nobiscum.*
 R. *Et cum spiritu tuo.*

Oremus.

Deus cui proprium est misereri semper, & parcere: suscipe deprecationem nostram, & hunc famulum tuum, quem sententia excommunicationis constringit, miseratio tuæ pietatis clementer absolvat. Per Christum Dominum nostrum. R. Amen.

Mox fedaat, & cooperto capite dicat:

Dominus noster Jesus Christus te absolvat, & ego auctoritate illius, & Reverendissimi Patris Generalis, vel Admodum Reverendi P. Provincialis, mihi concessa, absolvo te à vinculo excommunicationis, in quam incurristi, vel incurrere declaratus es propter Apostasiam, vel alterum casum, & restituo te communioni, & unitati fidelium, & Sanctis Ecclesiæ Sacramentis. In nomine Patris, & Filii, & Spiritus Sancti. R. Amen.

Post absolutionem pœnas designandas gravioris culpæ luat sine dispensatione, saltem per mensem integrum. Tempus Apostas-

statiæ nunquam ei computetur inter annos Religionis. Si secundò, vel tertio apostataverit, pænæ suprapositæ ei multiplicentur, & dispensatio prolongetur.

4. Quod si cum scandalo Ordinem relinquens, inhonestè extra vixerit, aut diutius permanserit, juxta qualitatem scandalii, delictorum moræ, pæna illi augeatur in graviore, & gravissima culpa præscripta; de quo verò non constat, quòd totaliter Ordinem dimiserit, sed tantùm vagus intra, vel extra Provinciam, licèt prætextu adeundi Superiorem in habitu circumierit, dispensationem quidem faciliorem ad gratias Ordinis habebit, pænas tamen graviore culpæ veris Apostatis debitas, & absolutionem ab excommunicatione sustineat, juxta moram vagationis, & qualitatem delictorum.

§. III.

De Pæna Proprietariorum.

1. **Q**ui comestibilia, aut alia parvi momenti receperit sine licentia Superioris, prima vice comedat in terra medii Refectorii, pro secunda vice disciplinetur fortius, deinceps pro arbitrio Prioris luat.

2. Si verò pecuniam, aut aliquam rem magni momenti, cujus quantitas in Provinciis tam pro casu reservato, quàm pro censura per Definitorium determinanda est, sine licentia à quocumque habuerit, vel alienaverit, sive sit Prælatus, sive Subditus, à Confessario absolvi non possit, nisi priùs illud Superiori præsentaverit, vel alienatum si possibile fuerit, recuperaverit, deinde præter privationem vocis activæ, & passivæ, culpæ graviore pænæ per mensem subjaceat, quæ augeri, & minui potest juxta qualitatem delicti, & quantitatem materiæ.

3. Si verò in morte (quod Deus avertat) Proprietarius inventus quis, sive ex Subditis, sive ex Prælati fuerit, Sacrificium, aut aliquod Officium pro ipsius anima non fiat, & sepultura Ecclesiastica privetur, id tamen fiat præmisso consilio Patrum

trum seniorum. Surripientes præter infamiam duplicatâ pænâ Proprietariorum puniri debent.

§. I V.

De Pena Excommunicationis.

1. **S**equuntur excommunicationes, ex antiquis Rubricis Ordinis in unum locum collectæ. Si qui Priores per contumaciam, vel aliquas frivolas rationes præsumpserint se absentare à Capitulis Generalibus, vel Provincialibus, vel cessante legitimo impedimento post triginta dies obedientiam suam non exhibuerint legitimo Superiori.

2. Si quis cum diffamatione Ordinis, secretum Capituli extraneis revelare ausus fuerit. Si quis machinatus fuerit schisma in Ordine nostro, puta mutationem Superiorum per extraneas personas, aut subtractionem alicujus Conventus ab obedientia &c. Si quis iniquo animo, vel malis artibus inquirere præsumpserit de suo accusatore etiam apud Fratres, vel Superiores suos, vel Superiores à Fratribus, vel utrique ab extraneis, vel eum revelare Fratres præsumpserint. Si quis fugerit ex Conventu ausu temerario, etiam ad Superiorem majorem, vel aliquis Ordinem deseruerit, vel aliqui Priores eos receperint pro residentia, vel quis ad alium Ordinem transfuerit, præterquam ad Charthusianos servatâ formâ in Bullis Pontificiis præscripta, si quis rebellis fuerit Superiori suo. Si qui assumpserint novas Domos, vel antiquas deseruerint sine licentia P. Generalis, vel Provincialis.

3. Si quis factiones pro se, vel pro aliis exercuerit in electione P. Generalis, vel Provincialis, vel istiusmodi non denuntiaverit. Si quis per extraneum dignitatem aliquam sibi procuraverit. Si quis bona Ecclesiæ, seu Monasterii dilapidaverit. Si quis ex Fratribus, aut Superioribus aliquo casu negotiationem per se exercuerit: omnes prædictos ipso facto excommunicatos esse

esse decernimus, & declaramus, insuper ad pœnas gravioris culpæ luendas adjudicamus.

Contra alia delicta excommunicationis pœna non nisi à solo P. Generali, vel Provinciali, vel cum ipsius licentia debet ferri, eaque ob gravem causam propter contumaciam sub forma sequenti danda in scriptis.

Forma servanda in Excommunicationis Sententia ferenda.

4. **P**ost factum canonicè processum si deveniendum sit ad ferendam sententiam excommunicationis contra Reum, Judex præmissa trinâ monitione canonicâ cum certis intervallis utpote unius, vel plurium dierum, vel etiam horarum si periculum sit in mora hoc modo Sententiam concipere poterit.

Christi nomine invocato. Nos Frater N. Generalis, vel Provincialis, Prior, vel Visitator, vel si ea fuerit delegata. Nos Frater N. specialiter Delegatus, visis Sc. habitoque Priorum N.N. Definitorum, aut Seniorum consilio, Deum præ oculis habentes Christi nomine repetito, per hanc nostram definitivam sententiam, quam in his scriptis ferimus, excommunicamus, & pro excommunicato haberi volumus, & mandamus Fratrem N. N. ob tale delictum, quod erit omninò exprimendum, & pro tali denunciari volumus per cædulones seu schedulas, quarum decernimus, & declaramus affixionem in Refectorio, & ad ostium ejus Cellæ, vel ubi erit solitum. Si verò declaratoria sententia ferenda fuerit, prævia simili citatione cum trina monitione, ut supra ad dicendam causam, quare nam debeat reus declarari incidisse in excommunicationem, sive lata sit à Jure communi, sive à Constitutionibus Religionis, locò verbi excommunicamus in hujusmodi Sententia declaratoria debent poni hæc verba: declaramus Fratrem N. N. incidisse in excommunicationem majorem ob tale delictum, quod similiter erit exprimendum. In calce porrò cædulonum, seu schedularum ponenda erit hujusmodi clausula: Amoventes,

lacerantes , aut deturpantes simili vinculo excommunicationis innodamus.

S. V.

De Privatione Vocis , Loci , & Corona.

1. **Q**ui privatur voce passivâ per hoc redditur inhabilis ad majora officia in nostro Ordine , minora tamen potest exercere , verbi gratia , Infirmarii , Janitoris &c. Privatus voce activâ suffragium non potest ferre in aliqua consultatione etiam in Capitulo hebdomadali , unde post dictam suam culpam tenetur exire ; neque potest fieri accusator , neque testis adversus Fratrem , potest tamen secretò etiam in visitationibus assumi pro aliqua informatione Inquisitionis alterius , ac rei necessariæ . Privatus voce omnimodâ nullum Fratrem poterit alloqui , nisi priùs à Superiore licentiâ petita pro aliqua re necessaria .

2. Nullus Prior audeat Fratrem voce privare , nisi in casibus suprapositis , idque adhibito consilio , & majori consensu Patrum . Hac enim pœna majoribus Prælatiis reservatur , ejusque relaxatio .

3. Privatus loco , ultimum locum occupat in Choro , Capitulo , Refectorio , Sacerdos inter Sacerdotes , Diaconus inter Diaconos , & sic deinceps . Quod si alium occupabit (excepto tardo alterius adventu) suum ipso facto amittat usque ad Capitulum proximum .

4. Qui pœnâ erit majore dignus , quàm sit privatio loci , aut gravis culpæ propter suam proterviam , poterit coronâ privari , & ad obsequia infima in Conventu destinari .

§. VI.

De Loco Pœnitentiæ.

1. **I**N qualibet domo nostra sit aliquis locus pœnitentiæ benè firmatus, honestus tamen, & cum lumine ubi pœnitens possit Horas Canonicas absolvere, & salubria animæ legere, sint ibidem aliquot Imagines compunctivæ, verbi gratia, de quatuor novissimis, aliisque exemplis horribilibus &c. In hunc locum positus debet esse contentus solis leguminibus, & potu tenuiore quamdiù non liberatur; strictior locus debet esse pro illis culpis, quæ ordinariam correctionem Conventualium excedunt Prælatorum, uti sunt scandalosa crimina, enormes percussiones, & quæ ponuntur in gravissima culpa, vel quæ ad se non pertinere cum consilio Patrum Prior judicabit. Ad talem locum missus prius capucio, & scapulari privetur, quod non nisi liberatus recipiet, ad eundem locum pertinebunt compedes, & ferratæ manellæ propter depravatos coërcendos.

2. Qui in loco pœnitentiæ positum sine licentia Prioris visitabit, vel quod gravius est cibum, potumque ministrabit, vel aliud aliquid pro allevianda, vel excutienda pœnitentiâ; dimidium pœnæ rei uti dissipator disciplinæ monasticæ sustinere cogatur, ipseque custos loci pœnitentiæ graviore pœnâ pro negligentia, vel reticentiâ illius facti plectatur.

3. Suspectus de fuga à quocumque Superiore potest conjici in locum pœnitentiæ; qui gravem dedit suspensionem alicujus facinoris, nec ad semiplenam probationem se sufficienter purgavit; potest is in locum pœnitentiæ conjici pro veritate dicenda, vel pro data contra se suspiciione.

Pro quolibet peccato mortali scandaloso possunt Superiores etiam locales Fratrem à consortio aliorum sequestrare ad locum pœnitentiæ.

§. V I I.


De Pana Ejectionis.

Qui gravia crimina commiserit, sæpèque monitus non destiterit, & qui pænitentiam pro illis non acceptaverit, istiusmodi medii anni spatio ex constitutione fel. record. Innocentii XII. Anno 1694. Die 24. Julii edita, in jejuniis, & pænitentia probetur in loco pænitentia, quo clapsò, si nihilominus non resipuerit, sed animo indurato in sua pertinacia perseveraverit, ne contagione pestifera alios perdat, ejici tandem possit; non aliter tamen quàm ab ipso Priore Generali de consilio, & assensu sex Patrum ex majoribus alicujus Provinciae, qui fuerint antea Definidores pro hac causa eligendis, qui si non adsint, possit suppleri defectus per alios etiam hac speciali prærogativa non insignitos. Qui quidem ejectus extra Religionem degens, sit perpetuò suspensus ab executione Ordinum, ex decreto Sacrae Congregationis Cardinalium de Regularibus felicitis recordationis Urbani Papæ octavi jussu edito, die 21. Septembris 1624. Idem loci ordinarii jurisdictioni, & obedientia, cum illamet suspensione subsit. Proindeque Generalis illicò expulsionis sententiam eidem Ordinario notificare teneatur, nec possit aliquo modo expulso litteras testimoniales concedere, illum ad Sedem Apostolicam rejiciendo, vel aliquam Religionem ingredi jubendo, & in omnibus supra dictis, & aliis juxta decretum præfatum procedatur &c.



CAPUT XXXIII.

*De Monitis Generalibus pro Observatione
Constitutionum.*

1.  D obviandum sensim irrepentibus in Ordinem defectibus, nec non ad promotionem religiosæ perfectionis possunt insuper aliquæ novæ Constitutiones præsentibus addi pro toto Ordine cum eadem vi, & robore; non aliter tamen, nisi in Capitulis Generalibus; insuper aliquæ ordinationes pro recta gubernatione Provinciarum in Provincialibus Capitulis, ac pro bono Conventuum in Visitationibus eorundem, quæ omnes hisce Generalibus accommodentur.

2. Explicatio Generalium Constitutionum pertinet ad solum Patrem Generalem cum assistentia sui Definitorii, quorum is genuinus sensus erit acceptandus, in quem major pars Definitorii completi consenserit. In subitis autem casibus Provinciarum, declaratio harum Constitutionum valebit facta per Patres Provinciales, cum suis Definitoriis, ad cujus explicationis executionem Fratres tenebuntur sub pæna gravioris culpæ tam diù donec decisio definitiva Patris Generalis, & Definitorii venerit.

3. Dispensatio illarum ad auctoritatem solius Patris Generalis spectat, quæ sine gravi necessitate fieri non debet aliàs pro corruptela reputabitur.

4. Omnes Priores tenebuntur habere in qualibet domo duo saltem exemplaria Constitutionum Generalium, cum Provincialibus, ac Conventualibus, illasque ut præfertur, publicè faciant legi Fratribus sub pæna depositionis, qualibet feriâ secundâ, vel aliâ die per Capitulum Generale, vel Provinciale determinata.

5. Et quia per vigilantiam, aut sollicitudinem Superiorum, ut plurimum profectus, aut defectus Fratrum in Ordinem irrepunt: proinde omnes Superiores in Domino monemus, ut memores

mores sint rationis, quam in novissimo die reddituri sunt pro grege sibi commisso, ac propterea omni studio invigilent, ut quæ in Regula Divi Patris Augustini, ac Constitutionibus maxime circa vota Ordinis, Orationem mentalem, Silentium, Capitula hebdomadalia, aliaque Spiritualia exercitia sancita sunt, ea omnia, & singula ad unguem observentur; intelligantque super his veluti fundamentis totius Religionis ædificia construenda, & amplianda esse, ut verò omnia ordinatè peragantur; appendatur tabula in loco conspicuo uniuscujusque Conventus, in qua distinctè adnotetur, quid singulis horis cujusque diei Frater quilibet præstare debeat, ut certo quoque signo præmonitus majore animi præparatione suo muneri satisfaciat.

Ad laudem & gloriam Domini nostri, ac Salvatoris Jesu Christi, ejusque Sacrosanctæ Genitricis, semperque Virginis Mariæ, S. Pauli primi Eremitæ, Sancti Augustini, nec non ad Religiosorum vitæ regularis reformationem & stabilimentum. Expliciunt Constitutiones Auctoritate Apostolica revisæ, emendatæ, & approbatæ, ac juxta mentem ejusdem S. Sedis reimpressæ, nullo apud Impressorem exemplari relicto.

FINIS.

I N D E X

N O T A B I L I U M.

*Quæ in Constitutionibus continentur per
Ordinem Alphabeti.*

A



- A**BSOLVERE ab omnibus censuris . pagina 100. num. 3.
 Absolutio quotidie detur infirmis . pag. 135. n. 7.
 Absolutio plenaria detur agonizanti . pag. 137. n. 2.
 Absolutio danda in fine Capitulorum, & Visitationum .
 pag. 94. n. 10.
 Absentantes se per contumaciam à Capit. Gen. vel Provin. excommuni-
 cantur . pag. 66. n. 5. Iterum pag. 168. n. 1.
 Accusator . pag. 155. n. 1.
 Agonizantes quomodo tractandi . pag. 136. n. 1.
 Ambitiosus excommunicationi subjaceat pag. 66. n. 7. De ambientibus
 fiat inquisitio . pag. 80. n. 6. Iterum pag. 91. n. 1.
 Amentes ad habitum, & professionem non admittantur . pag. 6. n. 4.
 Anniversarium pro expiandis negligentis celebretur in Majo . pag. 36.
 num. 4.
 Anniversaria pro Defunctis . pag. 36. n. 5.
 Antiphona B. V. Mariæ post Vesperas semper cantetur . pag. 32. n. 3.
 Approbatio Novitiorum . pag. 15. n. 1. & seq.
 Apostata si redeat à quo recipiendus, vel absolvendus . pag. 165. n. 3.
 Arca communis . pag. 43. n. 6.
 Archivium habeatur pro toto Ordine . pag. 145. num. 1. Item in qua-
 libet Provincia, & Conventu . pag. 146. n. 3.
 Arma sub excommunicatione nullus habere præsumat . pag. 164. §. 1.
 num. 2.
 Asperges, cum suis precibus, pag. 31. n. 2.
 Assuetis levi culpæ, pæna levis mutetur in gravem . pag. 163. n. 1.
Aucto-

Auctoritas P. Generalis . pag. 99. num. 1. & seq.
Auctoritas Provincialis . pag. 107. n. 1.

B

- B** Arbas more Sæcularium non colant . pag. 58. num. 7.
Benedictionem in prima , & Completorio dat Superior . pag. 32. num. 3.
Benedictionem petant redeuntes ad Conventum . pag. 55. n. 4.
Benedictio in Choro quomodo petenda . pag. 131. n. 2.
Benefactorum nomina legantur . pag. 92. n. 7.
Bibliothecarius habeat Catalogum librorum . pag. 143. n. 1.
Bonorum Ordinis conservatio , & augmentatio . pag. 103. n. 3.
Bona Monasterii nemo donare præsumat . pag. 43. n. 1.
Bona mobilia nec vendere , nec permutare sine licentia Gen. licet . pagina 43. num. 2.
Bona immobilia alienare non licet sine consensu Sedis Apostolicæ . pagina 43. n. 3.
Bona externis arrendare absque licentia Gen. vel Provinc. non licet . pagina 43. n. 5.
Bona omnia professorum incorporantur Conventui . pag. 41. n. 2.
Bonorum temporalium , & spiritualium administratio . pag. 98. n. 3.
Bullæ Pontificæ . pag. 100. n. 3.

C

- C** Amini in Cellis non permittantur . pag. 56. n. 8.
Cantor quid agere , & scire debet . pag. 128. num. 1. & seq.
Non cantabunt nimis altè , nec nimis demissè . pag. 32. n. 6.
Capituli secreta non revelanda . pag. 16. n. 8.
Capitulum Generale quando celebrandum . pag. 65. n. 1. Pro eo celebrando aderunt . ibidem . n. 2. Celebrandum per præsentés . pagina 67. n. 8.
Capitulares tribus diebus ante Capitulum compareant . pag. 66. n. 6.
Capitulum Provinciale quando , & à quibus celebrandum . pag. 69. n. 1.
In eo quinam eligendi , pag. 70. n. 1.
In Capitulis triennialibus fiat scrutinium circa profectum . pag. 71. n. 4.
Capitulum hebdomadale celebretur feriis sextis . pag. 95. n. 1.
Cæremonias ad Altare , & Chorum præscriptas observent . pag. 32. n. 7.
Cel-

- Cellas à communi dormitorio separatas nullus habeat . pag. 55. n. 6.
 Cellam nullus occludat . pag. 55. n. 5.
 Cellam alterius, Frater sine gravi necessitate non ingrediatur . pag. 60.
 num. 7.
 Cinguli sint simplices . pag. 57. n. 1.
 Clausura diligenter servetur . pag. 55. n. 1.
 Clerici, & Conuersi Missæ quotidie intersint . pag. 35. n. 2. Confitean-
 tur singulis octo diebus . pag. 36. n. 6.
 Compositiones occultas nemo habere præsumat . pag. 149. n. 6.
 Conuersi loco horarum Canoni : dicant Pater noster &c. pag. 32. n. 8.
 Orationi mentali vacent . pag. 32. n. 9. Litteras qui nesciunt di-
 scere non præsumant . ibidem .
 Choristæ non admittantur ad habitum nisi linguæ latinæ periti . pag. 7.
 num. 6. Non minores annis 18. nec maiores annis 40. recipiantur .
 pag. 7. n. 8.
 Conferentiæ de virtutibus acquirendis . pag. 27. n. 3.
 Confessarius calleat doctrinam de Sacram. pœnit. pag. 121. n. 1.
 Non absoluat ligatum censurâ, vel casu reservato . pag. 122. n. 5.
 Confessiones ubi audiendæ . pag. 122. n. 3.
 Confessiones nemo excipiat, nisi approbatus . pag. 37. n. 1.
 Confessiones Novitiorum excipiat Magister . pag. 14. n. 3.
 Confessio Sacrament. vel Gen. facienda in exercitiis . pag. 29. n. 6.
 Correctionem Fratris nullus impediat . pag. 96. n. 6.
 Coronam Clericalem alicui Conuerso nullus dare possit . pag. 5. n. 8.
 Coronæ in latitudine duos digitos non excedant . pag. 58. n. 7.
 Constitutiones non multiplicandæ . pag. 88. n. 2.
 Constitutionum exemplaria adminis duo in quolibet Conventu habeantur .
 pag. 173. n. 4.
 Constitutiones Gen. cum Provin. legantur publicè . pag. 173. n. 4.
 Constitutiones de requisitis eligendorum prælegantur . pag. 68. n. 3.
 Constitutiones quando legendæ . pag. 53. n. 3.
 Contentiones deuitandæ . pag. 26. Cap. 12. n. 2.
 Culpas suas humiliter fateantur . pag. 95. n. 2.
 Culpa levis . pag. 158. n. 1. & seq. Culpa gravis . pag. 160. n. 1. &
 seq. Culpa gravior . pag. 161. n. 1. & seq. Culpa gravissima . pa-
 gina 162. n. 1. & seq.

D

Debita graviora nullus Superior sine consensu Capituli contrahat .
 pag. 44. n. 7.

Z

De-

- Decisor Casuum Conscientiæ . pag. 25. num. 1.
 Defectuosus ad professionem non admittendus . pag. 15. n. 1.
 Defectus , pro quibus Gen. vel Provin. reprehendendus . pag. 79. n. 2.
 Defectus pro quibus Priores sunt puniendi . pag. 88. n. 3.
 In Definitorio Gen. vel Provin. quid agendum . pag. 87. n. 1. & seq.
 Definitores sinceram intentionem habeant . pag. 108. n. 1. Inter se mu-
 tua charitate conveniant . n. 2. Definita in Sessione non revelent .
 num. 3. Pro Definitore absente substituatur alter . pag. 87. n. 2.
 Defunctorum Fratrum nomina legantur . pag. 93. n. 8.
 Depositum Ordinis . pag. 147. n. 1. Depositum Provinciarum ibidem.
 n. 2. Depositum Conventuum : pag. 148. n. 3.
 Designentur sex Patres pro ejiciendis ex Religione . pag. 90. n. 10.
 Die 1. Capituli quid agendum . pag. 75. n. 1.
 Diffensiones sopiendæ . pag. 91. n. 11.
 Disciplinæ quando faciendæ . pag. 51. n. 1.
 Disciplinatos oportet esse in Choro . pag. 61. n. 1. & seq. In mensa
 pag. 62. n. 1. & seq. In conversatione . pag. 63. num. 1. & seq.
 Discretus Provinciæ in Capit. Provinciali eligendus . pag. 70. n. 1.
 Discretus Conventus quomodo eligendus . pag. 72. n. 1.
 Discreti plenam potestatem habent in Capitulo . pag. 116. n. 1. Defi-
 nitoriis intersint . pag. 117. n. 2. Non ducantur passione . n. 3. Re-
 sponsa ad postulata deferant . n. 4. Si alicui consultationi temerè non
 interfuerint priventur voce . pag. 74. n. 4. Item pag. 117. n. 4.
 Discreto in via mortuo, vel à Defin. repudiato quid agendum . pag. 78.
 num. 5.
 Pro Discretis Provinciarum , eligi non possunt Vicarii Provin: uti nec
 Supprieores pro Discretis Conventuum . pag. 74. n. 5.
 Discedente Priore ad Capitulum, quid agendum . pag. 74. n. 1. & seq.
 Dispensatio Constitutionum spectat ad P. Gen. pag. 173. n. 3.
 Divagationes vitandæ pag. 50. n. 3.
 Domus in qualibet Provin. destinentur pro professis . pag. 22. n. 3.
 Dominium bonorum temporalium in communi . pag. 41. n. 1.
 Dormiant indusio induti, nec duo in uno lecto . pag. 57. n. 5.
 In Dormitorio omnes habitent. . pag. 55. n. 6.
 Dubia Casuum Conscientiæ in loco designato affigantur . pag. 25. n. 1.
 Dux spiritualis admoneat meditantem . pag. 27. n. 1. Inquirat ex me-
 ditante . pag. 29. n. 8.

E

- E** Brietatis pœna . pag. 54. n. 9.
 Electio fiat juxta formam Concil. Trid. pag. 68. n. 2.
 Electio P. Gener. fit in Hungaria . pag. 69. n. 8.
 Electio P. Gen. pag. 80. n. 1.
 Electio Procuratoris Generalis . pag. 110. n. 1.
 Electio Discreti Conventûs . pag. 72. n. 2.
 Electio Discreto quid agendum . pag. 73. n. 3.
 Electio quando repetenda . pag. 84. n. 9.
 Electio omnes obedientiam præstent . pag. 85. n. 12.
 Electio Vic. Gen. & Provin. ac Defin. pag. 86. n. 1.
 Electio Secretarii . pag. 87. n. 2.
 Electio Priorum . pag. 70. n. 1. & pag. 90. n. 9.
 Electores in Capitulo Gen. pag. 68. n. 1. Item in Capit. Provin. pagina 69. n. 1.
 Electores jurent sese eligere digniorem . pag. 84. n. 5.
 Eligendorum requisita . pag. 68. n. 5. Ab electione qui arcendi . pagina 68. n. 4.
 Eligentes scienter indignum , pag. 69. n. 6.
 Errantes in cæremoniis puniendi . pag. 36. n. 7.
 Examinatores considerent ingenium recipiendorum . pag. 7. n. 7.
 Examen de idoneitate Discretorum . pag. 77. n. 3.
 Examen Vicarii Gen. pag. 80. n. 5.
 Excommunicatio contra revelantes secreta . pag. 91. n. 4. & 5. Iterum . pag. 154. n. 20.
 Excommunicationis pœna . pag. 168. n. 1. & seq.
 Exercitia spiritualia, & corporalia Novitiis distribuenda . p. 14. n. 2.
 Exercitia spiritualia à quolibet per annum facienda . pag. 27. n. 4.
 Exeuntes sine licentia puniantur . pag. 55. n. 3.
 Exire sine licentia, & socio nemo audeat . pag. 55. n. 2.
 Explicatio Constitutionum solùm ad Gen. spectat . pag. 173. n. 2.
 Extra Provinciam nemo eat sine licentia . pag. 50. n. 2.
 Extra Conventum nemo dormiat . pag. 140. n. 3.
 Extranei ad Bibliothecam non admittantur . pag. 143. n. 3.
 Extra mensam sine licentia nemo bibat . pag. 54. n. 8.

F

- F**abricæ Ecclesiarum, & Monast. Religiosam modestiam præferant . pag. 2. n. 6.
 Famæ detrahentes quomodo puniendi . pag. 59. n. 5.
 Festa Ordinis . pag. 33. n. 1. & seq. In Festis ejusmodi devotioni studiosius incumbant . pag. 34. n. 16.
 Festa colenda Superior denunciât . pag. 96. n. 5.
 Ferculorum qualitas, & numerus . pag. 53. n. 2.
 Forma Professionis . pag. 21. n. 1.
 Forma absolvendi Apostatas redeuntes . pag. 165. n. 3.
 Forma absolvendi Agonizantes . pag. 137. n. 2.
 Forma servanda, in ferenda excommunicationis sententia . pag. 169. num. 4.
 Forma privationis vocis . pag. 78. n. 4.
 Forma pronunciationis electi Gen. vel Provin. pag. 85. n. 11.
 Forma pronunciationis electi Vic. Gen. vel Provin. ac Definit. pag. 86. n. 1. & 2.
 Fratres in Capit. de defectibus Priorem non arguant . pag. 95. n. 4.
 Fratres pro custodia vinearum, vel prædiorum, non adhibeantur . pag. 56. n. 10.
 Frater de uno Monasterio ad aliud honestè dimittatur . pag. 58. n. 6.
 Fratrum numerus respondeat redditibus . pag. 45. n. 14.
 Fratrum hospitum pedes laventur . pag. 141. n. 4.

G

- G**eneralis electi potestas . pag. 86. n. 13.
 Generalis potest alicui negare professionem . pag. 17. n. 10.
 Generalis det rationem suæ administrationis . pag. 45. n. 13. Iterum pag. 79. n. 4.
 Generalis quomodo eligendus . pag. 80. n. 1. & seq. Non potest reelig. . pag. 69. n. 7. Iterum . pag. 71. n. 3.
 Generalis non quærat quæ sua sunt . pag. 102. num. 2. Intendat circa bona Ordinis . pag. 103. n. 3. Totum Ordinem visitet . pagina 148. n. 1.
 Generali mortuo Vicarius gubernabit . pag. 65. n. 3.
 Generali habitualiter infirmo quid agendum . pag. 66. n. 4.

Ha-

H

- H** Abitum ferant album . pag. 56. num. 1.
 Habitus tantum duo cum pallio albo concedantur . pag. 57. n. 3.
 Ad habitum qui non admittendi . pag. 6. n. 1. 2. & 4.
 Ad habitum admittendus examinetur à Priore loci . pag. 7. n. 9.
 Nullus admittatur nisi à Provin. approbatus . ibidem . Item proponatur Capitulo . pag. 8. n. 11.
 Hæretici ad Religionem non admittantur . pag. 6. n. 2.
 Hebdomadarii Officium . pag. 130. n. 1. & seq.
 Historias Ecclesiasticas prædicator scire debet . pag. 119. n. 3.
 Horâ Octavâ componant se ad dormiendum . pag. 31. n. 2.
 Hospites religiosè tractentur . pag. 59. n. 6.
 Humiles se exhibeant imperanti . pag. 38. n. 3.

I

- I** Anitor sit sollicitus . pag. 144. n. 1. Non petat licentiam tempore
 Divini Officii . n. 2. Frequenter examinetur . pag. 145. n. 6.
 Jejunium quando tenendum . pag. 52. n. 2. & 3.
 Incurrigibiles ex religione per quos ejiciendi . pag. 90. n. 10.
 Indignationem contra accusantem nemo ostendat . pag. 95. n. 3.
 Indulgentiæ affigendæ . pag. 49. n. 4.
 Indusia religiosa deferantur . pag. 57. n. 5.
 Infirmarii officium . pag. 135. n. 4.
 Infirmi colligant fructum ex infirmitate . pag. 135. n. 6. iisdem provideantur necessaria omnia . n. 7.
 Infirmus morti proximus . pag. 137. n. 2.
 Informationes ante Capit. faciendæ . pag. 66. n. 6.
 Ingenia probanda antequam suscipiantur ad habitum . pag. 7. n. 7.
 Inobedientes Visitatori pœnas rebellium sustineant . pag. 154. n. 19.
 Inquisitio de vita P. Gen. pag. 79. n. 3. Item de vita Provin. pag. 71. num. 5.
 Intertentio Studentium . pag. 23. n. 4.
 Inventaria omnium bonorum asserventur . pag. 43. n. 4. Inventaria Sacristiæ . pag. 126. n. 3.
 Juniores in cantu exerceantur . pag. 32. n. 6. coram Senioribus raro loquantur . pag. 64. n. 2.

Jura-

Juramentum à Secretariis præstandum . pag. 87. n. 2.

L

- L** Aici Fratres de consensu Gen. vel Provin. admittantur . pag. 4.
 n. 1. Per quatuor menses probentur . ibidem . Sint firma valetudine, nec plures quàm necessarii erunt . n. 2. Non exeant per annum .
 n. 3. Mense 6. 12. 15. & 24. post ingressum proponantur Capit. n. 4.
 Diebus Festivis plures audiant Missas . n. 5. ubique revercantur dignitatem Sacerdotalem . pag. 5. n. 6. Illis professis Confessarius assignetur . n. 9.
- Lapsus carnis quâ pænâ puniatur . pag. 39. n. 2.
- Lapsus carnis non intimans qualiter puniendus . pag. 40. n. 4.
- Lectio semper habeatur ad mensam . pag. 53. n. 3.
- Lectisternia . pag. 57. n. 4.
- Lectores Chori, & Mensæ distinctè legant . pag. 131. n. 1.
- Legata Ecclesiæ non convertantur nisi ad usum ejusdem . pag. 44. n. 8.
- Notabilia applicentur in bonis immobilibus . pag. 148. n. 3.
- Liber professionum in arca communi asservetur . pag. 21. n. 2.
- Librum nemo imprimat nisi servatis servandis . pag. 24. n. 5.
- Libri incorrecti ad Mensam non permittantur . pag. 53. n. 3.
- Libri pro usu Chori . pag. 34. n. 1. Lacerati tempestive reparentur .
 pag. 35. n. 2.
- Libros in Choro cum strepitu non aperiant . pag. 62. n. 4.
- Libri pro usu concessi restituantur . pag. 44. n. 9.
- Libri Bibliothecæ nemini extra Conventum concedantur . pag. 143.
 num. 2.
- Licentia Generalis exeundi nulli concedatur . pag. 55. n. 2. Sine licentia nemo recedat aut recipiatur . pag. 50. n. 1. Sine licentia nullus adeat P. Gen. vel Provin. pag. 50. n. 5. Sine licentia nemo accedat Capit. Gen. pag. 67. n. 9. Pro licentia obtinenda nemo extraneos adhibeat . pag. 51. n. 6.
- Locum in Choro sibi assignatum observent . pag. 61. n. 1.
- Locus pœnitentiæ . pag. 171. n. 1.
- Ad Loca nova nemo se transferat nisi &c. pag. 1. n. 4. Neque recipiantur nisi sint visitata . pag. 2. n. 5.
- Litteras sine licentia nullus mittat, aut recipiat . pag. 59. n. 4. Nec obfigillet quàm Superioris sui figillo pag. 147. n. 4.
- Litteraria exercitia habenda . pag. 25. n. 9.

Lumen sine licentia post octavam vesperi nullus habere præsumat. pagina 32. n. 2.

M

- M** Agister Novitiorum quænam observare debet, pag. 115. num. 1.
 Idem in Capit. Provin. instituatur, pag. 3. n. 4. Prior non corrigat eundem coram Novitiis. ibidem. n. 5. Si obierit quid agendum. n. 8. Tenetur quotidie sermonem ad Novitios habere. pagina 14. n. 1. Quolibet mense unumquemque Novitium examinet. pag. 115. n. 3.
 Martyrologium in die Paschatis Presbyter, in Vigilia Nativitatis Domini Superior cantabit. pag. 34. n. 17.
 Meditatio Sacra commendatur. pag. 26. n. 1.
 Meditans in quibus se exerceat. pag. 27. Cap. 14. n. 3. Lentè in meditando procedat. pag. 28. n. 4. Instructorem spiritualem cum reverentia excipiat. n. 5. Toto corde se offerat Deo, pag. 29. n. 9.
 Mendicare nulli licet. pag. 50. n. 4.
 Mensæ per hebdomadam omnes inserviant. pag. 54. n. 4. In mensa fervetur silentium. ibidem. n. 6. In mensa non propinent, ibidem.
 Missa Conventualis in cantu peragatur. pag. 32. n. 5.
 Missas 4. quilibet Presbyter absolvat per hebdomadam. pag. 35. n. 1.
 Missas fideliter describat Sacrista. pag. 125. n. 2.
 Missalia & libri pro Choro. pag. 34. n. 1. & 2.
 Modus renovandi Vota. pag. 46. n. 2.
 Modus eligendi Gen. vel Provin. pag. 80. n. 1.
 Modus suscipiendi habitum Ordinis nostri. pag. 9. Cap. V.
 Modus faciendi Professionem tam à Fratribus Choristis, quàm Conversis. pag. 17. n. 1.
 Monasteria in tres Ordines distinguenda. pag. 1. n. 2. In Monasteriis non sint pauciores 12, Nec plures, quàm quot ali possunt. ibidem, num. 3.
 Monasteria Novitiorum sint segregata. pag. 2. n. 1.
 Monasteria pro studiis in qualibet Provin. sint duo. pag. 23. n. 1. in iisdem collocentur Patres virtute præstantiores. ibidem. n. 3.
 Monita Generalia pro observatione Constitutionum. pag. 173. n. 1.
 Morti proximus. pag. 137. n. 2. In mortis articulo quomodo absolvendus. pag. 124. n. 7.
 Mortuus induatur habitu. pag. 139. n. 3. Morientes morte subitanea. ibidem.

Mor-

- Mortificationes quando assumendæ . pag. 64. n. 1.
 Mulieres intra Claustra non admittantur . pag. 40. n. 6.
 Mulieribus non se exponant curandos . pag. 40. n. 7. Cum mulieribus
 sit sermo brevis . ibidem . n. 8.
 Munditiem in Bibliotheca observent . pag. 144. n. 4.
 Murmuratio vitanda . pag. 42. n. 6.

N

- N**ecessaria pro infirmis provideantur . pag. 135. n. 7.
 Negotia Ordinis quomodo trutinanda . pag. 90. n. 8.
 Negotiis externorum non se immisceant . pag. 51. n. 6.
 Novitiatus deputentur in majoribus Monasteriis . pag. 2. n. 2.
 Novitii in fine anni exerceantur in humilibus ministeriis . pag. 3. n. 7.
 Cum Novitiis nemo conversetur . pag. 15. Cap. 6. n. 4.
 Novitii qualiter educandi . pag. 14. n. 1. Quem fructum ex Confessione
 referant considerandi . ibidem . n. 2.
 Novitiorum vestes in tuto loco servantur . pag. 8. n. 11.
 Novitii examinandi antequam admittantur . pag. 7. n. 5.
 Novitii Choristæ ter in anno proponantur Capit. pag. 15. n. 2. A ma-
 jori parte Capit. approbati domi maneant , reprobat autem statim
 ejiciantur . ibidem . n. 3. Si vota tertia vice sint æqualia mox expel-
 lantur . n. 4. Ob ægritudinem non statim rejiciendi . pag. 16. n. 6.
 Cum Novitio dimittendo prudenter agatur . ibidem . n. 9.
 Novitius culpas scandalosas committens statim ejiciatur . pagina 16.
 n. 5. Semel expulsus nunquam recipiatur . pag. 8. n. 12.

O

- O**bedire tenentur Romano Pontifici . pag. 38. n. 1. In obediendo
 faciles se exhibeant . ibidem . n. 2.
 Obitus defuncti quanto citius intimetur Conventibus Provin. pag. 139.
 num. 3.
 Obligationes Conventus Superior insinuet . pag. 96. n. 5.
 Obligationes sub peccato mortali . pag. 60. n. 2. & seq.
 Observanda circa pœnas injungendas . pag. 163. n. 1.
 Pro Observantia Regulari possunt addi ordinationes novæ . pag. 173.
 num. 1.
 Officium Divinum juxta ritum Ecclesiæ Romanæ persolvendum . pagi-
 na 30.

- na 30. n. 1. Tempus illud persolvendi . ibidem . num. 2.
 Officium B. V. Mariæ quotidie recitandum . pag. 32. n. 4.
 Officiales instituendi . pag. 90. n. 9.
 Officialium tabula legenda . pag. 93. n. 9.
 Officiales singulis mensibus rationem reddant . pag. 45. n. 12.
 Officiorum confusio penitus interdicitur . pag. 44. n. 11.
 Officium Generalis in tribus consistit . pag. 101. n. 1. & seq.
 Officium Vicarii Gen. duplex . pag. 104. n. 2. & 4.
 Officium Provincialis . pag. 107. n. 2.
 Officium Definitorum . pag. 109. n. 2.
 Officium Secretarii Gen. vel Provin. pag. 111. n. 1.
 Officium Priorum . pag. 113. n. 1. & 2.
 Officium Discretorum . pag. 116. n. 1.
 Officium Supprioris . pag. 118. n. 2.
 Officium Prædicatorum . pag. 119. n. 1. & seq.
 Officium Sacristæ . pag. 125. n. 1.
 Officium Collegæ minoris . pag. 129. n. 2.
 Officium Procuratoris Conventus . pag. 132. n. 1.
 Officium Infirmarii . pag. 135. n. 4.
 Officium Præfecti hospitum . pag. 140. n. 2.
 Oleum Infirmorum decenter asservandum . pag. 127. n. 5.
 Orationi mentali omnes incumbant . pag. 26. Cap. 13. n. 2.
 Otiosi durius redarguantur . pag. 59. n. 2.

P

- P** Allis nigris in civitatibus utantur . pag. 57. n. 3.
 Patres , & Diaconi in Missis utantur quadratibus . pag. 35. n. 2.
 Pecuniam nemo penes se vel alium retineat . pag. 41. n. 3. Statim con-
 signetur Superiori . ibidem . n. 4.
 Pelliceas habere licet . pag. 57. n. 2.
 Percussores quomodo puniendi . pag. 164. n. 1. & 2.
 Pæna excommunicationis . pag. 168. n. 1. & seq.
 Pæna ejectionis . pag. 172. §. VII.
 Pæna inobedientiæ quinam puniendi . pag. 39. n. 4.
 Pæna proprietariorum . pag. 167. n. 1. & seq.
 Pæna ebrietatis . pag. 54. n. 9.
 Pæna exeuntis sine licentia . pag. 55. n. 3.
 Pæna revelantium secreta Ordinis . pag. 59. n. 3.
 Portæ superflue non permittantur . pag. 145. n. 4.

- Potum inter Claustra vendere non licet . pag. 59. n. 6.
 Presbyteri 4. Missas per hebdomadam absoluant . pag. 35. n. 1.
 Præcedentia Patrum Ordinis , & PP. Provinc. pag. 101. n. 5. Item
 Secretarii Generalis , vel Provin. pag. 112. n. 2.
 Prædicatores quales esse debent , pag. 119. n. 1. & 2. Quidam scire
 tenentur . ibidem . n. 3. Indulgentias , & miracula incerta non pu-
 blicent . pag. 120. n. 4.
 Prædicationi omnes interfint . pag. 35. n. 3.
 Præfectus hospitum sit bonis moribus præditus . pag. 140. n. 1.
 Præfectus Capituli assignetur . pag. 67. n. 10.
 Priores pro Monast. studiorum idonei eligendi . pag. 23. n. 2.
 Priores resignent officia sua in Definitorio . pag. 89. n. 4. Rationem
 reddant . n. 5. Privilegia Religionis plenè sciant . pag. 113. n. 1.
 Prior Monasterii Novitiatus eligatur ante alios . pag. 2. n. 3.
 Privati voce activâ , & passivâ . pag. 68. n. 4.
 Privatus voce , & loco . pag. 170. n. 1. & seq.
 Processus quomodo formandus . pag. 155. n. 1. Quænam excludi de-
 bent à processu nostro . pag. 157. n. 8.
 Processiones fiant diebus solitis . pag. 37. n. 4.
 Procurantes extra Ordinem dignitates excommunicantur . pag. 69. n. 9.
 Procurator Generalis obligatur comparere ad Capit. Gen. pag. 110.
 num. 3.
 Procurator Conventus . pag. 132. n. 1.
 Procuratores Vocalium absentium vocem in Capit. habent . pag. 66.
 num. 5.
 Professionis forma . pag. 21. n. 1.
 Professio quando nulla . pag. 6. n. 3. Tacita non admittitur . pag. 16.
 num. 7.
 Professi non habent vocem in Capit. nisi suscepto Sacerdotio . pag. 6.
 n. 4. Non admittantur ad Sacros Ordines nisi elapso triennio . pagi-
 na 22. n. 4. Non ferant suffragia in Capit. nisi &c. ibidem . n. 5.
 Professionum liber in arca communi asservetur . pag. 21. n. 2.
 Professores Theologiæ 2. Philosophiæ unus , vel plures deputentur .
 pag. 24. n. 1. Sequantur doctrinam S. Thomæ . ibidem . n. 2. Sa-
 cram Scripturam breviter interpretentur . n. 3. Dubia breviter sol-
 vant . n. 4.
 Proprium nullus possideat . pag. 41. n. 5.
 Proprietatis vitium quando committitur . pag. 42. n. 7.
 Prostrationes in Choro quando fiunt . pag. 34. n. 17.
 Provincialis electi confirmatio . pag. 71. n. 2.
 Provincialis det rationem suæ administrationis . pag. 79. n. 4. Tene-
 tur

- tur singulis annis visitare Provinciam. pag. 148. n. 1.
 Provinciales, vel alii voce gaudentes, si ex contumacia ad Capit. non
 veniant, nec pro se procuratores mittant excommunicantur. pag. 83.
 num. 2.
 Provincialis potest alicui negare professionem. pag. 17. n. 10.
 Provisores Capituli tempestivè deputentur. pag. 67. n. 10.
 Pueri intra claustra non pernoctent. pag. 41. n. 9.

R

- R** Asura Fratrum quolibet mense fiat. pag. 58. n. 7.
 Recipiendi ad habitum examinentur. pag. 7. n. 5. Eorum ætas
 attendenda. ibidem. n. 8.
 Recreatio quando concedenda. pag. 59. n. 2.
 Redeuntes benedictionem petant. pag. 55. n. 4.
 Reelectiones Officialium. pag. 71. n. 3.
 Reficiantur omnes in communi Refectorio. pag. 53. n. 1.
 Regula feria sexta legenda. pag. 53. n. 3.
 Religiosi non se intromittant in officium medici &c. pag. 135. n. 5.
 Rem sibi concessam ut propriam nemo possideat. pag. 41. n. 5.
 Rem unius domûs alio transferre nemo audeat. pag. 44. n. 7.
 Resignatio officii Generalatûs, vel Provin. pag. 78. n. 1.
 Resignationes offic. Priorum. pag. 89. n. 4.
 Residentia P. Gen. pag. 101. n. 4.
 Res demortui Fratris cui cedant. pag. 139. n. 5.
 Resolutio casuum habeatur. pag. 25. n. 8.
 Renovatio votorum quando habenda. pag. 46. n. 1.
 Reo detur copia processus. pag. 156. n. 5.
 Romam venientes ausu temerario. pag. 111. n. 4.
 Rubricas Missalis, ac Breviarii Rom. sæpius legant. pag. 32. n. 7.

S

- S** Acramenta & officia Parochorum contra voluntatem illorum nemo
 administret. pag. 37. n. 2.
 Sacram Scripturam Prædicatores scire debent. pag. 119. n. 3.
 Sacrista sit fidelis. pag. 125. n. 1. Luminis curam habeat. pag. 127.
 n. 4.
 Scriba Capituli designandus. pag. 83. n. 4.

A a ij

Scru-

- Scrutatores pro Capitulo Gen. pag. 83. n. 3.
 Secretum Capituli . pag. 91. n. 4.
 Senior in paritate votorum præferendus . pag. 87. n. 2.
 Sigillum Ordinis quale . pag. 146. n. 1.
 Sigilli majoris , vel minoris usus . pag. 147. n. 2.
 Sigillum unusquisque Conventûs habeat . ibidem . n. 3. Sigillum, constituentibus Definitorium conceditur . pag. 147. n. 5.
 Silentium ubi , & quando servandum . pag. 58. n. 1.
 Socius non concedendus nisi 25. annum agat . pag. 56. n. 7.
 Socius P. Gen. sit Presbyter . pag. 129. n. 1.
 Studentes ingenio , ac virtute præditi eligantur . pag. 23. n. 4.
 Studentes singulis annis examinentur . pag. 25. n. 7.
 Studia quot annorum spatio perficienda . pag. 24. n. 6.
 Superior si in lapsum carnis inciderit quid agendum . pag. 39. n. 3.
 Superior penam proprietatis quando incurrit . pag. 42. n. 8.
 Per Superioris negligentiam si Frater sine Sacramentis moriatur . pagina 134. n. 2.
 Superiores omnes redditus suos adnotari curent . pag. 44. n. 10.
 Superior cum humilitate officium suum peragat . pag. 97. n. 1. Fratrum conditiones consideret . pag. 98. n. 2. ut filios corripiat . pagina 157. n. 2.
 Superior curam infirmorum habeat . pag. 134. n. 3. Sæpe visitet infirmos . pag. 135. n. 5. Si in hoc negligens fuerit . pag. 136. n. 9.
 Supprior sit laudabilis vitæ . pag. 118. n. 1. Omnibus horis intersit . ibidem . n. 2.
 Suppellectili humili , & unicâ cellâ contententur . pag. 55. n. 6.
 Superiores tenentur obviare delictis . pag. 157. n. 1.
 Superior negligens in servanda clausura . pag. 145. n. 5.
 Superbi quomodo tractandi . pag. 158. n. 3.
 Suspectus de mala familiaritate . pag. 40. n. 5.
Surripientes. pag. 160.

T

- T** Abula Officialium legatur in fine Capit. pag. 93. n. 9. Item die Sabbati ad prandium pag. 54. n. 3. Appendatur in loco conspectuo . pag. 173. n. 5.
 Tarde venientes ad mensam genua flectant . pag. 54. n. 5.
 Tempus persolvendi Divinum Officium . pag. 30. n. 2.
 Testes qui non admittendi . pag. 157. n. 7.



V

- V** Agi, & ignoti Fratres apprehendantur. pag. 50. n. 1.
 Valetudinarii reficiantur in infirmaria communi. pag. 53. n. 1.
 Valetudinarium in singulis Conventibus habeatur. pag. 134. n. 1.
 Vesperæ diebus Festivis cantandæ. pag. 32. n. 5.
 Vestium & indumentorum qualitas. pag. 56. n. 1.
 Vicarii Gen. vel Provin. præminencia. pag. 104. n. 1. Item pag. 106. num. 6.
 Vicarius Gen. mortuo Generali, nullas oppignorationes facere potest. pag. 106. n. 5.
 Vinum conditum prohibetur. pag. 56. n. 10.
 Visitator cæremonias, & S. institutiones observari curet. pag. 148. num. 2, primum locum teneat cum Socio. pag. 149. n. 4. In Visitatione de quibus interrogandi. pag. 150. n. 8. Visitet SS. Sacramentum. pag. 152. num. 9. Negligentiam Prioris corrigat. pagina 153. n. 14. In pace Conventum relinquat. pag. 154. n. 21.
 Visitatores revideant libros Chori. pag. 35. n. 3. Habeant provisionem à suis Conventibus. pag. 154. n. 22.
 Vitia detestanda. pag. 29. n. 7.
 Vitium proprietatis. pag. 42. n. 7.
 Vocales Deum præ oculis habeant. pag. 83. n. 2.
 Vocem in Capit. Gen. habentes. pag. 68. n. 1. Item in Capit. Provin. pag. 69. n. 1.
 Vota in electione Gen. Si sint paria quid agendum. pag. 85. n. 10.
 Votum Castitatis. pag. 39. n. 1.
 Votum obedientiæ. pag. 38. n. 1.
 Votum paupertatis. pag. 41. n. 1.

F I N I S.

Biblioteka Jagiellońska



sta/0025999

